

دیوان کجبینہ ذہنی
درمدایح و مضائب اہلبیت علیہم السلام
از قریب

مرحوم آقای مشدی علی اصغر ذہنی
و مرحوم آقای ذہنی زادہ

دیوان کجبینہ ذہنی

۴۲۰۲۵۰۲۵

دیوان گنجینه ذهنی

درمدایح و مصائب اہلیت (علیہ السلام)

اثر قریحہ

مرحوم آقای مشہدی علی اصغر ذہنی و مرحوم آقای ذہنی زادہ

نام کتاب: دیوان گنجینه ذهنی
مؤلف: مشہدی علی اصغر ذہنی و ذہنی زادہ
ناشر: کتابفروشی بنی ہاشمی
تاریخ نشر: بہار ۱۳۷۷
چاپ: اسماعیلیان
نوبت چاپ: اول
تیراژ: ۲۰۰۰
حروفچینی: نعمتی

مق طبع محفوظ

ای دل سوله توحیدیوی افکارون اویانسون

تا حقیله باطل سچیلوب بیر آرالانسون

ذاتاً نَدُو خالق نَدُو صانع بونی بوشلا

حاشا بو مقاماتیده بیر عقل دُولانسون

کیفیت خالق نَدُو مخلوقه یتیشمز

بولسون کی حقیقت نَدی علت نَدی قانسون

اوز قووسی جان حدی وار هر فکر و خیالون

لابد دور آرتوق دولانان فکر دایانسون

سرحدی گچن فکر ایتیرور جاده حقی

ناچاریدی صحرای ضالانده بولانسون

یالقوز تانی ثابت بو صفاتيله خدانی

اولماز بو صفتلر دگیشیلسون تازالانسون

قادر دی بصیر حی و مُرید عالم و مُدرک

صادق متکلم دی سمیع هر سسی آلسون

سلبیه صفاتین ده دی بیم یوخدی شریکی

مرئی و محلی دگی بیر یرده دایانسون

محتاج دگول جسم و معانی دگل اصلا

حاشا نه مُرکب دی که ترکیبه بویانسون

توحیدیوی چون ایلدی کامل بو عقاید

ویر فکریوه معراج نبوت اوجالانسون

پیغمبری خاتم بول حق اُون ایکی وصی سین

مُنکر نولی بیر فکرت باطلدن اوسانسون

دورت اسمی علی ایکی حسن بیر تک حسین دور

قربان آدینا دی اورگین بیر یارالانسون

آخسون گوزووون یاشی محبتدن عذاره

تا زایل اولوب غم توزی قلبون صفالانسون

بیر جعفر و بیر کاظم غیظ ایکی محمد

بیر قائم اُونون غیبتینی مؤمن اینانسون

ذهنی فرجین ایسته خدادن دیمه هرگز

قورخوم بودوکی غیبت کبراسی اوزانسون

عقاید و مقدمه

خدادن ایتمه سن عنوان ذهنیا اولماز

که مبتدی اَدور اُونسوز هیچ ابتدا اولماز

قویاندا نظمه قلم یاز آزل خدا آدینی

که نام حق سیز هج بیر کلام آدا اولماز

خدا وحیدیدی یوخ شک و شبهه سی مُوجد
 اگر تک اولماسا ایجاد ماسوا اولماز
 نه وار شریک و عدیلی و لیک عادل دور
 که جبر و علت تفویض اونا سزا اولماز
 سمیع و عالم و قادر مُرید و مُدرک وحی
 بصیر دور متکلم دی ما عدا اولماز
 دگول مرکب و مرئی نه وار محل نه شریکی
 نه جسم دور نه معانی بیله غنا اولماز
 هامی رَسولی لری یوز ایگرمی دورت مین دور
 محمّد اولماسا تصدیق انبیا اولماز
 علی امامیدی برحق دی اُون بیر اولادی
 اولاردان اوزگه حقیقتده پیشوا اولماز
 معاد حقّ دی قرآن کتاب دین اسلام
 که قبله مؤمن ایچون کعبه دن سوا اولماز
 اگرچه بیت خدا کعبه محترم دی ولی
 جلال و مرتبه ده کعبه کربلا اولماز
 اودور که کعبه یری فخر ایده نده یتدی ندا
 که کعبه کرب و بلا سیز بو یر بنا اولماز

گتوردی کعبه یه قربان خلیل اوز اُغلون
 ولیک کسمه دی باشین که حق رضا اولماز
 ولیک کرب و بلانی خلیل کعبه عشق
 ایدوب منای حقیقت بیله منا اولماز
 او کوی عشقده یتمش ایکی فدا ویزدی
 دیدی کسيلمه سه اوز باشیم اکتفا اولماز
 جدا بدندن اولوب ظلم الیله قانلو باشیم
 جدایه گیچمه سه باطلدن حق جدا اولماز
 گورنده زینب او باشی قاچوب دالینجا دیدی
 حسین باشون کیمی مرآت حق نما اولماز
 نه دندو بس بدنون ویرمسن نشان باجووا
 محالدور سنی من تاپمیونجه تا اولماز
 گزردی قتلگهی اضطراب و هولیله
 نه قدری سنلّدی قارداش گوروب صدا اولماز
 یتشدی بیر یره گوردی که بیر یارالی بدن
 که هیچ بدنده بیله حدسیز یارا اولماز
 نه باشی وار نه لباسی دایانندی وحشتدن
 گوروب گوزه بو بدن هرگز آشنا اولماز

تعجب‌ایله دیدی سن منیم حسینیم سن
 نندن سئوالیمه اصلاً جواب ادا اولماز
 کلام ناطق حق عاجز اولماز ایجاب
 که عجز قدرت قادرده مطلقاً اولماز
 سبب ندور منی دیندورموسن آنام اوغلی
 اسیر اولان باجیه یوخساعتنا اولماز
 سنقدی قلییم اسیرم شکسته گوگلومی آل
 شکسته دلّره کم لطفولوق روا اولماز
 مگر مکدر اولوبسان سنی قویوب گیدورم
 نیدوم یانوندا قالوم راضی اشقیا اولماز
 سنی الیمدن آلوب سالدیلار بلایه منی
 بو درد چاره‌سیز اولدی داخی دوا اولماز
 نه سندن آیریلما بولم نه اهل بیتوندن
 ندور علاجیم حسین بیله ماجرا اولماز
 پیمبر اوغلی کفن‌سیز قالا حقارتیله
 گون ایسی سینده یارالی بیله جفا اولماز
 قویوب جنازه‌وی یرده گیدوم نه نوع گیدوم
 دیسم که دفن ایدرم شمر دون رضا اولماز

نه معجریم وار ایدم سایه‌بان نه گورمگه تاب
 اولیدی کاش باجون بو قدر بلا اولماز
 چوخ ایسترم دوشیم زلفیمی یارالاریوا
 ایدوم نه چاره که وقتیمده اقتضا اولماز
 یازاندا بو غمی گوز یاشون آخماسا ذهنی
 غبار غصّه گیدوب ذهنده صفا اولماز

عقاید و مقدمه

ای دل حقیقتیله دوشون بیر خدا ندور
 بول صانع حقیقی نه‌دور ما سوا ندور
 باخ ماسوایه گور اثرات حقیقتی
 ایلر سنه حکایت اولان مدعی ندور
 باخماز حقیقت اهلی مگر بیر حقیقته
 مدّ نظرده بیلمز اولان ماعدا ندور
 عارف دگیل حقیقته اهل مجاز اولان
 مطلب بودور دیدوم داخی چون وچرا ندور
 هر کس اوزون حقیقتیله آشنا بولر
 تا امتحان اولونماسا بو آشنا ندور

اولده انبیایه ویریلدی بو امتحان

بی امتحان رسول ندور انبیا ندور

آخر یتوب و صیلره نوبت بو امرده

تا امتحان ثبوت ویره اوصیا ندور

بو امتحان عوالمینه واقف اولمیان

مشکل دی بولسون عالم قائلو بلی ندور

سس یتدی چون آستده امر شهادته

ارواح تا توجه ایدوب بو صدا ندور

اولدی سکوت محض تمام انبیا رسل

بولمزدیلر ارادهئی رب العلی ندور

لتیک اوجالدی نور منیر حسیندن

محبوبه اهل عشق جوابنده لا ندور

باغلاندی عهد ماحضرین بذل یار ایده

ایشار نفسین ایتمسه عهد و وفا ندور

تا وقت او وقت اولوب ویره اوز امتحانینی

گوردی محل اولماسا کربوبلا ندور

ترک وطن قیلوب گوتوروب اهل بیتینی

عشق اهلینه وطن ندو قوم اقربا ندور

احرام عشق باغلادی یوز قویدی مقصده

باخموب که سیر عشقده صبح و مسا ندور

تا بیر محلده جلوه نوب جلوه حبیب

اهل نظر بولر که او نور و جلا ندور

قیلدی حریم وصلی مزیّن شه حرّم

ایستوب عیان ایده که حریم ولا ندور

ویردی امیر حج حقیقت نزلوه امر

تا بولسون اهل حج بو یرده صفا ندور

سویلوب گرک بو بزمیده بیگانه قالماسون

بولمز ضلالت اهلی طریق هدا ندور

اهل خللدن ایلدی خالی چو بزمینی

کشف ایلوب که کعبه ندور یا منا ندور

کیدردی اکبرینه کفن سویلدی اوغول

گل اولماسان بو عرصه گلگون قبا ندور

یوز دوتدی اهل کوفیه کی قوم تیره دل

یاخشی باخون بو آئینه مصطفّا ندور

جدیم شبیهی قلبیمین آرامیدور منیم

بونسوز منیم گوزومدکی نور و ضیا ندور

اما بوگون محبتمه مُقْتَضی بودور
 قربان ویرم حبیبیمه مندن ابا ندور
 باشند ایاقه دوغرانا گل جسمی راضیم
 گر اولماسا قضایه موافق رضا ندور
 هم من رضایم هم آناسی هم اوزی رضا
 رد و قبول ایچون گورک امر قضا ندور
 سیزده چکون قلجلاری قربانمی کسون
 دوغرانماسا تکه تکه اعضاسی تا ندور
 وورساز نقدری یاره دیمز اف اینجیمز
 مست می محبتدی بولمز یارا ندور
 فکر ایتمیون که حسرتی وار کامه یتیمیوب
 خنجر دمینده اولماسا کامی روا ندور
 باخمون آناسی باشون آچوب وای اوغول دیر
 حسرتله اوغلون اوخشاماسا گر آنا ندور
 سو ایسته سه اگر سوکیمی قانونی توکون
 اوز قانون ایچمه سه سو یرینه قدا ندور
 ذبح ایلینده سنسلیون اما اوزوم گلوم
 قربان ویرن گر ایتمه سه ختم دعا ندور

قان ایچره آل ایاق چالا منده الین دوتام
 تا قبلیه چو وورمه اوغلون آتا ندور
 عهدیم دی جان ویرنده قوجاقیمده جان ویره
 جان ویرمه آتا قوجاقوندا بالا ندور
 قانی گرک محاسنیمی ایلسون خضاب
 بیر بیله گونده قانیدن آرتوق حنا ندور
 ذهنی دلرخما شغلون اولوب نوحه صبح و شام
 محشرده آنلاسان که بو نوحه نوا ندور

رحلت حضرت ختمی مرتبت ﷺ

باتدی بوگون شمس هدی تار ایتدی ظلمت عالمی
 رحلت ایدوب خیرالوری دوتدی مصیبت عالمی
 اه ای مسلمانلار هرای
 وای عالم اسلامه وای
 گلمیش بو غمدن نالیه آغلار تماماً ماسوی
 آفاقی دولدور موش بو سس و آحمدا و مصطفا
 ماتم دوتوب پیغمبره قان آغلا شور ارض و سما
 غرق ایتدی دریای غمه اندوه و محنت عالمی

دوتموش مدینه شهرینی فریاد و واویلا بوگون
 اولاد خاتمدن یتر افلاکه واغوثا بوگون
 باشین آچوب ماتم دوتوب افغان ایدر زهرا بوگون
 یاندوردی سوز و آهیله بانوی عصمت عالمی
 جبریل طاق عرشده اوخشار نبی قارداشینی
 ماتم نشین دور مرتضی ایلر روان گوز یاشینی
 باتموش قرایه مجتبی آچموش حسین اوز یاشینی
 ایتدی مدینه اهلینه شور قیامت عالمی
 گاهی حسین اوز یاشینی آچموش بوگون افغان ایدر
 گاهی همین باش نیزهده اوز نورینی رخشان ایدر
 خوش لحنیله قرآن اوخور عالمیری حیران ایدر
 اعجازی ایلر غرقه دریای حیرت عالمی
 دورموشدی بام اوسته او دم بیر سنگدل بیرحم عجزوز
 گوردی که بیر باش نیزهده خُشگ اولمیوب قانی هنوز
 نطقه گلوب خوش لحنیله آیات حق ایلر بروز
 اوز حقینون اثباتینه ایلر شهادت عالمی
 غیضه گلوب دور کینهدن آلدی آله سنگ جفا
 بیر باخمادی وار اون یکی یاره او باشدا بر ملا

قرآن ناطق باشینه اوز داشین ایتدی آشنا
 قویمام تمام اولسون دیدی اتمام حجت عالمی
 ناگه گوروب زینب دوشوب دیلدن لسان در نثار
 بیر باخدی قارداش باشینه گوردی که تازه قان آخار
 هولیله چوب محمیله ویردی باشین بی اختیار
 قانون قاتوب گوز یاشینه مهر و محبت عالمی
 ذهنی دایاندور ذهنووی آز قالدی دیوان آغلاسون
 لازمدی گرچه بو غمه دائم مسلمان آغلاسون
 اسلامون اضمحلالنه مسلم گرک قان آغلاسون
 اَنَا قَاتَا مَحُوْا وَلَوْ دِیْن وَ حَقِیْقَتِ عَالَمِی

زبانحال جناب زهرا (س) در رحلت حضرت رسول (ص)

سن سیز بابا توگندی تاب و توانیم ای وای
 هجرونده جانہ دویدوم بیچاره جانیم ای وای
 قویدون بو امت ایچره اوز عترتین امانت
 دور گور نجه امانت ساخلار وفاسیز امت
 هتک اولدی احترامیم حددن گیچوب اهانت
 گتدی سنیلہ وقریم اعزاز و شأنیم ای وای

گر امر ایدیدون امت زهرايه ایتسون آزار
هرگز بو قدری ظلمی بولمز دیلر سزاوار
عکس وصیتونجه بو امت ایتدی رفتار
عاجزدی شرح حاله نطق بیانیم ای وای
قوم اولدی لائالی سن ارتحال ایدندن
گویا بو بی وفالر بیزاریمشله سندن
ایمدی قصاص ایدیلّه بیداد الیله مندن
یوخ مأمّن و پناهیم تا دالالانیم ای وای
چوخ بیر یاخین زماندا دور زمانه دوندی
سولدی بهار عمروم فصل خزانه دوندی
زلفوم آغاردی غمدن قدیم کمانه دوندی
غم غصّه دن قوجالدیم عمر جوانیم ای وای
امت عم اوغولوم حقین انکار ایدوب داناندا
چوخ مشکل اولدی امریم درگاهیم اودلاناندا
اوز آهمیله منده یاندیم قاپوم یاناندا
اوج ایتدی طاق عرشه آه و فغانیم ای وای
قالدیم قاپو دالیندا دوشدوم بیر اوزگه حاله
واضح بیانله گلمیر باعثدی چون ملاله

بولم نددی یتمز عمروم گونی زواله
اوجماز سِنِق قفسدن مرغ روانیم ای وای
قالدیم غریبلر تک گنج وطنده بیکس
هر قدر امانه گلم یتمز سنسیمه بیرسس
اف بیله روزگاره هاردا قالوب آجل بس
سالدی منی نفسدن درد نهانیم ای وای
ایش یتدی بیر مقامه ظلمون نهاییه سنده
حفظ اولمادی شئونیم بیتیم وقایه سنده
آخرده دالالاندیم بیر نخله سایه سنده
گویا که بیر غریبیم یوخ خانمانیم ای وای
داده یتن تاپولمور تا دردی می دیوم من
کسندی همین آغاجی بوقوم نیلیوم من
بس هاردا باش آچوب تاییر شیون ایلیم من
گونلر ایونده قالدوم یوخ سایه بانیم ای وای
قومون گلور ستوهه من نالیله گلنده
قویمولا سس چکوب بیر بابا دییم وطنده
تا وار جان آغلارام بو بیت الحزننده منده
اولسون گرک اولونجه چوللر مکانیم ای وای

ويزم قسم الہی من عصمت رسولہ
 ذہنی ایدن دُعانی لطیفہ قوی قبولہ
 عفو ایت منی یتور بیر جان و دلیم بتولہ
 یوخ وصلینہ اولومدن اوزگہ گمانیم ایوای

رحلت حضرت رسول ﷺ و امام حسن (علیہ السلام)

یا صاحب الزمان بوگون هانسی بلایه آغلیاق
 ماتم دوتاق پیغمبره یا مجتبیایه آغلیاق
 واهمقدادیوب آغلیاق
 واهسنادیوب آغلیاق
 واهمصطفادیباقرک بو ماتم عظماده بیز
 یا واهامام سسلوبوب یکسر گلک فریاده بیز
 قالدوق ایکی اندوه آرا حیرتده بو ائناده بیز
 ختم رسل یا کشته زهر جفایه آغلیاق
 پیغمبر رحمت غمی بیر یاره دور یوخ مرهمی
 بیگانیه تأثیر ایدر مسموم آشنا غمی
 مستور اولوب انوار حق تار اولدی اسلام عالمی
 ای حجت حق بیز نقدر بو اختفایه آغلیاق

چوخ جالب رقت بوگون دینون پریشان حالیدور
 سن سیز وخیم و ناگوار دین اهلینون احوالیدور
 ای حافظ اسلام گل اسلامین اضمحلایدور
 عجل نقدری ورد اولاهل ولایه آغلیاق
 انا فانا موحو اولور اسلامین عزتی
 اسلامیدن بیر آد قالوب دللرده گتدی شوکتی
 ایلر تفوق دمبدم اسلامه کافر ملتیی
 اولما رضا بو ذلت بی انتهایه آغلیاق
 واضحدی جدهن فاطمه باشه قرا باغلار بوگون
 سوز شرار آهیله عالمیری داغلار بوگون
 ماتم دوتوب فردوسده بی اختیار آغلار بوگون
 لابد گرک همدرد اولوب خیرالنسایه آغلیاق
 بیر درده آغلیاق گرک هم مصطفی رضاسی وار
 هم فاطمه خوشنودور هم مجتبی رضاسی وار
 ای حجة الله سن رضاسن هم خدا رضاسی وار
 واضح دیوم قوی قصه کرب و بلایه آغلیاق
 تا وار نفس بو قصه نی یاد ایلوب هر آن آغلاروق
 ناحق آخان حق قانلارا صبح و مساقان آغلاروق

تا آلمیوب سن انتقام وار جسمده جان آغلاروق
تا وار اورکده داغ بو قانلو یارایه آغلیاق
ترویج اسلامه مگر جدون حسین جان ویرمیوب
پیغمبره بنزَر جوان بو دینه قربان ویرمیوب
یوخسا قصاص اذنی هنوز خلاق سبحان ویرمیوب
لابد گرک تسلیم اولوب حکم خدایه آغلیاق
ذهنی اگر بولدون ندن اسلام بیله خوار دور
باعث مُسلمانلاردو یا عالِم نَما اشرار دور
ناخوش بدن معیوب روح باش مست عشق یار دور
یوخ چاره تا آل یتمیوب خاک شفایه آغلیاق

زبانحال جناب زینب در فراق حضرت فاطمه (س)

بابا گلمز نجه فریاده زینب آناسیز قالدی تیز دنیاده زینب
بولور سن چوخدی دردییم دل فکارم گیدوب الدن توانیم بی قرارم
فلک بیر درده سالدی یوخدی چارم گرک گلسون اولونجه داده زینب
شکیبا غملو دلده کَالْعَدَم دُور اودور فریاد و نالم دمبدم دور
آناسیز لیلیق غمی بیر غمده غمدور یانار بو محنت عظماده زینب

بو اود که قلبیمه ویردی شراره یقینیم دور خموش اولماز دوباره
آخار تا من وارام اشگیم عذاره یانار بو نار سوز افزاده زینب
آلواندیقجا قلب داغداریم دولار اشگیله چشم اشکباریم
نقدری وار جهان وار آه و زاریم مگر آرام اولا عقباده زینب
باخار حسرت گوزوم هریانه هر دم آنام زهرا یری خالی دی گوزم
اولار آغلار گوزومده گوز یاشی دم اودور شوره اولور آماده زینب
نیجه من شیونیه چکرم سس آنام تک مهربانیم یوخدی بیرکس
چکرکیم نازیمی بوندان صورابس کیمه دلشاد اولور دنیاده زینب
آنسام تا واریدی دار قناده وجودیندن ایدردیم استفاده
چکردی نازیمی صبح و مساده گزردی خرم و آزاده زینب
کج ایتدی دُورونی دور زمانه منی قویدی آناسیز یانه یانه
فلک چوخ ظلم ایدوب بو ناتوانه نجه دوزسون بیله بیداده زینب
منی بو خوردا وقتیمده زمانه آناسیز قویدی باغیریم دوندی قانه
نه نوعی گلمه سون آه و فغانه بو درد جان و دل فرساده زینب
اوجالماز عرشه آیا آه و واسی اولا بیر قیز که محنت آشناسی

گیدوب آلدن اوز عزتلو آناسی کیمیله فخر ایدر بس یاده زینب
 آناسیز قیز قالور درد و محنده نظرده خوار اولور هر آنجمنده
 گرفتار اولموشام بو درده منده گوزر یا عالم رؤیاده زینب
 دوشر بیر نسگلی هر دم خیاله اولور گوگلوده باعث مین ملاله
 دگـلـلـقـبری معین لامحاله گیدوب تا آغلاسون صحرا ده زینب
 بو محتندن گلیر سن داده ذهنی که زینب گلدی چوخ فریاده ذهنی
 نه چکدی دهرده سال یاده ذهنی گوروب گتمیش جلالی باده زینب

وفات حضرت صدیقه کبری (س)

وا حسرتا غروبه یتوب نیّر هدی
 دوشدی خفایه جلوة والشمس والضّحی
 یوز ویردی ظلمت عالم اسلامه سر به سر
 دین اهلنه مصیبت آرا تار اولوب قضا
 امت که بی بصیرتیدی آزدی حق یولی
 قالدی تمام دشت ضلالتده کالعمّا
 حال مرزده ایستدی بیر خط یا زانبی
 تا خط حق و باطلی ایستون او خط جدا

اول عقل کله نسبت هذیان ویروب عمر
 قرآنه باخمادی که پیمبر دیمز هوا
 قرآنی داندی حقّی آتوب دوندی باطلی
 مُرتدّ ایدوب جماعتی دورت کیمسه دن سوا
 یرده قویوب پیمبر اکرم جنازه سین
 بیر بزم شور و کفر و نفاق ایتدیلر بنا
 نصب خلافت آیه سینه منکر اولدولار
 اَتَمَمْتُ نِعْمَتی اَثرین ایتدیلر هبا
 خُم غدیر قصه سینه چکیدیلر قلم
 جعل ایتدیلر بر عکس خبر محض افترا
 بی فضل محضی افضله ترجیح ویردیلر
 عالی مقامه نایل اولوب آرذل الوزی
 باغلوب پیمبرین قاپی سین آچدی ظلم آیین
 آل رُسُوله امت بی حس و بی وفا
 بیر درگهیکه قابض الارواح تک ملک
 بی اذن داخل اولمادی آلدی اجازه تا
 بیر عبد رِقّ تک ملک اذن ایستین قاپی
 آیا روادو آتش ظلمیله اودلانما

یاندی او محترم قاپی بغض و عناده باخ
 خطابون اوغلی ایتمدی بو ظلمه اکتفا
 قویدی قاپی دالندا پیمبر عزیزه سین
 اَللّٰهْدَنْ اَوْ حَقْدَنْ اَوْ زَقْ ایتمدی حیا
 پهلوی ناز حضرت زهرا شکست اولوب
 سقط اولدی محسنی یخلوب بنت مصطفی
 میر حرم گوروب یخلوب باش آچوق حرم
 سرعتله سالدی فاطمه نون باشنه عبا
 ایش بیر مقامه یتدی یداللهه آل تاپوب
 باغلوب او شاه قولارینا رشته جفا
 جبراً چکردی مسجده امت امامی تا
 مأمومه بیعت ایلیه سلطان مقتدا
 دوردی ایاقه دوتدی علی دامنین بتول
 قویمام دیدی که مسجده گتسون شه ولا
 گوردی عمر که فایق اولور خَلقه فاطمه
 آز قالدی اوز عم اوغلو سونی ایلسون رها
 امر ایلدی غلامه علیدن آییرون
 قمچی آلوب شل اولموش آلّه قنفذ دغا

بیر ظلم ایدوب که فاطمه چکدی علیدن آل
 اما یخیلدی قالدی او مظلومه غش آرا
 تا حاله گلدی سویلدی فضّه هانی امام
 اشرار آپاردیلار مگر عرض ایلدی بلا
 بولدی چکوبله مسجده جبراً عم اوغلو سون
 سرعتله گیتدی مسجده محبوبه خدا
 تا یتدی گوردی شیر حقی ازدحامله
 روبه صفات باشی آچوق ساخلیوب به پا
 الده قلج عمر دییوری بیعت ایت علی
 ابن ابی قحافه نی بول سنده پیشوا
 قبر رسوله یوز دوتوب ال آتدی معجره
 سوز دلیلله صیحه چکوب وا محمدا
 دیوارلر هوایه گیدوب قالخوب انقلاب
 تا ایستدی شکایتله گلسون او بینوا
 ایتدی خطاب او حالده سلمان به بوتراپ
 قویما که فاطمه باش آچا حقّه یوز دوتا
 گرافاطمه باش آچسا یوزون دوتسا گوگلره
 قطعاً بو قومله نازل اولور حقندن بلا

سلمان او دمه رحمت للعالمین قیزین
 آرام ایدوب تمامه یتیشدی بو ماجرا
 آل عبا قییت دی گینه دودمانینه
 نه دودمان که اهلینه اولموشدی غم سرا
 آغلاردی فاطمه گیجه لر صبحه تک تمام
 ایلردی آه و ناله ئیله صبحونی مسّا
 اهل مدینه گلدیلر آخر شکایته
 یا فاطمه بو قدر گیجه گوندوز آغلاما
 یا گوندوز آغلا شام زماننده ساکت اول
 بیز راحت اولموروق گیجه وقتینده آغلایا
 عرض ایلدی عم اوغلی علاجیمندور منیم
 قویمولا اوز ایویمده باباما دو تام عزا
 ویرسن اگر اجازه گیدوب چولده آغلارام
 هم نالم اولسا بسدی حسینیه مُجتبا
 بیر نچه گون بقیعهده صحرا نشین اولوب
 بیر نخله سایه سینده ایدوب شامه تک نوا
 هر گون گیدوب او یرده یوزه قانلو گوز یاشین
 دُر دانه تک توکردی دُر کنزِ اِصطفا

آخشام اولاندا هر ایکی نور دو عینیه
 رَجعت ایدردی منزله اشگی آخا آخا
 بیر گون گیدوب گینه یتشنده مقامنه
 گوردی کسوبله نخله نی ظلمیله اشقیا
 گونه او گون غروبه کیمی ایتدیلر فغان
 تغیرر حاله باعث اولوب شدت هوا
 یوزلر لطیف گوز یاشی پر سوز ایستی گون
 یاندی قزاردی اوت تک او اوچ ماه حورلقا
 تا منزله قایتدیلر آشفته حالیه
 هر ایکی نور دیده سینه باخدی مرتضی
 گوردی او ایکی غنچه نوخیز ایله سولوب
 گل یوزلرینده گون اثری قویموب صفا
 حتی جناب زُهره زهرا جمالینی
 چوخ یاندوروب گون ایستی سی مجروح اولوب لدا
 بولدی کسوبله نخله نی اَمّتِ عِنادیه
 چوخ درده گلدی خاطر سلطان اولیاء
 ایتدی بنا بقیعهده بیت الحزن او شه
 تا اُردا فاطمه ایده آسوده اَنزوا

مشغولیدی او یرده خانم آه و نالیه
 نه آه و ناله درده گلیب اهل نه سما
 آغلاردی هایهائیله هر لحظه مُتَصِل
 تترردی ناله سیندن اونون عرش کبریا
 بیر اهل دل تاپمازیدی درد دل دیه
 سویلردی داد امت الیندن امان بابا
 سن سیز جهاندا اوز وطنیمون غریبیم
 بیگانه اولدی امت اولان یوخدی آشنا
 اوخشاردی مهربان آناسین آه و زاریله
 بیر نچه گون واریدی همان کنج غم فزا
 بیر حمله همان ایویده ایتدیلر خراب
 بولم نه بی مروّت میش قوم انما
 تنگ اولدی عرصه فاطمیه چار سمتدن
 زندان محنت اولدی اونا صحنه نژی
 بیر سمتدن عم اوغلو سی خانه نشینیدی
 دوشموشدی چوخ فشاره او مصداق هل آتی
 گیتیمیشدی هم فدک یوخودی مایه معاش
 ضیق معاشه آل رشول اولدی مُبتلا

آج آج اوزوج دوتار دیلا افطار اولان زمان
 اولموشدی سو تمامینه هم سو و هم غذا
 بیر گون دیدی عم اوغلو جان اوچ گون تمام اولوب
 اطفالون آج قالوبلا علاج ایت سنه فدا
 بیر طور ایله که مالک اولام بلکه مُلکومه
 گلسون آله دوباره او آملاک پُر بها
 آخر اجازه صادر ایدوب شاه دیندن
 گیتیدی ایدیب خلیفه بیر قدر التجا
 سویلوب که گل بو خواهشی مندن قبول ایله
 گیرم فدک سنین کیدی ایله منه عطا
 از بس یانوقلی دل دیدی آلدی قباله نی
 امضاء ایدوب خلیفه دینموب سوزینه لا
 آلدی قباله نی آله شوقیله فاطمه
 قصد ایتدی دودماننی خرّم دوشوب یولا
 سرعتله یول گیدردی که اثنای راهده
 ثانی ستمگری اونا توش ایلدی قضا
 عرض ایتدی فاطمه هارا گیتیمیشدون ایت بیان
 صدیقه صدق اوزیله بو یوردی جواب اونا

گیتدیم خلیفه حَقَمی تصدیق و مُهر ایده
 مُهر ایلدی خدای حقه ایلرم ثنا
 سُولُوب هانی قباله نی ویر منده بیر باخوم
 اصرار ایدوب نَقَدَر او خانم ایلدی اِبا
 من ویرمَرَم قباله می هرگز سنه دیدی
 اینجتمه چوخ منی منه آز ظلم گور رَوا
 آیا بس اولمادی قاپوما اود ویروب منیم
 یاندردون اولدی خواریه بیر محترم فنا
 ایتدون شهید مُحسنومی ظلمه دویمادون
 قورخ عدل حَقَدَن که ویرَر ظالمه جزا
 پیغمبرون قیزی ایدوب هر قدر احتجاج
 اصلاً او سنگدل سوزونه ایتموب اعتنا
 باخموب او ظالم عورتی ویرمازلا شرعیده
 هتک حجاب حرمت اُناثه دَگُول سزا
 زهرادن آل گوتورمَدی قُوزوب هوایه آل
 بولمَن نَدَن خطا آلی بس ایتمَدی خطا
 بیر ظلم ایدوب که فاطمه نون گوشواره سی
 دوشدی یره اوجالدی گوکه وامصیبتا

تا آل جفاسین ایتدی ایاق ظلمی باشلادی
 دل جرئت ایستر ایلیه بو مطلبی آدا
 جَبْرِیلَه آلدی خیرنسان قباله نی
 گوردی او ظلم پیشه آله گلدی مدعا
 تُف سالدی خطّ خاتم ختمی رسالته
 سالدی یره او حق سَنَدی ایتدی زیر پا
 زهرا اوحالیه که یخلمیشدی خسته دل
 رِقَتَلَنوب یَتغیلدیلا اطرافنه نِسا
 دولت سراسنه یتوروب مصطفی قیزین
 بیر حائتیه که اونا مشکلدور ابتلا
 باغلوب قاپوسون اگلشوب آغلاردی دمبدم
 آچمازدی بیر قاپوسون اونون قوم و اقربا
 آسَدوقچه باد ظلم مخالف او گل صفت
 سولدی سارالدی صورت اولوب رنگ کهربا
 زَرَتک اَریتدی بوْتَه محنت وجودینی
 تشریح محض اولوب بدنندن گیدوب قُوا
 از بس چوخ اینجیدی او بلاکش زمانه ده
 دویدی حیاتدن اولومون ایتدی اقتضا

عَجَلْ وَفَاتِی یَارَبِّ اُولُوب وَرْدِی اَتِّصَال
 ایتمزدی معبدینده داخی اوزگه بیر دُعا
 ختم نماز ایدنده دیردی خداسینه
 ختم ایله عمرومی منیم ای خالق عَلا
 یکاش اَجَلْ گلوب منی تیز راحت ایلیه
 ترک فنای مطلق ایدوب درک ایدم بَقا
 دوشدی ایاقیدن اولوب آخرده بَستری
 اولدی بلالی باشینه مَأْنُوس مُتْکَا
 گیتدووجه شدت ایتدی مرض وقت اولوب اونا
 ویرسون حکیم مطلق اولوم شربتین دَوا
 بیر گون کمال یأسیله سویلوب عم اوغلی گل
 آل باشیمی دیز اوستونه ای یار دِلْزِبا
 چوخ آز قالور که حسرتیله سندن آیریلام
 یتدی تمامه وصلمیز هجر ایلور اِبتدا
 ویردیم بو مدّتی سنه چوخ دردسر مُدام
 سندن واریمدی خجلت بیحد و انتها
 عَذْر ایسترم قصوریمه عرضیم بودور سنه
 عفو ایت منی حلال قیل ای معدن سَخَا

اولسم گجیله عُسلومی ویر ایت گیجه کفن
 قبره یتور جنازه می بو قومدن خِفا
 تا بولمسون اولار که منه ظلم ایدوبدولر
 تشییعه گلسه روحیمه زحمتدی مُنتها
 ایتدی هامی وصیتین اولدی او وقت تا
 مرضیه نفسینه یتیشوب اِزْجَعِی نِدا
 آیریلدی روحی غسل ویروب ایلدی کفن
 اوز ایتدوگی وصیتی تک اَتَّقِی الاَتْقِیا
 گلدی انا جنازه سنی ایلسون وداع
 هم مجتبا ی خسته دل هم خامس کسا
 نعشین قوجاقلیوب یوزه قانیاش توگردیلر
 هر یکی پارهئی جگر ختم انبیا
 عرض ایلدی حسین آچارام باشیمی اگر
 اوز ساقلقون کیمی منی دیندیرمسن انا
 بولم بو سوز بتوله نقدر ایلدی اثر
 راوی امامدور دیر اَللّهُ اَند اولا
 گوردوم سیزیلدادی کفنی ایچره فاطمه
 گلدی تلاطمه قولونی آچدی برملا

چکدی ایکی یتیمینی آغوشه جان کیمی
 عرش برین داوړه اوج ایتدی آه و وا
 سس گلدی یا علی حسنی آیر گیلن
 آغلان دلار ملائکه نی بو ایکی بالا
 گوز یاشلارین سیلوب هر ایکی نور عینون
 ایتدی جدا تسلی ویروب مهربان آتا
 قیلدی نماز نعشینی نقل ایتدی مدفنه
 ایستوب که قبره تاپشورا سرخیل اصفیا
 ناگاه ظاهر اولدی ایکی آل مزاریدن
 سس گلدی ویر امانتی ای فخر اوصیا
 ویردی جنازه نی او ایکی الله علی
 معلوم اولان پیمبریمیش صاحب صدا
 واردور یری دیدی پیمبر او حالد
 آیا امانتی بیله ساخلا لا یا اخی
 من تاپشوران زماندا سته سرو قدیدی
 زلف معنبری واریدی باشد مشگ سا
 آیا سبب ندور آغاروب زلفی سربسر
 علت ندور کمان تک اولوب قامتی دوتا

پهلوی پاکینه یتیشوب صدمه بس ندن
 قمچی ایدوبدی ساعد سیمینینی قرا
 باری تمامه دفن یتوب باشلانوب ستم
 معیار جور و ظلم گینه تاپدی ارتقا
 صبحون زمانی یغدی عمر خلقی باشنه
 گلدی بقیعه فاطمه نون قبرینی آچا
 امر ایلدی بو قبرلری نبش ایدون تمام
 خیرالنسا جنازه سی تا قبردن چیخا
 پیغمبرون عزیزه قیزی ایلوب وفات
 اولی بودور خلیفه نمازین گرک قیلا
 یتدی خبر که یا علی نه دوتوموسان قرار
 زهرا مزارین آز قالور آچسونلا سیدا
 باغلوب امام باشنه بیر ساری دستمال
 گیدی قد مقدسنه بیر ساری قبا
 تعجیلله حمایل ایدوب ذوالفقارینی
 موج ایتدی بحر غیظ شهنشاه لافتی
 آنندا عقده لندی عروق حمیتی
 گوزلر قزاردی دوشدی یولا میر رهنما

پتجک دوتوب یخوب یره خطابون اوغلون
 اگلشدی سینه سینده ویروب غیظله صلا
 الله آند اولبولون ای قوم اگر بوگون
 بیر داشنه بو قبریلرون بیر کس آل ویرا
 آلام آله بو تیغی قیتمز غلافه
 سیزلردن آخمینجه یره سوکیمی دما
 واردور کیمون او جرئی زهرا مزارینی
 نبش ایلیه وجودین اونون ایلمر فنا
 توهین قبر فاطمیه راضی اولمادون
 بیر باش گوتور مزاریدن ای کان ارتضا
 یاتما نجفده دور نظر ایله بقیعه بیر
 قوم وهابی گور یتوروب جرئی هارا
 دورت اوغلوون مزارین همان قبر اقدسین
 ایستر پوزوب نظامنی معدوم ایده شها
 قبر رسول عالمیان احترامنی
 هتک ایتدیلر بو ظلمه اولورسان نجه رضا
 نه زحمتیله قوزادون اسلام بیرقین
 آز قالدی ظلم ایله یخلسون همان لوا

دین اهلی جوخ فشاره دوشوبدور ایشقلی گون
 اولموش نظرده لیلهئی دیجور تک دجا
 باعث همین بو فتنه لره اهل جوریدور
 تیشه وورو لا ریشه اسلامه دائما
 قالموش امیدیمیز فقط اوغلون ولی حق
 ایلوب ظهور محکمه عدلینی قورا
 واضح دیوله خلقه نه واجب نه مستحب
 نه مکه نه نماز نه روضه نه کربلا
 گوندرسون حق او منتقمی آله ذوالفقار
 تا داخلی و خارجیدن انتقام آلا
 بو وقت مختصرده بو کلی مصائبی
 خوش نظم ایدوبسن ایتمه بیله فخر ذهنیا
 سوز سنده یوخدی سوز بو سوزی ایستینده دور
 هو چکدی سن او هو چکنه سویله مرحبا

زبانحال جناب زینب کبری (ع)

غم هجرونده عجب اودلارا یاندیم آناجان
 اشگی تر دامنه توکمکدن اوساندیم آناجان

هانی بیر اهل دل آگاه اولاد درد دلیمه
 من کیمی اود دوتوب آهیمله یانا نیسگیلیمه
 آنا وای ناله سی ورد اولدی اوقدری دیلیمه
 آناسیز قالماقیمی آخر ایناندیم آناجان
 ایلرم عالم مُحنتده من هر قدری خیال
 بلکه بیر چاره تپام رفع اولادندوه و ملال
 گورورم دردیمه درمان اولاد عالمده مُحال
 دردیمین چاره سی اولمکده دی قاندیم آناجان
 حیف من تک اولومه مایل اولان اولمزیمیش
 آناسیز قیزلارین عالمده یوزی گولمزیمیش
 باخوب اوز حالیمه بو نکته نی آندیم آناجان
 قان اولان دیلده که هر لحظه سنی یاد ایدرم
 اود دوتار قلبیم اودور ناله چکوب داد ایدرم
 گلم افغانه آچوب باشیمی فریاد ایدرم
 او قدر سس چکوب آخرده دیاندیم آناجان
 دفتر غمده باخوب عالمیمی سیر ایدرم
 اولونوب زینب آدی نقطه تک هریرده رقم

قویدی پَرگارتک حیرتده منی نقطه غم
 خط سیریمده نقدری که دولاندیم آناجان
 بسکه سر منطق اولوب دلده آدون هر سوزومه
 دانشوب صحبتبه گلم سنيله اوز اوزومه
 نه بلادور باشیما گلدی کول اولدی گوزومه
 سن تک ایستکلی آنادان آرالاندیم آناجان
 دل بو حسرتله دونوب قانه گلور جوشه آنا
 بلکه بیر مَرقد پاکون باسوم آغوشه آنا
 گیتدیم هر بیر گیجه بو فکريله من هوشه آنا
 نه یوخوم گلدی نه هوشیمدن او یاندیم آناجان
 خورد و خواب اولدی حرام ایلدیم ازبسکه فغان
 سنسیز آغلار گوزومه تیره و تار اولدی جهان
 سرو قدیم بوکولوب اولدی اوشاقلیقدا کمان
 باخوب اوز نفسیمه نفسیمدن اوتاندیم آناجان
 کیمدی من تک آنا محنتکش اولاد عالم آرا
 سارالوب گول یوزی خون دیله آحمر اولاد
 آغاروب زلفی اولاد عمری گونی بختی قرا
 خُم مُحنتده عجب رنگه بویاندیم آناجان

ذهنی یاز زینب ایدوب بو دلیله شیون آنا
 شعله آتش هجرانیده یاندیم من آنا
 چکیلوب سینه مه مین داغ فراقوندان آنا
 داغ هجريله اورکدن یارالاندیم آناجان

زبانحال حضرت امام حسین(علیه السلام)

آه ای آنا حسینون گیتدی قراری سنسبز
 هرگز قرار و صبره یوخ اختیاری سنسبز
 أف بی وفا جهانه یوخ بیله بیر وفاسبز
 آلدی سنی الیمدن قویدی منی آناسبز
 بیر صبح تیره گونوم شام اولماز آه و واسبز
 تار ایلویوب گوزومده غم روزگاری سنسبز
 کیم من کیمی بلایه عالمده مبتلادور
 سن تک آنا فراقی بیر چاره سبز بلادور
 یوخ اوزگه چاره وردیم ذکریم آنا آنادور
 دوشمز آدون دلیمدن لیل و نهاری سنسبز
 افکاریمی او قدری مشغول ایدوب خیالون
 مدّ نظرندن اصلاً غائب دگول جمالون

ترسیم اولور گوزومده تصویر بی مثالون
 فکر عالمنده گوزم نقش نگاری سنسبز
 ازبس که قان اولان دل دوتموش غمونله آفت
 نطق ایلوب اوز اوزیمه قیلام سنيله صحبت
 گوزم جوابون اولماز بولم واریمدو غفلت
 دردون دانشدیرارمیش بو دلفکاری سنسبز
 یوخ بیر دقیقه الده دیک غم ایتمسون جوش
 دوشسون سبز یلتیدان دل اولسون غمونده خاموش
 من ایتمرم اولونجه نیسگیلرون فراموش
 کانون دلده سونمز آهیم شراری سنسبز
 قویموشدی امت ایچره جدیم سنی امانت
 حفظ ایتمدی شئونون بو قوم بی دیانت
 مجهول اولوندی قدرون چکدون نقدر اهانت
 یاد ایلدوقجه اولام غملمر دوچاری سنسبز
 مشکل دو بیله نیسگیل چخسین منیم یادیمدان
 کیم سن کیمی گجه ایله قبره قویلدی پنهان
 ایتگین قالان مزارون قربانیم آناجان
 بوجان او قبرون ایکاش اولسون نثاری سنسبز

بس وضع ناگواره دُور زمانه دوندی
 سنسبز بهار عمروم سولدی خزانه دوندی
 وصولونله شاد اولان دل هجرونله قانه دوندی
 اولدی سرشگ تَر تک رخساره جاری سنسبز
 غم دفترینده ذهنی نظم ایلمز نظامی
 شوق طواف قبرون گر اولماسا مرامی
 گر دلدله قبره گیتسه بو حسرت عظامی
 ختم اولمیا حسایی محشرده باری سنسبز

زبانحال حضرت زینب کبری (س)

ای قدری روزگاریده مجهول اولان آنا
 وی غصب اولان حقوقی ستمله عیان آنا
 هر جور و ظلمی ایتدیلله حقّونده آشکار
 تا بالمآل مرقدون اولدی نهان آنا
 جدیم ویرنده جان سنی تاپشوردی امته
 فرض ایتدی احترامون او شاه جهان آنا
 خشک اولماموش آتان کفنی قبرده هنوز
 ویردی وفاسبز امت عجب امتحان آنا

حرمت یرینه اَمّت الیندن گلن جفا
 اجراء اولوندی حقیوه هر بیر زمان آنا
 قرآنی داندولار سنین حقّینده برملاء
 حفظ ایتمدی شئونبوی قرآنیان آنا
 یاندی قاپون قابیرقالارون سیندی ظلمیله
 اولدی شهید محسنون آی ناتوان آنا
 آز مدّتی اوقدیریکه اینجیتدیلر سنی
 زلفون آغاردی قامتون اولدی گمان آنا
 شأن و مقام و حرمتووی ضایع ایتدیلر
 یوخ سن تک عزّتی گیدنه بیر گمان آنا
 هانسی عزیزه نی گیجه دفن ایتدیلر مگر
 یوخ بیله ماجرانسی ویرن بیر نشان آنا
 شأنون لیاقتینجه سنه یاس دوتولمادی
 یاسوندا حاضر اولمادی پیر و جوان آنا
 نسلکرون خیالیمه بیر بیر خُطور ایدر
 بی اختیار اولور یوزه اشگیم روان آنا
 دردیم اورکده عَقده لنوب یوخدی بیر کسیم
 تا ایلیم ملالیمی شرح و بیان آنا

ایستگین مزاریوه آناجان زینبون فدا
 گورم او پاک تَرَبْتیوی من هاجان آنا
 یتیمیر الیم که تا دوشنم قبرون اوستونه
 ناله چکوب دویونجا ایدم بیر فغان آنا
 آغوشه جان کیمی باسام ای کاش قبریوی
 ایثار ایدم او تربت مشگینه جان آنا
 چوخ قیزلارین اولوب آناسی قالدیلار یتیم
 زینب کیمی کیم اولدی بو اوددا یانان آنا
 سَنیم صغیرایکن بویوک اولدی مصیبتیم
 من بیر ضعیف بار مصیبت گران آنا
 آغلار گوزومده تیره و تار اولدی روزگار
 درد فراقون ایتدی منی باغری قان آنا
 سندن سورا محالیدی بیرده یوزوم گوله
 شاد اولمارام بو نشأده سنسیز بیر آن آنا
 قلبیم دولوب غمیله یرین بوش گورنرم
 هر یانه گوز دولاندریرام مهربان آنا
 غم گوشه سینده غم دیزین هر دم قوجاقلارام
 قان آغلارام سَنه چَکرم آلمان آنا

زینب دلینجه ذهنی بو بیر مصرعی ده یاز
 ای زینبی مصیبتی آغلار قویان آنا

شهادت حضرت امام حسن (علیه السلام)

آل حُسنمندن سبونی قویما ایچسون سو باجی
 سو سیوسی بولمه بیر جام آجلدور بو باجی
 دولدوروب زهر جفائیله قضا سرشار اونی
 ایلوب یالقوز منه اسباب وصل یار اونی
 بوخ حسینون قسمتی یار ایتمیوب احضار اونی
 بیز ایکی قارداشه بیردن گلمیوب مَوْتُوا باجی
 من او جامون تشنه سیدیم ایلدیم بیر جرعه نوش
 ایله اود دوتدی وجودیم ایلرم جوش و خروش
 بو اود عمروم خرمنین یاندریماسا اولماز خموش
 تا وارام وار سوزشی جانیمده تو در تو باجی
 من ایچوب یاندیم کفایت دور حُسنیم یانماسین
 من کیمی جان و جگردن اود دودوب اودلانماسین
 دوزمسن قلبون ایکی داغیله بیر داغلانماسین
 دوتمیوب قلبون هله قارداش غمیله خو باجی

من صباح اولم گرک باتسون حسینیم یاسمه
 پرورش ویرسون گل نسرین و سرخ و یاسمه
 غمگسار اولسون بو عبداللہ و بکر و قاسمه
 قویماسون اولادیمه غم غصہ ویرسون رو باجی
 احترامیلہ گو تورسون حتی الامکان نعشیمی
 قویماسون خوار ایلینده قوم عدوان نعشیمی
 مانع اولسون دشمن ایتسه تیرباران نعشیمی
 ایتمسون عباس ظاہر قوت بازو باجی
 ایمدی صبر ایلہ منیم درد فراقیمده دایان
 آز اورگلن آز یوزہ گوز یاشووی ایلہ روان
 حالیمی بر ہم گوروب باش آچما چوخ ایتمه فغان
 پوزما حالون توکمه رخساره پریشان سو باجی
 بو حسینی عشق جانان اونداکہ مدہوش ایدر
 شو قدن اوز قاننی خنجر دمندن نوش ایدر
 چشمہ چشمہ سوکیمی قان یارہ سیندن جوش ایدر
 سس چکلر دورہ سینده بیر سوری آہو باجی
 پارہ پارہ جسمینہ گورسن اولوب قوملار فراش
 دوشموش عریان پیکری قان ایچرہ نہ آل وار نہ باش

اوندا قارداش وای دی چک صیحه یوزون ایتمه خراش
 یولما زلفون گر پریشان ایلسن گیسو باجی
 نعشنون توهینی ایستہ تر تمامہ یتمگہ
 چاک چاک اعضاسنی قویماز لا سن دفن ایتمگہ
 قارداشی یرده قویوب مجبور اولورسان گیتمگہ
 وار یری بو محنتہ قان آغلا سین مینو باجی
 اوندأ هر یانه باخوب بیر یار و یاور گورمسن
 عون و فضل و قاسم و عباس و اکبر گورمسن
 آلتی قارداش دان بیرین ای زار و مضطر گورمسن
 دائماً ذکر ایلہ سن قمری کیمی کوکو باجی
 نیزہ ده گورسن حسین باشی ایدوب تصمیم شام
 چکمه آل آیریلما هرگز گوز گوتورمه صبح و شام
 اہلبیتون باشہ یغ ایلہ او باشہ احتشام
 آردی جاق بیر باش سورون گلہ اگر هر سو باجی
 وار سنونده باشوین عالمده چوخ محنتلری
 دستگیر ایلوب چکر شامہ شقاوت لشگری
 ویر رضا صبر ایت قضایہ اول بلالر همسری
 هر بلایہ ویرمه باش خم ایلہ آبرو باجی

قیز گلین عورت تماماً عترت خیرالأنام
 شامده ویرانه بیر مسجده ایلر سوز مقام
 آشیانندن کنار اولموش کبوتر تک تمام
 سس سسه هر دم و یروب ذکر ایله سوز یا هو باجی
 گونلرون تار ایلسه غم شامنون تار عالمی
 دوز که ظلمات غمون عشق اهلینه وار عالمی
 گر چه چوخ طاقت شکندور شامون آزار عالمی
 صبر قیل طعن ایلسه قوم اذیت جو باجی
 ایسته سن ذهنی سنه آل علی قیلسون کرم
 باجینی قارداشلاری بیر بیر لرینه ویر قسم
 نه او قارداشلار کیمی قارداش قویوب کونه قدم
 نه گلوب زینب کیمی دنیا یه بیر نیکو باجی

شهادت حضرت امام حسن (علیه السلام)

مظلومیتده گر چه حسین تاپدی اشتهار
 گویا بو منصبون حسنه اختصاصی وار
 گرچه جهاندا بو هر ایکی قارداشی مدام
 ایلوب دوچار جور و ستم دور روزگار

حال حسینلن حسن اولسا مقایسه
 معلوم اولور کی هانسی اولوب ظلمه چوخ دوچار
 اما او کی حسیندو اگر چه غریب اولوب
 باشندا واریدی ولی اصحاب جان نثار
 انصاری جان و دلدن اونون مهربانیدی
 نفسین وقایه ایتدی اونا خرد یا کبار
 هر سمتدن او شاهه گلوردی بلا اوخی
 سینه سپر ایدردی او قوم و فاشعار
 اما حسن خیامنی اوز یار و یاوری
 تاراج ایدوب او شاهین اوزون ایتدی زخم دار
 آز قالدی دشمنه اونی قول باغلی تاپشورا
 اوز بیوفا کمک لری صاحب جنایه وار
 دشمن مقابلینده قالوب فرد سهلدور
 احبابنون الیندن ایدوب موصله فرار
 سوء ادب حسینه ایدنمزدی بیر نفر
 تأدیب ایدر بولوردوله بد فکره ذوالفقار
 هر کینه پرور ایستدی ظلمون بروز ایده
 ایلردی آل حیدرین آزارین اختیار

بولموشدولر امام حسن چوخ حلیم دور
 نیش ستمله هر یتن ایلردی دلفکار
 هر بزمیده اولیدی حسین بن فاطمه
 توهین و ظلمه کیسمه ده اولمازدی اقتدار
 اما باخا باخا حسن مجتبیٰ گوزی
 هر نامناسیبی دیدیلر قوم نابکار
 جرئت یتیشدی بیر یره آخر خطیبیلر
 سب ایتدیلر آتاسین حضورینده آشکار
 بعضی تمسخرایله او شاهه ویروب سلام
 سویلردیلر کی ای ایدن اسلامیانی خوار
 هر بیر شقی نون هر نه ستم گلدی فکرینه
 اجراء ایدوب او سروره ایتموب فروگذار
 سائل گلوب حضورینه رسم سئوالیله
 اعمی ئیدی الینده عصا نوکی زهردار
 قویدی ایاقینه او شهون سالدی لنگرین
 بیچدی بیچر او نوع کی گلبرگی نوک خار
 مجروح اولوب ایاقی یخلدی یره امام
 بیر آه چکدی قلب جهان اولدی داغدار

سویلوب ندور علاجیم آلوزدن هارا گیدوم
 چوخ تنگ اولوبدی عرصه منه آز و بیرون فشار
 فکر ایلینده حالین حقیقتده بو شهون
 بی شبهه قان اولور دل اگر اولسا سنگ خار
 انا فانا اولدی غم و غصه سی شدید
 بیر لحظه گلمدی فرحیله او گلعدار
 بیر فرقیده بودور کی حسین اولدی چون شهید
 آل علی ملالیه یکسر باش آچدیلا
 زینب اونون نجه کی دوتوب یاسین آغلادی
 اولشاهین اوز حرملریده اولدی اشگبار
 حتی رباب تا واریدی عمری اتصال
 واسیتدا فغانی چکوب لیل والنهار
 گوزده سرشگتر دیلینون وردی وا حسین
 فریاد و دادینه یوخودی حد انحصار
 گون اوزره باش آچوخ قوری یرلرده اگلنوب
 آغلاردی ویردی باشه گونون تا او سوگووار
 اما وفای جعدة مکاره اف اولا
 گلموبدی روزگاره بیله بیوفا نگار

بیر مدّت مدید اولوب همخوابه حسن
گوردی او شاهیدن نقدر لطف بیشمار
دلدن اونوتدی مهر و وفا رسمین عاقبت
تا قتل مجتبیایه بیلین باغلوب استوار
بیگانه ظلمی سهل دور انسان دوزر ولی
آحاب ظلمی دلدن ایدر سلب اصطبار
وقت آختاروردی یتمگه فاسد مرامینه
تا فرصت عالمی او خطاکاره اولدی یار
بیر حجره ایکی محض وجود شریفینه
مختص ایلیمیشدی امام بزرگوار
مکریله داخل اولدی او غداره بیر گیجه
گوردی کی خواب نازیده دور شاه تاجدار
ظاهرده یوخلیب گوزی هوشه گیدوب اوزی
باطنده بزم وحدت شاهده هوشیار
صاق و صولوندا زینب و کلثوم غمکشی
گوردی یاتوبلا هر بیرینه ایلدی نظار
امر قضایه باخ آپاروب خواب غفلته
اوج نازنینی تا اولا بیر جُعه کامکار

تا داخل ایتدی سوده الماسی کوزیه
اوز خوابگاهینه گیدوب اگلشدی انتظار
ویردی قولاق گورومکی هاچان آل حیدرون
عرش برینه وا حسنا ناله سی چیخار
بیدار اولوب امام حسن خواب نازیدن
گوردی وجودی سوز عطشدن دوتوب شرار
از بس که بدگمانیدی قلب مقدسی
آب ایچره زهر او سروره ویرمیشدیلر کرار
مهر ایلیمیشدی کوزه نی بیر باخدی ظاهراً
سالمدی گوردی نقش خط مهر خوش نگار
سربندین آچدی تا آله آلدی او کوزه نی
جنتده قلب فاطمه دن سلب اولوب قرار
جام اجل الینده گوروب نور عینونون
روح رسول و حیدره یوز ویردی انزجار
تا کوزه نی یتوردی لب لعل فامینه
جان و جگر ایدوب او یانار اودان استنار
بیر جرعه نوش ایدن کیمی یاندی جگر لری
بولم مگر نه زهریمیش ای رب کردگار

بی اختیار دوشدی او مسموم مُمتحن
 آهسته گلدی شیونه اول معدن وقار
 ناگه ایشیتدی ناله سسین زینب حزین
 آچدی گوزون او حالیده چون نرگس خمار
 گوردی ایله سولوب سارالوب مجتبی یوزی
 یوزمین بهار گلسه او گل ایلمز بهار
 که صاقه میل ایلور گهی صادقان دونور صولا
 گویا کی بیر بالقدی دوشوبدور سودان کنار
 قارداش باجی او حالیده بیر اولدی قول بویون
 هَوَلیله نچّه دفعه اتاقی دولاندیلار
 ضعف ایلیوب فغانیله اگلشدی مجتبی
 اولادی تا او یانندی هامی بالغ و صغار
 حتّی بولوب قضیه نی آل علی تمام
 قارداش باجی حرم او شهون دورون آلدیلار
 ایستکلوقارداشین یوزینه بیر باخوب حسین
 گوردی کی دُر نثار لبینده عیان دو ثار
 عرض ایتدی لبلرونده حسن جان نه قاندی بو
 عین الحیوّه مظهر اولان لغلدن آخر

سویلوب حسین ویروبله گینه زهر کین منه
 اوز کینه سین بروزه ویروب چرخ کجمدار
 ایتدی سئوال کیم دیدی قارداش دینرم
 اظهار مطلبه ایدورم سندن اعتذار
 مَهْلَکدی درد آپار منی جدیم مزارینه
 بلکه شفا کرامت ایده آفریدگار
 تا گوتدولر او سروری دهلیز خانه
 سدّ مقدراتیله باغلاندی رهگذار
 مسمومه زهر کین اثری ویرمدی امان
 تا مقصده یتوب اولا مقصوده خواستار
 طاقت کسیلدی تیتردی دیزلر پوزولدی حال
 اگلشدی تا گوروب اثر سَمّده عزار
 بیر طشت او دمه زینب کبرادن ایستدی
 فی الفور حاضر ایتدی او زهرايه یادگار
 طشته توجه ایتدی نه یوز ویردی بولمورم
 اما او طشت دشت کیمی اولدی لاله زار
 فرمایش ایلدی کی حسین قیترون منی
 مقصوده دشمنی یتوروب کینه و نقار

قیتردیلر او سروری اوز رختخوابینه
 باش یأس مُتکاسینه قویدی علیل و زار
 اصحابیدن عیادته گلمیشدی بیر نفر
 حال امامده گوروب آرتوقدی انکسار
 عرض ایتدی بس ندن اوزووه ایتمیسن علاج
 قیل چاره سین بو درد یوون ای سید فخر
 ویردی جواب ایدوم اولومه چاره من نیجه
 یوخدور علاجی باشه یتوب عمر مُستعار
 شمس هدایه دم به دم آرتاردی ضعف حال
 تا پرده غرویده گون ایتدی استتار
 شام اولدی یتدی شام غم آل مجتبا
 اغیار گیتدی قالدی هامی خویش و اهل دار
 ملعونه جُعه ده واریدی اهل بیت آرا
 ظاهرده غملو باطناً عیشه امیدوار
 مظلومیتله صاق و صولا بیر باخوب امام
 سالدی باشین اشاقه گینه مثل شرمسار
 سویلوب کی نیله میشدیم آیا بی وفا سنه
 سالدون منی بو حاله نه شرم ایلدون نه عار

واضح دینمندی کی منه زهری کیم و یروب
 حاشا نشان ویره بيله مظلومی روزگار
 بیر بیر حسینه ایتدی وصیت لیرین تمام
 آلدی آله الین دیدی ای عرشه گوشوار
 ویرسم فشار اگر آلیوه هر زمانیده
 بول جان ستانیمه اولورام اوندا جان سپار
 یأس عالمینده حسرتیله جان و دل کیمی
 بیر آز ایکی مسیح نفس همدم اولدولار
 ناگه یتوب حسین الینه مختصر فشار
 باخدی کی یوز و یروب حسنه حال احتضار
 گویا کی بیر چراغیدی سوندی او نور حق
 عینُ اللّهون گوزونده او دم عالم اولدی تار
 آغلار گوزیله غسل و یروب ایلدی کفن
 قیلدی نماز قارداشا مخفی او شهریار
 حمل ایلیوبله نعشی مصلایه جمعیه
 رسمی نماز میته بیرده چکیلدی جار
 نائب منابی گلدی خلاقی خلیفه نون
 قیلدی نماز او عامل سردسته شرار

تحویل ای‌دنده نعشی پیمبر رواقنه
 آل امیّه کینه‌سینه ویردی اختیار
 یاغ‌دیر دیلار یاغش تک او نعش اوسته اوخلاری
 بی‌شرم قوم ایتدی او گل جسمی تیربار
 بیز قوی‌ماروخ دیردیله قبر پیمبره
 ابن ابی‌ترابین اولا قبری هم‌جوار
 یتیمیش جفا اوخی یتوب اول نعش اقدسّه
 مخلوق دگدی بیربره سخت اولدی گیردار
 غیظه گلوب تمام جوانان هاشمی
 آلدی او شیردلر اله تیغ آبدار
 عباسنی قوجاقلادی سلطان کربلا
 فرمایش ایتدی ای صف هیجایه شهسوار
 قارداشیمیز وصیت ایدوب صبر ایداق گرک
 قان آخسا روحی درده گلور ایتمه کارزار
 نقل ایتدیلر خلاصه بقیعه جنازه‌نی
 مین حسرتیله ایل‌دیلر داخل مزار
 گرچه حسین اولنده‌قالوب اوچ‌گون اوچ‌گیجه
 توپراخلار اوسته جسمی بلادفن و کفن و عار

الحق حسین نعشینه چوخ ظلم ایدوب عدو
 دورت مین یارالی سینه‌ده آیاکیم آت چاپار
 لیکن همیشه قبری مُجَلَّل دو شُکری‌وار
 عالی رَواق و طاق طلا قُبّه و منار
 شاهانه جاهی درده تَشْفیدی مختصر
 وار خادم و خزینه حرم چلچراغ و جار
 هرگون گلور زیارته زُواری فوج فوج
 گوردو قجه ازدحامی دیله یوز ویرور غصار
 اما حسن وطنده غریبه مزار اولوب
 نه طاق نه رواق نه دورینده بیر حصار
 اولده مختصر حرمی واریدی ولی
 ایتدی بنی‌وهاب جفائیله تار مار
 نه صحنی نه ضریحی نه فرشی نه پرده‌سی
 نسگ‌لیدور همیشه دوتار قبرینی غبار
 بیر حجّ وقفه‌سینده گیده‌لر زیارته
 بعضی حَجّج یثر به‌گر ایلیه‌گذار
 هر کس زیارت ایتسه اوزاقدان گرک دوروب
 ایتسون سلام او سروره بیر وجه اختصار

ممکن دگول کی قبرینه زواری یوز قویا
 حسرتلری گوگولده قویوب حال اضطرار
 قویمولا شیعه قبرینه بیر لحظه قول سالوب
 تا حاملان عرش حقه ایتسون افتخار
 یانماز چراغ قبرینون اوستونده اون بیر آی
 مانع لره الهی نصیب ایله حَرَنار
 بو نقطهئی نظر لر ایله حقدی ذهنیا
 مظلوم اولان حسندی سوزونده وار اعتبار
 سن اوز پیمبرون اون یکی حق امامووی
 مظلوم بول اوزون اولارا ایله جان نثار
 مظلومه بول خصوص پیمبر عزیزه سین
 زهرانی چون اودور سیمین ده و چهار

هجرت حضرت سیدالشهداء (علیه السلام) از مدینه منوره

قارداش علی مشتاقیدیم دیدار ووه چوخ مدّتیدی
 صغرا باجون آغلار گوزی مه طلعته ووه حسرتیدی
 گلدون نه گوزل وقتده علی گل
 هجرّونده گوگل بی طاقتیدی

ایستردی چوخ بوقان اولان گوگولوم سنی خوش گلدون علی
 بو گلمگون قیلدی عجب خوشدل منی خوش گلدون علی
 خلد برین ایتدون منه غمخوانه نی خوش گلدون علی
 سن سیز من بی مونسه همدم مَحَن و محنتیدی
 عالیده بو مرسومیدور بیر باجی اگر ناخوش اولا
 قارداش گرک هر آنده ناخوش باجینی یاده سالا
 درمانینه اقدام ایده دردین سوروشوب گوگلون آلا
 کم لطف اولوب گوزدن منی سالماقیوا نه علّتیدی
 بو مدّتی هر لحظه ده من مایلیدیم محضریوه
 هر بیر نظر باخسون گوزوم کامیمجه رُخ انوریوه
 چون خسته جان محتاجیدی بو نکهت جان پروریوه
 یوخسا من بیمار نه درمان نه طبیب حاجتیدی
 گرچه غم هجرانه دلد واریدی درد و آلم
 زلفون کیمی آشفته دل ایتمیشدی منی کثرت غم
 فکر خَم زلف سرون ایلوب نجه گور قدیمی خَم
 شام و سحر بو فکریله عالم گوزومه ظلمتیدی
 حسرت گوزومه ویردون ضیا گل ای قمر برج وفا
 حُزن دلیم زایل اولوب بیت الحزنیم تاپدی صفا

وصلون منه اولدی دوا ای خاک رَهی خاک شفا
 سن گلمه میش یوخسا منیم درد و مرضیم شدتیدی
 قربان گلن یولاریوه گل باشیمی بیر آل دیزلریوه
 حسرتله چوخ باخما منه دولدورما دُر تر گوزیوه
 چوخ آغلاما جانیم فدا آغلار گوزیوه هم یوزیوه
 وصل عالمی اولماز نوا هنگام فغان فرقتیدی
 عفو ایت منی گلدوم دیله ایتدوم بو قَدَر شکوه سَنه
 عذر ایستیرم ایتدوم گله چوخ سوء ادب اولدی منه
 مَعْفُو قیل تقصیریمی درد ایتمه دل پر محنه
 هر چند بو شکوه گله بیر لازمه صحبتیدی
 ایتمه سفر ذکرین منه ویرمه خبر وحشت اثر
 ای وای منیم احوالیمه گر ایلیمه سن عزم سفر
 بیرگون سنی من گورمه میش اولسیدیم علی قارداش اگر
 مُلک وطن غمدن منه بیر زاویه غربتیدی
 آلدون گنه آرامیمی دلدن خبر فرقتیله
 بیر باخ اگر گیتسن نولور حالیم بیر اوزاق مدتیله
 بولم یقین سن گلمه میش اولم علی من حسرتیله
 گویا ازل حسرتیله جان ویرمک باجووون قسمتیدی

آئینه ذهنون گینه ذهنی بورویوب غم کدَری
 قلبین ایلَه ظُلُمات غم دوتموش بَصَره وار اثری
 بو دره وون درمانیدور مولالروون بیر نظری
 اولموب دوا باعث یقین اوز جُرمولرون کثرتیدی

زبانحال جناب فاطمه صغری ﴿ع.ا.س﴾

صغریه رحم ایت ایلمه ترک وطن قارداش علی
 ایتمه وطن مُلکون منه بیت الحزن قارداش علی
 سنله عزیز عالم اعزاز و شائیم سن منیم
 دلده مَسَرّت مایه سی آرام جانیم سن منیم
 مشکلدی هجرانین منه روح و روانیم سن منیم
 روحی بدنن ایتمه ای گل پیرهن قارداش علی
 قربان پریشان زلفووه رحم ایت پریشان حالیمه
 اولما رضا اولسون سبب هجرانون اشگ آلیمه
 من سندن آیریلسام اگر ایوای منیم احوالیمه
 چارم ندور نیلوم گرک بیچاره من قارداش علی
 ایتمز وفا تجویز علی مندن علاقه کسمه سن
 سالما بو غم دلخونینی اشگ بَصَرَتک دیده دن

درد اهلیم من ناخوشام سن سن طیب ممتحن
 یوخدور مریض عشقووون دردین بولن قارداش علی
 بسدور که بو مژمن مرض من ناتوانی یاندرور
 بیرده آناسیزلق اودی بو جسم و جانی یاندرور
 هجران اودی بیر اوددی گر دوشسه جهانی یاندرور
 دوزمژ بو سوئمژ اودلارا ناخوش بدن قارداش علی
 سن مایه آرامی سن ای جان جانان قلبیمون
 بیر الفت مخصوصه سی وار سنله هر آن قلبیمون
 آشفته زلفین تاریدور تاری پریشان قلبیمون
 الدن بو تار الفتی گل اوزمه سن قارداش علی
 هر دم گوزوم آئینه سی مه صورتوندن عکس آلور
 فوراً محبت قوسی دل لوحنه نقشون سالور
 گر غائب اولسان دیده دن دل لوحه سی عاری قالور
 بو صاف مرآتیی دوتار زنگ محن قارداش علی
 یوخسا آناسیزلار گرک هر بیر نظرده خوار اولار
 غم گوشه سین مسکن دوتا فرقت غمینه زار اولار
 مین دردیلده دمساز اولوب بی یار و بی غمخوار اولار
 هرگز منیم تک اولمیوب گوزدن دوشن قارداش علی

چوخ بی وفادور روزگار یوخ غمره هرگز اعتبار
 گیتسن گلونجه سن اگر اولسم من رنجور و زار
 کیم نقل ایدر تابوتیمی بس کیم منی قبره قویار
 اولماز مزاریم اوستونه سن سیز گلن قارداش علی
 مرآت سن پیغمبره ای مطلع انوار علی
 سنله ایشیقلی گونلریم خوش روزگاریم وار علی
 توکمه قرا زلفون یوزه ایتمه جهانی تار علی
 ای نوری ظلمت ظلمتی نور ایلین قارداش علی
 گویا کی ذهنون کند اولوب ذهنی دوشوب سن شوقدن
 ضعف بصر فکرون پوزوب بو نوعیله بی ذوق سن
 یا اوزگه باعث وار گوروم توفیق ویرسون ذوالمنن
 اشعار یاز ایت قافیه من سن وطن قارداش علی

مناجات

آچوب حضور یوه ال یا رب ایسترم توفیق
 اوزون موفق ایت ای وافق و شفیق و رفیق
 یتوردوم عمرومی باشه تمام غفلتیه
 عمل خجالتیم نیلیوم بو خجلتیه

عزیز وقتی هوا و هوسده صرف ایتدیم
 همیشه نفس دالینجا دوشوب خطا گیتدیم
 منی یاراتمیشدئون معرفت سنه یتورم
 نه اینکه معرفتین شاهراهینی ایتیرم
 دلیل اِنی وِلْمَی نِی اِتْمَرَم انکار
 اثر مؤثره حاکی دی ایتمیشم اقرار
 اگر چه اولموشام اولده قائل توحید
 ولی قصور اطاعت ایدر منی نومید
 اوزون بولورسن آلهی ندور بو یأسه سبب
 گیجه گونوز باشاباش باش ویروب خلاف ادب
 یقینی دور منه بو نشئه دن علاقه کسم
 گیدم او نشئی بولم نه کاریم نه کسم
 سفر قباقد اوزاق یول یوخ الده توشه راه
 خطرلی مرحله لر خاصه پای بند گناه
 اینانمیشام که قورارسان جزاده بیر دیوان
 نیدر محاکمه ده من کیمی سیه دیوان
 تمام صورت عصیانندی نامهئی عملیم
 ثوابیدن بولورم محضرونده بوشدی آلیم

عدالتیله اگر حکم قیلسان ای عادل
 اینانمورام کی منه قهرون اولمیا شامل
 سموم قهرون اگر آسسه بیر دم ای قهار
 شرار غیظه نه بیر من هامی یانار زینهار
 رحیمین گرک اوز رحموویله یول گیده سن
 چکوب حساب کتابه قلم گذشت ایده سن
 اود اهلیم بولورم من گرک یانام ناچار
 مگر نجاتیمه توفیق رحمون اولسون یار
 بودور گناهه سبب بولموشم کریم سنی
 کرامت ایله گذشت ایت باغشلا سنده منی
 سنی حسینیه قسم ویرم ای خدای جلیل
 حسینی ایت منه باب کرامتونده دلیل
 همان حسین که اودور سیمین هشت و چهار
 گناه کارلره ورمین شفیع قرار
 اگر چه خدمتنه گاه گاه مشغولم
 ولی اونوندا حضورینده سخت مسئولم
 کریمین سن حسینونده کان بخشش و جود
 کرامتونله اونون جودی دور منه مقصود

حسین خاطرینه ایلمه منی مایوس
 هر ایکی نشئه ده جود و کرم له قیل مأنوس
 همان حسین کی هر بیر بلانی ایتدی قبول
 نه دل شکایته آچدی نه دلدن اولدی ملول
 بلایه لا دیمه دی ویردی دل رضای حقه
 سلیم قلبیله تسلیمیدی قضای حقه
 نقدر فرقه باطل فشارین آرتوردی
 دوزوب دایاندی حق اوسته ثباتیله دوردی
 وطنده عرصه نی دشمن او قدر تنگ ایتدی
 که ضیق خاطر صافی نهایتیله یتدی
 گل ریاض غمین انزوا نصیبیدی
 باخاندا حالینه گویا وطن غریبی دی
 یزید حقنی غصب ایتدی اولمادی قانع
 دوشوب بو فکره کی سونسون او پرتو لامع
 ولیده یازدی منه آل حسیندن بیعت
 قبول ایلمسه ایله قتلنه سرعت
 کلیم وارثی گوردی کی چکمیر ال دشمن
 علاج یوخی گورک دور اولا جلای وطن

اگر چه شایقیدی محضر نگاره گیده
 ولی مقدردی اوزگه بیر دیناره گیده
 حقیقی کعبه مرامیله ایتدی عزم حجاز
 بلی حقیقته معبردی هر زماندا مجاز
 یانندا اهل حرم اقربا اوغول قارداش
 مدینه دن گیجه چیخدی که سَرّی اولمیه فاش
 ایدردی طّی منازل او هادی عالم
 یتیشدی مکّیه تا پادشاه حلّ و حرم
 اولاندا وارد کعبه او محو عشق اله
 تعارفاً دیدی گویا خلیل بسم الله
 منور ایلدی بیت خدانی نور خدا
 صفا و مرویه ویردی قدوم پاکی صفا
 مقیم اولوب نچه آی مگه ده امام زمان
 ولیک ویرمدی اهل جفا وقوفه امان
 او عین مامن امانگاه ناسی گوردی خطیر
 مصمم اولدی کی ویرسین محلّینه تغییر
 گوروب کی مگه ده قالسا عدو یتز کامه
 ولی حبیبله اوز عهدی یتمز اتمامه

قِرانِ حَجنی دوندردی مُنفرد حَجه
 واریدی چون خبری مکر زمره لَجه
 اوزی بولوردی یزیدین فساد و حيله سینی
 حسین قتلینه گوندردیقی وسیله سینی
 معین ایتیشدی بیر نچه ستم گستر
 امامی حالت احرامیده شهید ایده لر
 حجج کعبه مقصوده ایلدی اعلام
 که باغلاسونلا طواف حقیقته احرام
 محبت اهلینه کوی نگاره اولدی دلیل
 او میر قافله عشق ویردی امر رحیل
 محمد حنفیه ایشیتدی بو خبری
 که ایستر ایلیه قارداشی نینوا سفری
 قرار شیشه سینه ویردی بو خبر بیر سنگ
 اوزون حضور امامه یتوردی چوخ دل تنگ
 دیدی حسین ندی بو ناگهان سفر قارداش
 بو عزمووبن سببین ویر منه خبر قارداش
 صباح ترویه دور متصل گلور حجاج
 جهت ندور که خروجه سن اولموسان محتاج

اگر بو گیتماقا باعث فشار دشمن دور
 خدا ایوینده مقام ایت که خلقه مأمّن دور
 قالانمارام دیدی قارداش عزیمت ایتمه لیم
 کسوبله چاره می لابد عراقه گیتمه لیم
 بو یرده قالسا حسینون شئون تامی گیدر
 توکله قانیمی بیتینده احترامی گیدر
 محمد عرض ایدوب ای خسرو وفا پرور
 بولورسن عهده وفا ایلمزله کوفه لیلر
 اماندی کوفیه گیتمه اولار وفاسیزدی
 تمام قلبلری صدق سیز صفاسیزدی
 اگر چه نامه لرینده بیان ایدوبله وفاق
 ولیک متفق اولماز سنیه اهل نفاق
 سینه محبت دگولر او قوم قطع نظر
 نظرده دور بابا میز مرتضایه نیل دیلر
 غم فراقیوی لابد نصیب ایدوبله منه
 گیدیرسن ایمدی کی گیتمه عراقه گت یمنه
 یمنده ویرمه دشمن اگر امان قارداش
 بو شهر او شهریده بیر قدر دالالان قارداش

بویوردی سَهْلَدی اولماز یَمَندهده فرصت
 که هر دیاره گیدم قویماز اشقیاء راحت
 ایدم وُحوشین اگر آشیاننی مَأَمَن
 بو قدر بول که تاپار اولدورر منی دشمن
 ولی گیدیم بو گیجه فکر ایدیم سحر اولاتا
 صلاح کار نه امر اولسا ایلرم اجرا
 مرخّص اولدی محمّد قیتدی منزلته
 ولی دوام ایده بیلمزدی سوزش دلینه
 حسینون عالمینی فکر ایدردی هر دَمده
 یاناردی شَعْلَةُ آهیله آتش غمده
 او فکریده واریدی تاگیجه حلول ایتدی
 گوروب که چوخ نگراندر تحمّلی گیتدی
 حسین فکرینی باشندان آتنامادی او گیجه
 که صبح اولونجا بیر آنی یاتنامادی او گیجه
 کمال هوليله دوردی ایاقه ایتدی شتاب
 دیدی گیدیم گوروم آیا حسین ویرور نه جواب
 بلالی قارداشیم اوز دردینه نه چاره ایدور
 بولوم که باش گوتوروب هانسی بیر دیاره گیدور

او وقتده یتشوب گوردی باغلانوبدی قطار
 حرم کنیز تماماً اولوب کجاوه سوار
 دیدی حسین گیجه نی بس دیدون که فکر ایدرم
 سَنه صباح نه اولسا نتیجه سین دیرم
 هارا یتیشدی او فکرون که اضطرابیله
 صلاح نولدی گیدیرسن بیله شتابیله
 بویوردی جَدیمی رؤیاده بو گیجه گوردوم
 بولوردی دردیمی اَمّا دوباره بولدوردم
 دیدیم داخی دگلم اوز حیاتیمه مایل
 الیمی دوت منیده ایت مزارووه داخل
 مننه بویوردی که باشلا بلا دیارینه راه
 که بیله ایستیوب اولموش گوره سنی اللّٰه
 دیدی که هجریوه یوخ چاره منده لا دیمرم
 ولی اوزون گیت آپارما یانونجا اهل حرم
 اولوم دالینجا اوزون بیله سرعت ایلورسن
 بو قدر اَلْ سیز ایاق سیز عیالی نیلورسن
 بودور مشیتی اولموش گوره سنی باری
 بنات فاطمه نی قوی حجازیده باری

دیدى اولاردا گرگ دور گیده بو سرّه گوره
 حق ایستیوب اولاری دشمنه اسیر گوره
 محمّدین ایله حالی پوزولدی بو سوزدن
 بیر آه چکدی که اشگی داشوب آخوب گوزدن
 بیرى بیرینی ایکی مهربان غم مانوس
 وداع ایلیوب آیریلدیلار ولی مایوس
 حسین قافله سی نیت عراقیله
 حجازدن چخوب انبوه طمطراقیله
 اجازه حرکت ویردی میر اهل ولا
 جلال و شوکتیله کاروانی دوشدی یولا
 کجاوه لر دوزولوبلر یولا نظامیله
 علی جوانلاری صاق صولدا انتظامیله
 قباقد ا فاطمه قائم مقامی محمّله
 یانینجا باجیسی کلثوم هر مراحلده
 دالی کجاوه لر ایچره مخدرات حرم
 تمام دبّده شوکت جلال و جاه و خدم
 بو یرده ذهیمه بعضی مطالب ایتدی خطور
 کمیت سرکش طبعیم دایاندى ایتمور عبور

روایت اهلی بیله بولمسون سوزی آزیرام
 زبانه لیدی بو اوز دیلیمجه من یازیرام
 اگر چه اکبر و عباس چوخ مواظیبیدی
 اولوردی زینبه هر حرمتی که واجیبیدی
 ولی یری واریدی میر کاروان سعید
 که ساربانلارینه ایلییدی امر اکید
 کجاوه لرده کیلر اهل بیت عصمت دور
 اوشاق بیوک هامی معتاد ناز و عزّت دور
 حریم نازده نازیله بسلنوبله تمام
 بنات فاطمه دور خاصه لازم الاکرام
 گرک بو اولمیه بیر ناقه تند و تیز گیده
 کجاوه چوخ حرکت ایلیوب اذیت ایده
 کجاوه لر یرینده اشاقلارین چوخوسی
 یاتار مباد بیرى دیسکنه قاچا یوخوسی
 خصوص ناقة زینب وقاریله گتسون
 او نازنینی مبادا کجاوه اینجتسون
 آنالارین قوجاقیندا یاتان اوشاقلار وار
 اوجا سس ایلمیون اولماسونلا تا بیدار

گينه تَعاقِب ايداخ مطلبی همان يردن

سوز اهلی رسمیدی باشلار سوزی قالان يردن

اولوب قباقلاریجه عین شاهراه دلیل

دالینجا قطع مراحل ایدوب او اهل سبیل

گلوب گیدن که تصادف ایدردی اولشاهه

چخاردی جاده دن ایلردی سعی بیراهه

کنار راهیله ایلردی هوليله سرعت

امام نُصرته تا ایتمسون اونی دعوت

شفاق منزلینه تا او سرور ایتدی نزول

اوگون او تور موشودی خیمه ده حزین و ملول

او میر رهبر ایدیر دمبدم نظاره یولا

گوروب بیرری گلور اما دوشوب کناره یولا

بولوب گلور او عرب شهر کوفه دن گویا

او سرور ایستدی اوندان اولا خبر جویا

او دمه بیر نفر اصحابیدن ایدوب مأمور

اونی حضوره گتور حاضر ایلدی فی الفور

گلوب امامه سلام ایتدی دوردی محضرده

تمام فکريله اما گوزی او سرورده

امام سویلدی هاردان گلور سن ايله بیان

دیدي که کوفه دیارندن ای امام زمان

بویوردی وضعی ندور کوفه نون دی وار نه خبر

سُکوت ایدوب عرب اطرافینه بیر ایتدی نظر

باخاردی دوره ده مهرو جوانلارین یوزینه

سوزون دینمزدی فکر ایدردی اوز اوزینه

باخوب که گوردوقی وضعین بیان ایتسه اگر

بو هاشمیلر ایشیتسه بیر اوزگه حاله دوشر

امامه یوز دوتوب عرض ایلدی که رخصت وار

که گوردوقوم خبری آشکار ایدیم اظهار

جواب ویردی او سرور سوزون دی ایتمه نهان

منه محارم اسرار دور بو پیر و جوان

دیدیکه چخمایشام کوفه دن کناره مگر

گوزومله گورموشم ای پادشاه جنّ و بشر

نهانی کینه سینی کوفیان پدید ایتدی

گونون گون اور تا چاقی مُسَلِمی شهید ایتدی

بو سهلدور اونی اولدور دولر شقاوتيله

سورودولر یارالی نعشینی اهانتيله

خیال ایدنده یانور دل بو غم شراره سینه
 او نعلشی ویردیلا قصابلر قناره سینه
 بو حالدن که امام غریب اولوب حالی
 آخوب عذاره سرشگی پوزولدی چوخ حالی
 دوروب ایاقه روان اولدی حالی دیگرگون
 یتشدی خیمه زینبده اگلشوب محزون
 بویوردی زینب مظلومیه امام زمان
 دایانما حاضر ایله مسلمون قیزین باجی جان
 خدیجه نی گتوروب زینب آلم پرور
 آلوب دیز اوستونه شه ایتدی چوخ نوازشلر
 یوزین گوزین اوپوب آل چکدی لطفله باشنا
 خدیجه صورتی فوراً بویاندی گوز یاشنا
 فراستی چوخودی بسکه حس ایدوب او بالا
 که وار باشیندا بلا چکدی آه و واویلا
 توکوب سرشگنی عرض ایلدی نه واردی مگر
 یتیمیه بیله رفتار ایده له ای سرور
 بو لطفدن بیله احساس ایدور دل حزنیم
 که ایمدی منده یتیمم آتام اولوبدی منیم

کوچوب دوشردی منازلده کاروان حسین
 قریب مقصد اولوب تا که رهروان حسین
 یول اوسته بیرگون آت اوسته او مخوعشق آله
 تعجیله دیوب لا اله الا الله
 حسیندن علی اکبر ایشیتدی بو ذکری
 بولوب که غمده سبب وار مشوب اولوب فکری
 ادبله عرض ایدوب ای افتخار آل خلیل
 ندن پوزولدی بیله حالون ای حلیم نبیل
 همیشه دلد و واروندور جلیله تجلیلون
 و لیک ایمدی سبب سیز دگول بو تهلیلون
 دیدی منی یوخی دوتموشدی ایمدی یا ولدا
 ایشیتدیم ایلدی هاتف اوجا سسبیله ندا
 دیدی اولوم طرفین قصد ایدوب بو قوم گیدیر
 اولومده قافله نون آرديجه تعاقب ایدیر
 اوغول گوروب اولومی ایلوب آتا رؤیا
 دیدیکه بیز دگولوق حقیله بابا آیا
 بویوردی سرور دین آند اولا خدایه علی
 که حقیله واروق حقه بیزيله واردی بلی

ادبله عرض ایدوب اول شبه سید لولاک
 که حقّوخ ایمدیکه بیز ایتمروق اولومدن باک
 عزیز جاننی حق جان نثاری گوردی امام
 بویوردی حق سنه ویرسون جزای خیر تمام
 دوتوب گیدیردی یولی سالکان راه وفا
 یاخونلاشاندا عراقه یتوبله بیر چوله تا
 صحابه‌دن بیرى ناگاه سویلدی تکبیر
 ایشیتدی آلدی خبر سرّینی شه دلگیر
 جواب ویردی که ایعالم رموز و نکات
 منیم یولوم بو بیابانیدن دوشوب کزّات
 گورونمیوب ابداً نخله‌دن بو یرده نشان
 ولی گوزوم گورور ایمدی قباقدان نخلستان
 بویوردی دقّت ایله یوخ بو یرده نخل اثری
 اولار دگوله مگر اهل کینه نیزه‌لری
 اولار سواره‌دی مطلب منه مَبْرَه‌ندی
 دگوله دوست تمامی سپاه دشمنندی
 گلوب یاخونلادی بیر آز مسافه‌ده او سپاه
 باخوب صحابه هامی گوردی دشمنی ناگاه

او دم کمک‌لرینه یوز دوتوب امام فخار
 دیدی مناسب اولان بو یاخوندا بیر یر وار
 گلوب بیزله قتال آیلَسَه اگر دشمن
 او یر اولابیزه تا سمت پشتدن مأمن
 دلیل اولوب بیرى انصار سید عَزَبَه
 او قافله اوزونى چکدی کوه ذو‌خَشَبَه
 یتوب او دامنه‌کوهی ایتدیلر منزل
 کجاوه‌لردن آنوب اهلبیت لرزان‌دل
 بیوک کیچیک واریدی حال ناگواريله
 گلوب یتشدی او دم خَر مین سواريله
 کمال لطفيله امر ایتدی شاه رَأْفَت‌خو
 که حاضر ایتدی جوانلار سپاه دشمنه سو
 چکنده مشگ الینده سو جامی سَقّالر
 ویروب سوسوزلارا سو بیربه‌بیر ایدردی گذر
 او یرده حرّیده اوز لشگریله منزل ایدوب
 گوروب که قصد عبادت امام عادل ایدوب
 او سرور اولدی نماز جماعته مشغول
 گلوب ایدوب او ریاحیده اقتدا معمول

قیلوب نماز جماعت او مقتدائیله
 شروع صحبت ایدوب طرز مدعائیله
 دیدیکه ابن زیاد ایلیوب منی مأمور
 سنی گرک آپارام کوفیه بودور منظور
 بویوردی حقّه قسم تابع اولمارام سنه من
 اولوم یاخوندی سنه دلده کی بو قصدوندن
 تعهدیله منی کوفیان ایدوب دعوت
 اولارکه عهدی پوزوب منده ایلمر رجعت
 دیدیکه آند اولا اللهه اختیاریم وار
 گرک سنی اوزومه تابع ایلیم ناچار
 او وقت اولوب که او سرخیل اصفیایه دلیل
 او سرزمیندن اصحابه ویردی امر رحیل
 بویوردی ایمدیکه باشلور بو قوم کینه یولون
 عراقی ترک ایدیرم قصد ایدون مدینه یولون
 حسین قافله سی یولاناندا راهیله
 گلوب قباقی کسوب حرّ اوز سپاهیله
 بویوردی شاه زَمَن حرّه بو نه جرئتدور
 نه امردور نه تعذی دی نه جسارتدور

ندور ارادن آنان ماتمونده اگلشسون
 غمونده یعنی یانان ماتمونده اگلشسون
 دیدی جوابوه هر چند قدر تیم چو خودور
 ولیک فاطمه نون هتکنه یولوم یو خودور
 دایاندی حرّ گنه ایلدی سوزون تکرار
 دیدی گرک آپارام کوفیه سنی ناچار
 گینه او هادی دین آند ایچوب خداونده
 محالدور تبعیت اولا سنه منده
 حسین قافله سی گتماقا ایدولّه تلاش
 ممانعتده ایدور حرّ لشگری کنکاش
 او یرده کشمکش ایلردیلر ایکی لشگر
 ویراردی بیر بیرینه تازیانه بعضی لر
 چکوب قلیجلاری بعضی لر ایتدیلر عربان
 بیرى بیرینه تعرض ایدردی لشگریان
 اوجالدى سسلر او دم سخت گیرودار اولدی
 فضا او عرصه ده فریاد و دادیله دولدی
 او حالیده دیه بولم خُسینون اطفالی
 نه حاله قالدیلا یا نولدی زینبون حالی

قلوب اهل حرم بسکه وحشت آلمیشدی
 تمام گل کیمی یوزلر سولوب سارالمیشدی
 سکینه ئیکه نه لشگر گوروب نه وحشت جنگ
 او حالده دیه بولم قاچوب یوزیندن رنگ
 او نازپرورین اعضاسی تتردی یکسر
 آسردی برگ خزان تک او غنچه وش لبس
 توکوب سرشکینی رخساره چکدی دلدن آه
 فغان و دادیله بیر صیحه چکدی وا آبناه
 اودم سکینه یوز دوتدی زینب مضطر
 بویوردی قلبیمی یاندرما توکمه اشگ بصر
 اماندی باغریمی قان ایتمه آغلاما صبر ایت
 بو شدتیه فغان ایتمه آغلاما صبر ایت
 جواب ویردی ای عمه نیجه دوتوم آرام
 که قورخورام آتامی اولدوره سپاه لئام
 آت اوینادوردی جوانان هاشمی انساب
 کجاوه لر باشینادور ایدردیلر پرتاب
 بویاندا لشگری اسکات ایدوب امام انام
 اویناندا اوز قوشونون حر ایلدی آرام

امامه سویلدی حر ایشه حمیده خصال
 امیردن منه یوخدور سنیه اذن قتال
 منیم بو عرضیمه گل یابن فاطمه عمل ایت
 نه ایمدی کوفیه عزم ایله نه مدینه گیت
 کنار بیر یولی قصد ایت گیداخ معیتیه
 که صلح اولا آرامیزدا ره عدالتیه
 نظرده یوخدی داخی بوندان اوزگه رأی صواب
 یازوم امیریمه منده گوروم ویرور نه جواب
 بو سوز موافق اولوب رأی شاه ذی شرفه
 ویروب اجازه دونوب کاروانی صول طرفه
 ایکی قوشون او یولی بیربیریه با هم اولوب
 گیدوبله بیر نهجه گون تامه محرم اولوب
 محرمین ایکیسی پنجشنبه نون سحری
 دوشوب بلا چولونه والی الولا گذری
 اولاندا دشت بلا میر عالمه مقدم
 گلوردی حروده شاه غریبیه توأم
 قاباقدا بیر عرب اولدی پدید ناقه سوار
 گلور شتابیه چگنینه بیر کمائیده وار

گلوب برابره تا یتدی حرّه ویردی سلام
 امامه ایلمدی اعتنا او شَرلّام
 آنوب یره دَوَه دَن ویردی حرّه بیر نامه
 آلّوب مطالعه ایستدی یتوردی اتمامه
 دیدی بو حکم گلوب یا حسین امیریمدن
 که آل گوتورمِم اولسَمده دستگیریمدن
 منه بو امری ویروبدر امیر با شوکت
 حسینی قویما داخی بیر قدم ایده حرکت
 سنبله رَسَم مُدارا داخی دگول منظور
 گرک بو یره نزول ایتدیریم سنی مجبور
 امام گوردی تعدّیسین آرتریر دشمن
 مصمّم اولدی همان یره ایلسون مسکن
 علاوه عالمیدی عین قصد ایدن یردور
 بولوردی جدّی آتاسی خبر ویرن یردور
 او دمدّه یوز دوتوب عبّاسه شاه مظلومان
 بویوردی ویر آتام اوغلی سپاهیمه فرمان
 بو دشتدن دی داخی گیچمسون بیرى دورسون
 نزول ایدوب هامی بو یره خیمه سین قورسون

بو یردی مقصدیم ای صاحب وفا قارداش
 منی همین بو یره سوق ایدوب قضا قارداش
 گرک بو یره ویرم دل قضای عشقیمه من
 بو یر قضاسی منی ایلیوب جلاى وطن
 سوله بو یره دوشه هم عنانلاریم قارداش
 قطاری ساخلیلار ساریانلاریم قارداش
 بو یر بو ناقلرین سر به سریانان یریدور
 هامی جوانلاریمون قاننه باتان یریدور
 بو یره غارت اولور ظلمیله خیام حرم
 شهید ایدر بیزی بو سرزمینده اهل ستم
 بو یره آند اولّا اللّٰه ذبح اولور اطفال
 بیزی زیارت ایدر بوردا صاحب آمال
 همین بو تُپراقی جدّیم خبر ویروبدی منه
 که یعنی بو یری مدفن ویروبله بو بدنه
 حجاز قافله سی ایلدی عراقه نزول
 کجاوه لردن آنوب اهل بیت زار و ملول
 ویریلدی امر شه دینیله سراپرده
 ولی قورولدی خیام حرم چوخور یره

باخوب بو نکتیه زینب گلوب دلی درده
 گلوب حضور امامه دوروب برابرده
 ایشیت میشم دیدی قارداش که هر سفرده آتام
 همیشه چوخ اوجا یرلرده قور دورودی خیام
 اونون مراسمنون سنده عکسینی گورورم
 دوزنمیرم اوزومه هر چه تسلیت ویریرم
 نه سزی وار منی آگاه قیل بو مطلبدن
 نیه خیامی چوخور یرده قور دوروسان سن
 کمال یاسیله گلدی او شاه گفتاره
 بویوردی ای باجی سن محرمیم سن اسراره
 آتام علی که علو خیامه طالیدی
 همیشه دشمنه دعوالرینده غالبیدی
 ولی بو عرصه ده مغلوب ایدر منی دشمن
 گرک خیامی چوخور یرده قور دورام باجی من
 او دم جوانلارینی یقدی باشه میر انام
 مخدرات طهارتده دوره ووردی تمام
 باخوب حسین اولارا یأس بی نهایتله
 اولاردا شاه غریبه باخاردی حسرتیه

حسین جوانلاری اهل حرم صغار وکبار
 توکردیلر هامی رخساره اشک خسرت بار
 شرار محتتیه صاف سینه داغلادیلار
 صدا صدایه ویروب بیر دیونجا آغلادیلار
 دوروب گیدوب هرّه اوز خیمه سینده دوتدی قرار
 ولی توکردیله گوز یاشلارین چو ابر بهار
 غمیله بسکه دل شاه نینوا دولدی
 شکسته حالیه دریای فکره غرق اولدی
 مدینه یادینه دوشدی آله آلوب خامه
 یازوب محمده نسگل مقاله بیر نامه
 بیان حالینی بیش کلمه سوزده آندیردی
 نکات رمزیه پیش آمدینده قاندردی
 فقط بو مختصری یازدی یا آخاگویا
 که بو جهان یوخوموش لایزالیدور عقبا
 اسیر قوش کیمی یعنی قفسدیم قارداش
 یاخونلاشوب آجلیم صون نفسدیم قارداش
 منه اگر چه برادر محبتون چوخودی
 غم ایتمه بیله گمان ایت حسینون هیچ یوخودی

و یروب او نامه‌نی بیر قاصده ایدوب اعزام
 او توردی عالم یأس ایچره خیمه‌سنده امام
 یتیشدی قاصد ابن زیاد بد اختر
 و یروب او سروره برنامه ملال آور
 نه نامه سطرلری قید ظلم و جور شدید
 تمام کلمه به کلمه اهانت و تهدید
 حروفی سربسر آلات حریدی گویا
 دل امامه او توردی باخاندایا
 آلوب او نامه‌نی تحت لحاظه خواه‌نخواه
 گوروب که بيله کتابت ایدوب عبیدالله
 منه بو نوع خبر یتدی یا حسین سندن
 که کربلانی به تحقیق منزل ایله میسن
 بو قدر بول منه امر ایلیوب امیر یزید
 بو امر سختیده تکراراً ایلیوب تأکید
 که نه دویونجا بیم نه ایچم نه راحت اولام
 که تا سنی یتورم قتله یا که بیعت آلام
 او نحس نامه که ایتدی حکایت مضمون
 عزیز فاطمه‌نون اولدی حالی دیگرگون

گوروندی صفحه رویونده محنت آثاری
 سارالدی کثرت غمدن جمال گلناری
 دل شکسته‌سی تک بر هم اولدی احوالی
 الیندن آتدی یره نامه‌نی شه عالی
 جواب ایستدی قاصد بو یوردی یو خدی جواب
 مکرر ایتدی سوزون پیک کفر کینه مآب
 دیدی بو نامه یو خدور جوابیمیز ابدایا
 اونا حلول ایلیوب کلمه عذاب خدا
 دو توب گلن یولونی قاصد اولدی ره‌پیما
 یتوردی مطلبی ابن زیاده سر تا پا
 بو سوز مؤثر اولوب بسکه نسل شیطان
 چکوب زبانه یانار اودتک ابن مرجانه
 حسیندن بو سوزه بیر گون انتقام آلدی
 هاچان آلوب دیمورم سوز محلنه قالدی

ورود به کربلای معلی

باجی حسینون عهد ایدوب بو یرده امتحان ویره
 گرک حقیقت عاشقی حقیقتین نشان ویره

حقیقت اوسته جان ویره

گرک بیر امتحان و بیروب سالام جهانی حیرته
 او سینه‌ایکه کنزدور معانی حقیقته
 بو چولده مخزن ایلیم سپاه بیمروته
 او قدر اوخ دگه نه بیر حساب اولانه سان ویره
 ازل بو عهدی ایتیمیشم قورام بو یرده بزم راز
 دوشم یارالو قان آرا ایدم حبیبیمه نیاز
 تاپولماسا وضویه سو قیلان زماندا من نماز
 نفس چکنده سو کیمی سنان یاراسی قان ویره
 بو عرصه‌نون حوادثی مُحیرالعقول دور
 نیجه حوادث اوز ویره حسینووه قبول دور
 بو جاندان آرتوق اکبریم که مظهر رسولیدور
 گوزوم ایوینده قان آرا گرک بو چولده جان ویره
 جهاندا بذل جان فقط بیر عشق ایچون ثباتدور
 که اهل عشقین اولمگی اولوم دگول حیاتدور
 نظرده یوخدو باش و جان بولار مقدماتدور
 گرک حسین اوز عترتین اسیر کوفیان ویره

گرک گون اوزلی قیزلاریم اسیر شامیان اوله
 فرنگ و روم اسیری تک اوله جفایه مبتلا
 سکینه هر زمان ایدوب فغان دیسه بابا بابا
 گرکدو قمچی تسلیت او زاره هر زمان ویره
 گورنده قانلو نعشیمی یر اوزره پاره پاره سن
 نه سیلی وور یوزه نه گل فغان و آه و زاره سن
 بوچولده قویما جسمیمی گون اوزره قوی مزاره سن
 ولی بو شرطیله اگر سنان و شمر امان ویره
 گورنموسن که توز قونوب یوزیمه ایله سن فغان
 نه دور علاجون ایتسه لر باشیمی زینت سنان
 گرکدو بیر گیجه ایده بو باشی خولی میهمان
 جدا باشندان اندیروب تنورده مکان ویره
 بو عهدی ایتیمیشم باشیم گیده یزیده ارمغان
 یزید مجلسنده تا ایده حقیقتی عیان
 ایذنده قانلی لب‌لریم کلام حقدن بیان
 حضور خاص و عامده جواب خیزران ویره
 گر اولسا ذهن ذهنی صاف غمام شک و ربیدن
 او ذهن اولور چو آینه شعاع نور غیبدن

در بعضی از احوالات حضرت علی اکبر (علیه السلام)

محبت عالمنون سیرین ایتسه فکر دقیق
 محل و منشأ اصلیه سین ایدر تحقیق
 محبتون که وار اون مرتبه مقاماتی
 ظهور ایدر آنالاردا تمام علاماتی
 هامو مراتبی هر جزء جزئیاتی تمام
 آنا اوغول آراسندا گلور ظهوره مدام
 او استناد که وار مدعایه اصل دلیل
 همان حکایت هاجردو حب اسماعیل
 علاوه بر سندیکه که ثبوته حجت دور
 حسینه فاطمه دن اولدوقی محبت دور
 آنانون علقه مخصوصی واردور اولاده
 علی الخصوص اوغول اولسا اوزوده شهزاده
 اودا جوان اولا ناکام اولا ملک منظر
 اونون حیاتی آنا اوز حیاتی فرض ایلر
 جوان اوغول آنانون وزدی ذکر صحتی دور
 گوزونده نور بصر دله دیزده طاقتی دور

اوغول وجودینه نفسین ایدر وقایه آنا
 اوغول یولوندا سالار اوز اوزون بلایه آنا
 آنائیله اوغولون عالم محبتده
 بیر اوزگه عالم مخصوصی وار حقیقتده
 آنا اوغول نظراً هر بیررسی بیر جان دور
 حقیقتین دوشونده ایکسی بیر جاندور
 آنا وجود اولا بالفرض اوغولدی ماهیت
 که فرع اصل سیز عالمده تاپماز حیثیت
 اوغول که گیتدی هر حیثیتی گیدر آنانین
 جلال و قدر عظمت عزتی گیدر آنانین
 آنا گوره ایدوب عزم سفر جوانی گیدر
 بیله تصور ایدر عین جسم و جانی گیدر
 خصوص بیر سفری که اولا اولوم سفری
 بروز ایدر آنادا اوندا احتضار اثری
 دوشر گوزی دورانه چخار باشندان هوش
 سزید یوب اوقدر غش ایدوب دوشر خاموش
 خدا بولور که نه چکدی اوگون خانم لیلا
 علی اکبری قربان گهه سالاندا یولا

گوزون تکوب اوغولون سرو قد قامتنه
 که بلکه توشه دوتا آیرلیق قیامتنه
 باخور اوغول یوزی آی تک نظرده جلوه لنور
 گوژور غروب یی یاخونراقدی گوز یاشی آلنور
 یقین ایدوب داخی بیرده اوغول گوره هیهات
 آلی اورکده گزور حسرتیله واله و مات
 آنا اوغول ایدر حیرتله بیر بیرینه نظر
 نه لیلی بیر دانشوردی نه بیر علی اکبر
 اولوبلا هر ایکسی بیریرینه محو خیال
 نه جسمده حرکت واریدی نه دلده مقال
 اوغول گوزی آنادا متصل ایدر افغان
 آنا اوغول گوزونه گوز تکوب باخار حیران
 اورک دولی سوزیله وار دانشمالی سوز چوخ
 ولیک دلده ادای کلامه قدرت یوخ
 دینموری علی گتمه مباد قلبی سنا
 اولا مخالف مقصودی یوز ویره غم اونا
 گلور آل اوزسون آنالیق محبتی قویمور
 نقدر ایگلور اوپور باغیرینه باسور دویمور

خیال ایدیر اوز اوزون بلکه ایلسون آرام
 گورر که اولموری سلطان عشق عقلینه رام
 گلور اورکده آنالیق محبتی جوشه
 عزیز جاننی جان تک باشوربیر آغوشه
 آلی آیاقی دوشوب لرزیه اوزون ایتروور
 دورانموری ایاق اوستونده دیزلری تترور
 چوکور بره که دوشنسون اوغول ایاقینه
 اوغول باخور بو اوزاقدور ادب سیاقینه
 دوتوب الیندن اوپور عرض ایدور آنام صبر ایت
 غریب آتام باخوری غصه ویرمه خیمیه گیت
 سن آغلیاندا مبادا بابام چکه خجلت
 دوباره دن یتشه قلب صافنه محنت
 بو قدر ساخلا ما قربانیوی یول اوستونده
 گورنده نعشیمی آج زلفوی یول اوستونده
 او وقت آغلا گوررسن بویانمشام قانه
 یارالی نعشیمی باشسیر سالوبلا میدانه
 ایتی قلجلاریلا دوغرانبودی گل بدنیم
 آنا گوزوندن ایراق اولماز اوندا دفن ایدنیم

غریب آناسین او شیرین مقال ایدوب آرام
 گلوب عقابه طرف ایلدی رکابنه رام
 قویوب رکابه قدم زین ایوینده دوتدی قرار
 بعینه اولدی رسول خدا بُراقه سوار
 پیمبر ایلدی معراج قرب دلداره
 ولیک اکبر ایدوب عزم محضر یاره
 فرارز تلّه چیخاندا او ماه نورانی
 تجلیاتی ایشقلاندوروب بیابانی
 گورنده جلوّه نورین سپاه دل ظلمات
 تمام عالم حیرته قالدی واله و مات
 یاخونلادوقجا او شهزاده قوم بدکیشه
 اوزاقلاشوردی او کج قومدن کج اندیشه
 بیرینه دیردی سپاه بد فرجام
 بونون قتالینه بیز هرگز ایتمروق اقدام
 اولار صحیفه تاریخمیزده لکّه ننگ
 اگر ایداق بو جوان ملک صفاتيله جنگ
 بیرسنون اولا حق و مروّت و انصاف
 جهانی ویرسن اونا ایلمز بونيله مُصاف

اگر قلیچ چکه بیر کس بو نوجوان یوزونه
 چکوب خطا قلیجی خالق جهان یوزونه
 حسینون امرینی از بس که سالموشوخ تنگه
 بو ماه پاره آفاقی گوندروب جنگه
 اوزوب امیدین اوزوندن دویوبدی جانیندن
 که آل چکوب بیله بیر ماهرو جوانیندن
 یاناردی قلبی سپاهین حسینون عالمینه
 که بیله گل بدنی گوندروب قلیچ دَمینه
 توکوب صلاح گوتوردی تمام جنگیدن آل
 دیردیله بونا یاره ووران آل اولسون شل
 یتوب سپاهه او مه پاره گوز دولاندوردی
 چکوب لجامین آتین عرصه ده دایاندوردی
 او شاهزادیه لشگر باخاندا دقتيله
 تمام حیرته دوشدی سپاه شدتيله
 دیردیله بو پیمبردور ایلوب رجعت
 گوروب حسینونی یالقوز گلوب ایده نصرت
 محالیدور که ایداق بیز پیمبريله قتال
 بو خاطره که یزید لعین اولا خوشحال

اولور قیامته دین اهل کفره تکیه کلام
 که اوز پیمبرین اولدوردی ملت اسلام
 تمام بیر بیره دگدی سپاه کوفه و شام
 یزید ضدینه آز قالدی ایله سونله قیام
 گوروبو شورشی سعد اوغلی چکدی بیر فریاد
 که ای جماعت اولون قید فکردن آزاد
 بو ماه پاره خیال ایتمیون پیمبر دور
 ولیک باشندان ایاقه رسوله بنزدور
 بو بنزدیش اثر صنّع حی اکبر دور
 شبیه صورت پیغمبر اسمی اکبر دور
 چکوب بو صورتی کِلک مَصوّر ازلی
 وجود لوحینه تصویر مصطفی بدلی
 ایدوب پیمبره مرآت عارض پاکین
 ویروز حسینه نشان عکس شاه لولاکین
 نه وقت همه دور بو نه جای وحشت دور
 تمام فکروزی اشغال ایدوب نه غفلت دور
 قدری قان توکولوب نعشیلر قالب بی سر
 حسینون امری اولوب بو مقامه تا منجر

کمکری قیرلوب بس که چاره سی کیلوب
 صف قتاله گمانی بو نوجوانه گلوب
 چکون قلجلاروزی دوغریون بو ناکامی
 بو گونده نایل ایدون کامه والی شامی
 آتاسی گورسه باتوب قاننه بو فرزند
 یقین ایدون قیرلوب قلبتون رگ و بندی
 او قدر یاره وورون جسمی چاک چاک اولسون
 غریب آتاسی باخوب غصه دن هلاک اولسون
 بو فکر باطل عبث ایتمسون سیزی دلگیر
 مقام همت و دعوادور ای سپاه دلیر
 بو گون اولاردا که وار حب شوکت دنیا
 گرک امام و پیمبردن ایتمسون پروا
 او سشت عهد سپاهی عمر ایدوب اغوا
 اولوب تمامی دوباره مصمم دعوا
 دل آچدی نطقه او آزاد زاد شهزاده
 فصیح بیر رجز عنوان ایدوب او آئنده
 تانیتدوروب او سپاه آتا باباسین اوزون
 يتورمیشدی تمامه هنوز دیلده سوزون

او دم خروشه گلوب بکر آدلی بیر ظالم
 قُنون رَزْمه او جاهل واریدی چوخ عالم
 دیدی من ایمدی گیدوب بو جوانی اولدورم
 حسینه شربت زهر فراقین ایچدورم
 کمال کبريله میداننه ایلدی سرعت
 ایدوب مقابله نور مُنیريله ظلمت
 اولاندا اکبريله روبرو او شَرِّ لَئام
 فراز تلّده دورموشدی شاه عرش مقام
 سالوب توجّهونی جان ودل چکیده سینه
 باخاردی مرکز میداندا نور دیده سینه
 او دمده زینب کبراده انتظاريله
 باخاردی قارداشینا چشم اشگباريله
 گوروب که سولدی حسینون جمال گلناری
 سارالدی رنگی اولوب گوز یاشی یوزه جاری
 دیدی حسین نیه بس حالون اولدی دیگرگون
 نه غم یتشدی سنه ایلدی بیله محزون
 بویور گوروم آنام اوغلی نه واقع اولدی مگر
 علی اکبری اولدوردی یوخسا دشمنلر

بویوردی باجی هنوز اکبریم سلامتدور
 منی بو حاله سالان اوزگه بیر علامتدور
 گلوب قتالینه بیر پهلوان نام آور
 که چوخ شجاع و قَوی دور او دشمن داور
 عرب حساب ایدر ابطال عمده دن بکری
 نظیری آز تاپیلور چوخدو حيله و مکر
 مقام رزمده مین آتلویه برابر دور
 اونا اگرچه رشادتده فائق اکبر دور
 ولی ایچوبدی سو سیراب اولوب دگول او سوسوز
 عطشدن آلمیوب اود دوتمیوب جگرلری سوز
 علی اکبرین اما عطش قرارین آلوب
 خصوص محنت و غم الدن اختیارین آلوب
 ایشندی بو سوزی زینب چکوب جگردن آه
 دیدی علاج ندور ای سپهر حکمته ماه
 ایشتمشم دیدی جَدِیمن اولما باجی ملول
 آنا دعا ایده اوغلون اولور دعاسی قبول
 دایانما تیز خبر ایله آناسی لیلايه
 که فرض دور بوگون اکبر دعاسی لیلايه

اوتور ماسون دی دل آچسون دعا به مُسْتَعَجَل
 جوانین حفظ ایده بلکه خدای عزّ و جلّ
 اوغول آناسینا فوراً یتوردی زینب اوزون
 دیوب قضیه نی اشگیله دولدوروردی گوزون
 آنا ایشیتدی که وار اوغولونون باشیندا بلا
 الین ووروب الینه چکدی آه و واویلا
 آل آتدی معجربینی باشندان آچدی آتدی یره
 که نوجواننه دلدن دعای خیر و یره
 الینه زلفین آلوب چکدی آه آه اوسته
 آچوب نیاز دلین بی نیازه آهسته
 توکوب سرشک یوزه باشلادی مُناجاته
 دیردی دردینی فیاض اهل حاجاته
 ایدردی عرض که ای خالق رئوف و کریم
 قالوبدی پنجه دشمنده پارهئی جگریم
 بالام جواندی دگل فنّ حربه عامل
 ولی حریفی قتال آزموده دور کامل
 تفضلاً بو دعائی قبول ایله مندن
 علی اکبریمی ساخلا شر دشمندن

ای التفاتله یعقوبه یوسفی یترن
 منیمده یوسفمی حفظ قیل یتور منه سن
 سنون یولوندا اونی گرچه ویرموشم قربان
 ولی اورکده واریمدور بیر آرزو پنهان
 گلیدی بیرده گوریدیم یوزون گیدیدی گنه
 گیچیدی باشیله جاندان قتال ایدیدی گنه
 دعا اجابته یتدی حضور یزدان دا
 قبول اولوب اثری ظاهر اولدی میدان دا
 قلج النده ایدوب حمله اکبر اوستونه بکر
 اولوندی ردّ او حمله قیتدی اهلنه مکر
 علی سلاله سنون تیغی برق تک ناگاه
 هواده اوینادی بیر روشن اولدی میدانگاه
 ایله جلاد تله بکرون اندیروب باشینا
 او کافرون باشی گویا بولوندی اوز باشنا
 او ضربتیه نفسدن سالوب او بیعاری
 وجودین ایتدی لباس حیاتیدن عاری
 سالوب یره او خبیثون جنازه تحسین
 گلوب مروّته دشمنلر ایلدی تحسین

غریب آناسی دا تل اوسته بیر دیدی احسن
 فدا رشادتوه ای جوان مُستحسن
 بالا گورنده آتا مرحمتله سسلندی
 قولینه قوه گلوب تازه دن هوس لندی
 رموز رزمه آپار میشدی کاملاً چون پی
 چکوب عقابنه مهمیز تیز پی در پی
 زبس ویروب فرسه فارسون فراستی پر
 او چاردی آت دیه سن بس هواده بی شهیر
 جدا ویروب یره بیر آت دولاندوروب پر کار
 معاینه دولانوب نکته باشینه پرگار
 چکوب لجامین ایدوب جست و خیزدن اونی رام
 تهوور یله دوتوب قلب عرصه ده آرام
 گوزوب بو قدرتی دوشدی هراسه لشگر کین
 صلابت آلدی هامی پهلوان لارین اورگین
 مبارز ایستدی یوز دوتدی قومه هر سُودن
 جواب گلمه دی اصلاً سپاه ترسودن
 قلوب لشگری دوتمودی بسکه وحشت اودم
 جسارت ایتمدی بیر کس قویا قتاله قدم

آل آتدی قائمه ئی تیغ تیز خون بیزه
 هجوم ایدوب او سپاه شریر خون ریزه
 ایله ووراردی قلج قوم بدسگاله علی
 گورن دیردی گلوب عرصه قتاله علی
 صغود ایدوب آنوب هر دمده تیغ صاعقه دم
 آچاردی خرمن غمر عدویه راه عدم
 ایدوب باباسی شه لافتی کیمی بیر جنگ
 سالوب فشاره سپاه اهلین ایتدی عرصه نی تنگ
 او قدری باشی بدنن ایدوب آلی قولدان
 که خسته اولدی وجودی دوشوب اوزی قولدان
 علاوه جسمنه دگمیشدی بیر نچه یاره
 که آرتوروردی عطش شدتین او بی یاره
 او حالیده دولانوب باخدی بیر خیامه طرف
 گوروب تجلی ده تل اوسته ماه اوج شرف
 گورنده شغشعه ئی نور نیر عشقی
 قرار و طاقتین آلدی تحیر عشقی
 آتا محبتی آزیسکه قلبنه دولدی
 چکوب قتال دن آل مایل حضور اولدی

اوزون یتوردی حضور امام عطشانه
 آپوب ادب یرین عرض ایتدی شاه ذیشانہ
 بابا اماندور علاج ایت عطشدن اودلاندیم
 علی الخصوص قتال ایلوب یارالاندیم
 پوزوب صفوف سپاهی نظامیدن سالدیم
 یره نقدر سوار عظامدن سالدیم
 هنر هنرسیز اولان اهل شامہ بولدوردوم
 رشادتیلہ نچہ پهلوانلار اولدوردوم
 سالوب آتین دوشونہ قوم آل سفیانی
 حقارتیلہ دولاندورموشام بیابانی
 گیوم آغیر بدنینم یارہ من اوزوم خستہ
 چوخ انجیدیم اوتورا بولمدیم عقاب اوستہ
 دیدیم جمالیوی بیردہ گلوم زیارت ایدوم
 زیارتونده اگر گلسمه بیر تجارت ایدوم
 نظردہ نفع بودور ای امام تشنہ جگر
 کہ بیر ایچیم ویرہ سن سو منہ تاپولسا اگر
 جگر حرارتین عرضیم بودور کہ سوندورہ سن
 قولومه قوہ ووروب قلییمی سوووندورہ سن

او قوتیلہ قولوم تا قلج دولاندورسون
 منہ مبارز عجل کاسه سی دولان دورسون
 باخوب جواننہ حسرتلہ سرور مدنی
 گوروب گیوم قیزاریر بسکہ قان ویرور بدنی
 گل جمالی سولوب کهریا کیمی سارالوب
 قرار و طاقتین آدن عطش نہ کی وار آلوب
 آچوب هر ایکی قولون انتہایہ رأفتدن
 او سرو قدی باسوب باغرینا عطوفتدن
 بویوردی سوز عطش ناتوان ایدوب دلیوی
 ویر ایمدی کاممہ شیرین زبان اوغول دلیوی
 آتاسی کامنہ دل ویردی اکبر ناکام
 گوروب آتاسین اوزوندن او تشنہ خُشگین کام
 گوگل حرارتینہ اولدی بیر علاوه سبب
 دالی دالی چکلوب بیر قدر او کان ادب
 دیدی بغیشلہ بابا بو قصوری مندن سن
 کہ من دیدیم سوسوزام بولمدیم سوسوز سن سن
 بو فکر دن نچہ کیچمشدیم ایندی دہ گیچرم
 قلج دَمیندہ اولوم شربتین گیدوب ایچرم

دوباره عطف عنان ایتدی کارزاره گلوب
ایله قتال ایلدی لشگر آه و زاره گلوب
گنه او قدری پیاده سواره اولدوردی
آنین و ضجه قوشوندان فضانی دولدوردی
پوزوب داغندی صفوف سپاه بدشیمی
یاروب گیچردی نیجه که یارار نهنگ یمی
او وقتده که علی اکبر اهتمامیله
دولاندوردی قلج همت تمامیله
بیچوب توکردی یره پاره پاره اعدانی
اولن قالان قوشونا تنگ ایدردی میدان
بیر آدی منقذ اوزی شمر شوم کینینده
گزردی اکبر شهزاده نین کمینینده
دیددی که بوینوما گلسون عرب و بالی اگر
قویام خیامه گیده بو جوان تشنه جگر
گیدردی آردیجا ایتدوقجا شاهزاده مصاف
که بیر محلیده فرصت تاپوب او بی انصاف
کلاف رشته بیدادن آله اوج آلوب
قلج شل اولموش آینده هوایه بیر اوجالوب

قلنجی غیظیله اندریردی تا او کان خطا
دوز آندی حیف قلج ایتمدی عملمده خطا
او مه جبینون ایله دگدی زوریه باشینا
بولوندی آی کیمی باش آگلوب قلج قاشینا
قان آخدی گوزلری دولدی بویاندی مه عارض
جمال زردینه بیر رنگ سرخ اولوب عارض
دوشوب خسوفه داخی اولمادی او مه طالع
ایدوب اونون اثری لیلینی سیه طالع
چکیلدی پرده رخ مه عذار لیلیه
نیجه که پرده چکر ابر تار لیل آیه
یاراسی مهلکیدن الدن آلدی یاراسین
کمان تک آگدی قد سرو عالم آراسین
باش آخدی آگلشه بولموب داخی عقاب اوسته
آگوب قویوب آتون بویونونا باش آهسته
آچوب ایکی قولون آت بویونونا حمایل ایدوب
گهی گلوب اوزونه که آت اوسته هوشه گیدوب
نه قان قویاردی گوز آچسون باخوب یولی گورسون
نه دیزده واریدی قوه که مرکبین سورسون

او حالتینده که دولموشدی قانیله گوزلر
 بونی بولوردی آناسی باجیسی یول گوزلر
 لُجامی بوشلادی آت مُطلق العنان اولسون
 که بلکه خیمیه یوز دوندروب روان اولسون
 دیردی دورما عقاب ایله خیمه گاهه شتاب
 دایانما همت ایله منده قالمادی داخی تاب
 اماندی بیخما بیرمه ویرمه اهل شامه منی
 او قدر ساخلا یتور منتظر آنامه منی
 زیسکه واریدی تعلیم و مشق او حیواندا
 یول آختاروردی گزردی صُفوف عُدواندا
 که بلکه راکبونون میلینی آله گتوره
 او پاره پاره جوانی آناسینه یتوره
 او با وفا قَرس هر سمتدن ایدردی یولون
 گیچردی بیر صفی بیر اوزگه صف کسردی یولون
 کیمی سنین او گون اولموشدی یار و یولداشی
 کیمی سنین آتاسی یا عموسی قارداشی
 اودور که لشگر هامی داغ بر دل اولموشدی
 تمام قلیبلری کینه نیله دولموشدی

او شاهزاده نون اطرافینی آلوب لشگر
 کسوب یولون آل آچوب فرقه شقاوتگر
 قلیچ دُو هی آنور هی متصل هوایه گیدیر
 تصور ایتمه آن بیر قلیچ هوایه گیدیر
 یَتَن گورور که وجودینده یوخی بیر یری صاف
 گنه وورور یارا رحم ایللمور او بی انصاف
 بریسی قلب گوزیله باخا او بی یاره
 بولر نقدر دگوب یاره اوستنه یاره
 خلاص اولانمادی اهل جفا کمندیندن
 که دوغرانبود بدن آیریلدی بند بندیندن
 دولاندورودی او آت پاره پاره صاحبی
 او ورطه دن چکه بلکه کناره صاحبی
 بو مطلبی که اولور طبع منطقیم گویا
 کتاب مَقْتله بعضی لری یازوب گویا
 چیخوب کناره او یردن که قانلو بیر یمیدی
 یتیشدی بیر یره اهل اُنائنه مَخیمیدی
 بیر عورتون نظری غفلتاً عِقابه دوشوب
 گوروب بیر آت گلور اما عجب عِقابه دوشوب

دولاندوروبلا او قدری لُجامی پاره‌لنوب
 ووروبلا راکبین از بس اوزوده یاره‌لنوب
 اونیه بیر خبر ناگهان تازه‌گلور
 یواش یواش یرور اوستونده بیر جنازه‌گلور
 گلوب برابره بیر دقتیه سالدی نظر
 گوروب آت اوسته دوشوب بیر مَه مَلک مَنظر
 جواندی صفحه روینده یوخ علامت خط
 ولی قلیچ بدنیده چکوب خط اوستونه خط
 جمالی آی گوزی شهلا هلاله بنزر قاش
 بشر یوزونده ملک صورتی چکوب نقاش
 ایدوبدی حسنونی تکمیل هاشمی خالی
 که حَسَن حَسَن دگل اولسا خالْدن خالی
 یانوب اونا اورگی چکدی قلبدن بیر آه
 دیدی بونون آناسی اولمییدی کاش آلله
 اگر آناسی جوانین بو حالیه گورسه
 آز ایلیوب اوز اوزون غصه‌سندن اولدورسه
 یاناردی قلبی سرشگین توکردی آغلاردی
 اوغول آناسی کیمی سس چکردی آغلاردی

او شاهزاده سس آلدی گوروب آنا دلیدور
 بیله گمان ایلدی خیمه‌لر مقابلی‌دور
 خیال ایدوب آنام آگاه اولوب بو رازه‌گلوب
 بو ناله صاحبی لیلی‌دو پیشوازه‌گلوب
 دیدی آنا گل آپاردی منی قان آز آغلا
 گوزون یاشیله یوزلفونله یاره‌می باغلا
 بو یاره‌لر بدنیمدن آلوب توان اولورم
 یتوب دوداقیمه جانیم داخی جوان اولورم
 او عورت آنلادی وار شاهزاده‌نون آناسی
 علاوه سوزشه گلدی اورکده‌کی یاراسی
 دیدی گرک بو جوانی آناسینا یتورم
 آت اوسته ویریمه جان اقرباسینا یتورم
 آتین لجامینی دوتدی او رحم‌دل عورت
 که بلکه فعلیه اوز قولونا ویره صورت
 تلاش ایدوب آپاروردی خیامه مُسْتَعَجَل
 بو امره غافلیدی وار یول اوسته دام آجل
 بیله بولوردی اولومدن اونی کنار آپارور
 ولیک بولمَزیدی قاتله شکار آپارور

یتوب او وقتده یعقوب عسقلانِ دَنی
 گوروب آت اوسته او صد پاره دوغراناں بدنی
 لجامی آلدی او بیچاره دن او بد فرجام
 دیدی بو خدمتیوه ویزم ایمدی من انجام
 نچه قدم آرالاندی باخاردی عورت هنوز
 شقاوتین او ستم پیشه فوراً ایتدی بُروز
 نه قلبی رحمه گلوب حال زار اکبردن
 نه شرم ایدوب نه اوتاندی خدای اکبردن
 تصوّر ایتمدی گیچمز خدا خِلافندن
 آل آتدی خنجرین عریان ایدوب غِلافندن
 اشاره ایتدی ایکی کَتِفَنون آراسندان
 یوخیدی صاف یری ویردی قلیج یاراسندان
 ویران دلیر قولی قوّه لی ایتی خنجر
 بدن لطیف نه مانع نه حایل دیگر
 او نازنین بدنین دگدوقی یرین بیچدی
 یتشدی هر یره خنجر دایانمادی گیچدی
 او سخت یاره جگر بندینی کَسَسْت ایلدی
 ایله قولوندان آلوب طاقتین که سَسْت ایلدی

نفس شماریه دوشدی توکندی تاب و توان
 اوزون آت اوسته داخی ساخلیانمادی او جوان
 اولان زماندا سرازیر صدر زینندن
 بیر آه چکدی قباچه دل حزینندن
 او خشک اولان دلیلله ایلدی ادای کلام
 اَدَبله سویلدی بابا علیک منی سلام
 بولوردی چون عطشندن آتاسنون غمی وار
 بو باره دن دل پاکینده درد مُدْغَمی وار
 دیدی بابا بودو جدیم منه سو قیلدی کَرَم
 که یعنی بول نگران اولما ای شه اکرم
 گوزی یولوندا قالب ساخلیوبدی سو سنده
 یتورسُون آله کی جامی او لعل سوسنده
 آتا اوغول سَسَبین آلدی بولوب باشندا نه وار
 کمال سرعتیله اولدی ذوالجناحه سوار
 یتیشدی رزمگه شاه اولیا وَلَدی
 دیردی شیونیه اَیْنِ اَنْتَ یَا وَلَدِی
 گیدردی صاق و صولاً اختاروردی جان و دِلین
 گهی دیردی اوغول که دوتاردی غصّه دِلین

گَزوب تَفَحُّصِ ایدردی قَد صنوبرینی
 یتیشدی بیر یره قان ایچره تاپدی اکبرینی
 بیر آز قالوردی اوزون ذوالجناحیدن آتدی
 اورک دوگوندی دیزی تتره دی نفس باتدی
 دوروب گیدنمدی بیر آز دیزی دیزی گیتدی
 سوروندی حولیله تا نوجوانینه یتدی
 یانیقلی بیر دلیله صیحه چکدی وَا وَلَذا
 همین بو کلمه سنی یددی دفعه ایتدی آذا
 گوتوردی باشینی یردن آلوب دیز اوسته امام
 نَقدر باغرینا باسادی دل اولمادی آرام
 نه سوندی نار محبّت نه سوزی آسگیلدی
 تصوّر ایله حسینه نقدری نسگیلدی
 باخوب جوانینه آرتوردی آه و افغانین
 الیله دیشلرینین سیلدی توپراقین قانین
 یوزون قویوب یوزونه تا او قانینه باتانون
 اوغول قانی بویادی آق محاسنون آتانون
 اوغول اوغول دیدی هر قدر گوردی سس گلمور
 ایدوب معاینه گورسون گلور نفس گلمور

طیب حاذق ایدوب مه یوزون اونا مرآت
 دوتوب نفس گهینه ایتدی کسب معلومات
 گوروب هنوز نفس وار عزیز جاننده
 ولیک قان آپاروب طاقتنده جاننده
 بویوردی یاتما اویان آچ گوزون جوانیم اوغول
 منیله بیر دانش ای مایه روانیم اوغول
 می وصالی اوزون ایچدون اخذ کام ایلدون
 آتاوی زهر فراقونله تلخ کام ایلدون
 نه تیز غروبه یتشدون سحر ستاره سی تک
 اوزون گیدوب منی ظلمات غمده قویدون تک
 نه بی مروّتمیش لر بو رحم سیز لشگر
 سنی بو حاله سالوب ای جوان گل پیکر
 دوتوم که قتلون اوغول قصد قوم ناکسیدی
 باشونداکی بو قلیج یاره سی سینه بسیدی
 دور ای محبّتی باش فکرینی باشندان آتان
 بو قدر دشمن آینده قالب کسک سیز آتان
 هجوم ایدور منی بی یاره فرقه ناکس
 دور آل آله قلعون دشمنون قباقرنی کس

اویان گوز آچ آتاوین باخ بو قانلو گوز یاشنا
 آف اولسون عهدینه توپراق بو عالمین باشنا
 دیمه بو نشئهده سندن صورا دایانام علی
 ستمله قانه بو گون سن کیمی بویانام علی
 بو ورطهده داخی مشگل ثبات اولامنده
 بیر آز دایان گلورم سن گیدن یولی منده
 خوشام بو جانی ویرم جان ستانه بو یرده
 گیدوب خیامده کی حشری گورمیم بیرده
 دوشوبدی خیمه لره سندن اوتری شور نشور
 باجون سکینه گوزی یولدا دلده نالئه شور
 یقین ایدوب که قلیجلار یازوب بو گل جسمی
 اوزی رسالئه مُحنتدی جسمیدور اسمی
 کتاب غمدن ایدوب درسین ایمیددن ازبر
 او خوش زبانین اولوب وردی وای علی اکبر
 آنان بولوب که سنی سولدور و بلای گل یاس
 سن اولمه میش باش آچوب خیمه ده دوتوب سنه یاس
 وصیتون وار اگر گل دله بیان ایله
 اورکده ساخلاما درد دلون عیان ایله

آتا سسی یتشنده اوغول قولاقینه
 او حالده ئیدی که یتمشدی جان دوداقینه
 او صون نفسده مسیحا نفسدن آلدی نفس
 حزین حزین سسیله سویلوب ای شه بیکس
 یتور سلامیمی لیلایه سینه داغلاماسون
 تسلی ویر اونا مندن صورا چوخ آغلاماسون
 دوباره ضعف اولوب عارض توانینی آلدی
 نفس قیتدی دوشوب دلدن آل ایاق چالیدی
 آتا جمالینه حسرتله بیرده بیر باخدی
 شهادتینی ایدوب ذکر گوزلری آخدی
 گتوردی درده قلوب ملائک و روحی
 چکنده شهنه که آیریلدی جسمیدن روحی
 آتا گوروب بالا جان ویردی حالی بس نولدی
 بیله دیوله که گویا حسین او وقت اولدی
 باخوب جوانلارینا دورهده او کان شرف
 بویوردی قارداشیزی حمل ایدون خیامه طرف
 گورور سوز اولدی جوانیم گوزوم قباقدنه
 جنازه سی قالا قویمون آتا قوجاقدنه

دیوب تمامیسی لَبیک قصد نصرتیله
 ولی باخاردی جوانلار او نعشه حیرتیله
 خیال ایدردیله آل وورسالار او نعشه اگر
 تماماً آیریلجاقل بندنبدیندن پیکر
 باخوبلا حملی گرک بر سبیل عقل اولسون
 عبايه چولقادیلار تا جنازه نقل اولسون
 دیمَرَم که نیجه خیمه گاهه حمل اولدی
 ولیک شور قیامتله خیمَلر دولدی
 اوجالدی عرشه او دم اهل بیتدن آواز
 دیردیله گُلور اکبر گلون ایدک پیشواز
 بویوک کیچیک هامی صبرین حصارینی یخدی
 مخدرات تماماً خیامدن چیخدی
 ایله ایدیردیله شیون چکردیله فریاد
 گورن او حالی پیمبر وفاتین ایلدی یاد
 ستاره و شَلر او مه پیکری آرایه آلوب
 تمامیسی قمر اوسته صف ستاره سالوب
 او نعشین عترت پیغمبر آلدی دَورَبرین
 توکُردی قیز گلین عورت عذاره اشگ تَرین

بویوک کیچیک بیله آغلاردی هایهائیله
 که دولدی بادیهئی نینوا نوائیله
 فغان و شیونیله عرشه اوج ایدوب سَسَلَر
 بیری آخا بیرسی وای جوان اوغول سَسَلَر
 بیری دیردی که شهزاده اکبریم ای وای
 بیری دیردی شبیه پیمبریم ای وای
 بیری یولار سر زلفین بیری دیر قارداش
 سن اولمیدون اولیدی بوگون باجون ای کاش
 خیامدن هامی چیخمشدی دیشره خورد و کبار
 ولی اوغول آناسی اوز یرنده دوتدی قرار
 قرار و صبری الندن اگرچه گتمیشدی
 اوغول غمی اونی بی تاب و طاقت ایتیمیشدی
 تعجبیم او محبت او عشقده بیر آنا
 گوره که گلدی اوغول نعشی خیمده دایانا
 نقدر فکر ایدورم صبرینه نه اولدی سبب
 گلور خیالیمه لیلاتی ساخلامیشدی ادب
 مباد گورسه اوغول نعشینی چکه ناله
 اوغول آناسی خجالت چکه بو احواله

همان گونی او خانم بولمورم ایدوب نجه شام
 صباح اولاندا که ایستردی اولسون عازم شام
 دولاندی قتلگهی لیلی ملول و غمین
 یتیشدی بیر یره تاپدی نشان درد و غمین
 گوروب اوغول نه اوغول دوغرانبو تمام اعضا
 چیخوب اوزوندن اولوب منظرینده تیره فضا
 ایکی آلیله و یروب باشینه دیدی علی جان
 سنی گورونجه بو حالیه کاش اولیدی آنان
 سنون تک اوغلی اولن بیر آنا حیاتی نیدر
 اولومدی حقی نجه آرزو حیاتین ایدر
 بهار عمریمه بیر نوبهار ایدن گولیدون
 امیدیم عالمنه مایه توکلیدون
 عجب امیدیمی یاسه زمانه دوندردی
 بهار عمریوی چوخ تیز خزانه دوندردی
 آنان بیر عمر گون آی ایل باشا یتورمیشدی
 سنون کیمی آله بیر سروقد گتورمیشدی
 که بيله گونده اوغول سایه سنده دالدا لانا
 نه اینکه نعشوه باخدوقجا گون او گونده یانا

عجب یتوردی منی آرزویه دور زمان
 بو روزگارون امان دور گردشندن امان
 یارالی سینهوه باخدوقجا سینه دن یاتام
 گوگل زبانه چکر اود دوتوب آلولاتام

زبانحال جناب لیلی به حضرت علی اکبر (ع)

گیت اوغول هر مقصده تصمیم ایدوبسن راضیم
 منده سن نیت دیم سن راضی سن من راضیم
 ایمدی که قصد حریم وصل جانان ایتمیسن
 مرحبا احسن عجب مقصدو عنوان ایتمیسن
 بو مقدس نیته ترک سر و جان ایتمیسن
 منده تحسین ایلرم بر وجه احسن راضیم
 عشق جانانون سنی محکوم ایدوب جان ویرمگه
 منده محکومم بو قطعی حکمه اذعان ویرمگه
 سن ذبیح اولماقدا سعی ایت منده قربان ویرمگه
 قانونویله ایت منای عشقی گلشن راضیم
 من بو گون نه هاجرم سنده نه اسماعیل سن
 تا سنی هاجر کیمی مهجور ایدم بو فیضدن

اولماسام راضی سَنه گیدیرمَرَم هرگز کفن
 قَوْلومی فعلیم ثبوت ایلر مبرهن راضیم
 سن ذبیح اصل حق سن نه ذبیح بالعرَض
 مین فدا جبریلله گلسه سَنه اولماز عوض
 بو منای عشقه لایق اوز وجودوندور غرض
 ویرمیشم منده قضای عشقووه تَن راضیم
 گیت صراط مستقیم عشقدور میدان یولی
 باخما سَد ایلوب قباقدان لشگر عدوان یولی
 کشف ایدر عشق دلدن گیچن پیکان یولی
 اولسا سینن ناوک پیکانه مخزن راضیم
 غصه لنمه آهی آه اوستن چکوب اولما ملول
 قالما لایلا قیدینه لایلا سَنه قربان اوغول
 سن نجه جان ویرمگی ایلوبسن اولدن قبول
 عالم هجرانیوه منده ازلدن راضیم
 دوزدی مشکلدور آنا اوز نوجوانندن گیچه
 لیک جانان ایستین لازمدی جانندن گیچه
 سهلدور جان سن کیمی روح و روانندن گیچه
 منده سندن کیچمگه جان و دلیلن راضیم

باخما من قالام اوغولسوز سن یوفکری باشدان آت
 افتخاریم دور منیم سن همت ایلله کامه چات
 حجله گاه عیش فرض ایت نازیله قان ایچره یات
 ویر منه مجنون کیمی چولگرده مسکن راضیم
 قوی یوزون توپراقلار اوسته جانووی جانانه ویر
 شوقیله خنجر دمینه باشووی مردانه ویر
 نه اوزون اینجیت نه زحمت قاتل نادانه ویر
 سلّم محض اول تا دیسون آخرده دشمن راضیم
 آل ایاق چالما علی جلّاد الینده بِسْمِل اول
 قاتله آغلار گوزیله باخما هرگز خوشدل اول
 ذوقیله آخر نفیسه وصل یاره نایل اول
 شغولم اولسون قوی منیم فریاد و شیون راضیم
 شُقه شُقه زلفیوی نوک جدایه پرچم ایت
 هاله تک سال مه جبین اوسته شعاعین مَبْهَم ایت
 موسی عشقه خطاب لَن تَرانی هر دم ایت
 من دیسم آرَنی جوابیمده دیسن لَن راضیم
 تشنه لیقدان عارض اولسا هر قدر غش اوسته غش
 قان توکن جلّاده هرگز ایتمه اظهار عطش

قورخورام غیظه گلوب ایتسون سنبله کشمش
 ایلمه نا اهلله اوز دردون مُبیین راضیم
 عمریوون بُرجینده سن هر چند روشن ماه سن
 عالمیم سنسبز شب دیجوردور آگاه سن
 خوشدو بو ظلمت منه گیت اول قنا فی الله سن
 وادی حیرتده قیلآم منده مأمن راضیم
 بیله که نور جمالون جلوهر دور ماه تک
 گورسه قاتل خنجرین الدن آتار بی ریب و شک
 ابر زلفین توک یوزه باری بو نوره پرده چک
 اولماسا حق نوری باطل گوزده روشن راضیم
 ذهنی ذهن آئینه سین گرچه دوتوب گرد ملال
 نور توفیق ایسته سن اکبر جمالین یاده سال
 روشن اولسون طرز نطقون سن یاز آغلا اتصال
 تا دیسون اوز نوحه خوانیم سن معین راضیم

زبانحال جناب لیلی در انتظار علی اکبر ﷺ

انتظارم بار آلهها مونس جان گوزلرم
 بیر عزیز جان و دل بیر جان جانان گوزلرم

دود آهیمله ایشقلی گون گوزومده تار اولوب
 قالمشام ظلمات غمده ماه تابان گوزلرم
 روزگاریم چوخ پریشان دور پریشان حالیه
 رشته عمروم کیمی زلف پریشان گوزلرم
 غنچه خونینه حسرت منتظر بلبل کیمی
 گل وجودی خنجر و تیریه شان شان گوزلرم
 قاشی قدیم تک هلالی زلفی بختیم تک قرا
 آق کفن آگنده بیر آلقانه غلطان گوزلرم
 اولمادی سو ممکنیم گوزکاسه سین دولدور موشام
 بو یول اوسته منتظر بیر تشنه مهمان گوزلرم
 گرچه لیلادور آدیم اما اوغول مجنونیم
 گزمگه مجنون کیمی دشت و بیابان گوزلرم
 نوجوانیم دور آلهی قلبیمون آرامیدور
 طاقت و صبریم توکندی قالدیم حیران گوزلرم
 طوی حناسی یاخمامیشدیم نوجوانلار تک اونا
 یوللادیم قانیله زلفون ایتسون الوان گوزلرم
 اوزلقومدان چخمشام حیرتدیم چارم ندور
 دوشموشم بیر درد بی درمانه درمان گوزلرم

اوزموشم هر چند آل اوتان دوزموری قلییم گنه

کسمرم اتمیدی اولسا مین جرمان گوزلرم

تیز یتور یا رب قسم ویزم اونون اوز جدینه

صورت پیغمبرون یا رب رحمان گوزلرم

ایسترم بیرده گورم قربانیمون قانلی یوزین

ایلیم اوز جانیمی قربانه قربان گوزلرم

گلمدی فکریم بودور شام غریبانین دوتام

سوز آهیمله یانان شمع شبستان گوزلرم

یخماسام دل ملکینی اشگیمله آرام اولمارام

نیلرم بو ملکی چون بیر گنج ویران گوزلرم

کربلاده ممکن اولماز من اونا ماتم دوتام

شامده باشلانماقا شام غریبان گوزلرم

ذهنی دی حسرت منیمده ذهنیمی اشغال ایدوب

اکبره زوار اولام هر لحظه هر آن گوزلرم

نوحه از زبانحال حضرت علی اکبر (علیه السلام)

آز منی دولاندیر یارالیم دوشموشم داخی دلدن ای عقاب

حسرتم آنامه یتور منی همت ایله اولدوم من ای عقاب

ای عقاب ای عقاب من یارالیم

چوخ دولانما بوگون قباقینی دل کباب ایدوب دور عطش منی

بسکه قان آخوب ضعف ایدر اورک چوخ دوتار آت اوستونده غش منی

قتلیم اوسته چوخ گیرودار اولور آر توخ انجیدور کشمش منی

بولرم نندن بیله تشنه دور قانیمه منیم دشمن ای عقاب

بسکه رزمگاهی دولانموشوق تابیدن دوشوب مرکب و رکیب

سنده یوخدو طاقت دولانماقا منده قالمیوب قدرت نهیب

اشقیا دوتوب رهگذارووی صف چکوب قباقنده تیب و تیب

اوخ و یروبلار ازبسکه جانیوه پیکرون اولوب مخزن ای عقاب

منقذون جفا سی یتشمه میش سنمامیشدی بال و پریم منیم

بوقلیج باشمدان دگن کیمی سست اولوب هامی پیکریم منیم

کاسه اجل تک بو یاره دن دولدی قانیه گوزلریم منیم

اولمارام داخی من بو حالیه اوز حیاتیتمه ایمن ای عقاب

قان یاش آغلارام اوز بهاریمه سولدوروب گلون صرصر بلا

باغ عمرومی غارت ایتمگه آل آچوبدی سر پنجه قضا

ناگهان اجل تک دولاندورور قصد ایدوب منی منقذ دغا

خاتم سلیمان محنتی ایدر آلسون اهریمن ای عقاب

گرچه اشقیا یاره چوخ ووروب سنده من کیمی پاره پاره سن
 بیرده بیر تکاپویه گل منی چک بو ورطه دن بیرکناره سن
 لاله زار عمروم خزان اولور جهد ايله گلی ویرمه خاره سن
 تا خبر ویریم باغبانیمه گل خزان اولور گلشن ای عقاب
 باخما چوخ گیدوب چوخ دولانموسان صاحبون کیمی زار و خسته سن
 ایمدی جهد و همت مقامی دور چک اوزون کناره بو ورطه دن
 سنده راحت اول منده دنجلیم بلکه یول تا پوم خیمگاهه من
 باشیم اوسته بیر عَمَم او خشاسون ایلسون آنام شیون ای عقاب
 هر قدر ویرالار سز یلدارام یوخی بیر نفر دادرس منه
 داده سسلرم بیر کمکسیزی ایمدی بیر او بی کسدو کس منه
 اوندا ویرم آسوده جانیمی من گورم آتام ویردی سس منه
 جان ویرنده من آل ایاق چالام سوئلسون آتام احسن ای عقاب
 گون دگوب سز یلدار یارالاریم چوخ اذیت ایلر گیم منه
 قالمیوب داخی منده اختیار یوخی طاقتیم جور دشمنه
 چاره یوخ اوزومدن ال اوزموشم ایندی بیر گمانیم قالوب سنه
 تا آتام گلنجه جنازه می ویرمه اهل شامه سن ای عقاب
 دهنیا بس ایت سن یازان کیمی بو مصیبتیه بیر کتاب یوخ
 اود دوتوب قلم یاندی دفترون نظمه چکمگه دیلده تاب یوخ

شاهزاده اکبر جنازه سین گتدی خیمه گاهه عقاب یوخ
 دی حسین دلینجه جوانیمه هاردا ویرمیسن مسکن ای عقاب

زبانحال حضرت علی اکبر (علیه السلام)

گل گور بابا سَنَسِیز نجه دشمن دوتوب هریانیمی
 من سَسَلْدَوْقْجِه اَلْعَطَشْ سوتک توکله قانیمی
 ای دادخواهیم هاردا سان یالقوز لیوب دشمن منی
 ازبس ووروب شمشیر کین تا سالدیلار دلدن منی
 وجهی ندور یاد ایتمه سن بو صون نَفْسده سن منی
 سن گلمیونجه ویرمرم من جان ستانه جانیمی
 بیر تل که ویرمیشدی آنام اشگیله ایندی شست شو
 سن سیز پریشان ایللیوب حالیم کیمی قوم عدو
 رنگین ایدوبلر تل به تل الوان ایدوبلر موبه مو
 غلطان ایدوبلر قانیمه بو کاکل ریحانیمی
 قان آخدی ضعف ایتدی دلیم آت بوینونا دوشدی قولوم
 قویمازلا سالم قورتولام دشمن دوتوب صاق و صولوم
 لیلای منی گوزلر ولی گیتدوم اوزاقلاشدی یولوم
 صد حیف اولم گورمرم اوز لیلی نالانیمی

گلمکده تأخیر ایلمه رحم ایت منیم احوالیمه
 روحیم چیخار دشمن گینه قویماز منی اوز حالیمه
 چوخ سنگدل دور قاتلیم باخماز سرشگ آلیمه
 عرشه یتوردی ظلمودن منقذ منیم افغانیمی
 یوخ بیر یتن امدادیمه ای دادخواهیم هارداسان
 یوخسا سنه یتمز منیم فریاد و آهیم هارداسان
 صید ایتدیلر نخجیریوی گل پادشاهیم هارداسان
 آتدان یخوبلار اشقیا آختارام اوز سلطانیمی
 رحم ایلمز دشمن منه اولما رضا چوخ یالوارام
 هر کس یتر بر ظلم ایدر باخماز منیم چوخدور یارام
 گل آل دیز اوسته باشیمی تا من دیوم آغرور هارام
 اغیارایچون فاش ایتمرم اوز محنت پنهانیمی
 چوخ حسرت آیریلدیم بابا بو چولده سندن آغلارام
 جانیم چخانجا ایلمر فریاد و شیون آغلارام
 یوخ چارم ازبس عاجزم دشمن وورار من آغلارام
 قانلو سرشگیم دولدوروب بو دیدۀ گریانیمی
 بیر زخمدار آهو کیمی صیاد الینده قالموشام
 تیز گل کسلر باشیمی جلاد آلینده قالموشام

یوخدور یتن بیر دادیمه بیداد آلینده قالموشام
 هر سمتدن دست قضا دوتموش منیم دامانیمی
 ای مرحبا بیر خامیه اولموش کلید باب غم
 هر سطردهن بیر مثنوی مطلب تاپار ارباب غم
 ذهنی آز آغلا ذهنوی آخر یودی سیلاب غم
 دریایم اشگمله دیمه فاش ایلمر طوفانیمی

زبانحال حضرت علی اکبر (علیه السلام) خطاب به لشکر

صید ایلدوز سالدوز آله	آهوتک ای لشکر منی
فرصت ویرون گلسون آتام	گورسون او بی یاور منی
یوخدور یانیمدا بیر معین	آل ساخلیون ای اهل کین
بیر سس گلور زار و حزین	گویا آتام سسلر منی
رحم ایتمه دوز افغانیمه	چوخ یاره ووردوز جانیمه
الوان ایدوبسوز قانیمه	چون لاله احمر منی
انصاف ایدون ای اهل شام	بسدور داخی چوخدور یارام
قالموش گوزی یولدا آنام	اول بینوا گوزلر منی

بیر باخساز اشگ آلیمه
بیر دم قویون اوز حالیمه
یوخ منده یارای جَدَل
ویرمز داخی مهلت اجل
یعقوب کافر یاره سی
مهلکدی چوخ یوخ چاره سی
ایسی هوا من زخم دار
چوخ ایلوب بی اختیار
بیر جاندی مین خنجر ووران
ال ساخلیون بیر آلمان
یاندیم سوسوزدان بیر گورون
اولدورسوز اوندان اولدورون
اشغال ایدوب ذهنی گیدر
آخرده بیر گون غرق ایدر

قلبوز یانار احوالیمه
ای قوم دون پرور منی
سیر آچمیون اوستیمه ال
ایمدی هلاک ایلر منی
ایلوبدی جان آواره سی
اولدوردی بو خنجر منی
دگدو قجه گون جانیم یانار
بو دوغراناں پیکر منی
ضعفا یتدیم ازبس آخدی قان
اولدورمیون مضطر منی
بیر شربه باری سو ویرون
ای فرقه کافر منی
گوزدن آخار اشگ بصر
طوفانه اشگ تر منی

زبانحال حضرت سیدالشهدا خطاب به علی اکبر (علیه السلام)

سسیمه سس ویر علی گلدیم یتیم امدادیوه هاردا سان
دوباره سسله بو اوغولسوز آتاوی دادیوه هاردا سان

ای اوغول هاردا سان

اوغول دیمکدن علی دوشدوم داخی من نطقدن نیلوم
سسون که گلمز ندی چارم علی بس ایمدی من نیلوم
نه بیر الیمدن دوتانیم وار نه بیر امداد ایدن نیلوم
اوزون سال ایمدی بو کمکسیر قالانی یادبوه هاردا سان
ایم اورکده چکوب آهی سنی من سسلرم هر زمان
عناد اوزیله سس اوچالدوب چوخ ایدر هایهوی کوفیان
کیمیم وار ایمدی سنی ویرسون منه بو رزمگهده بیر نشان
دچار اولوبسان گوروم هاردا علی صیادیوه هاردا سان
غم و ملالین ایدوب از بس گوزیمه عالمی تار اوغول
نه دلده طاقت نه دیزیمده نه گوزیمده ایشیق وار اوغول
نه رحم ایدور بیر نه ویرور یول منه بو قوم بی عار اوغول
که فرصت ایلوب بو کمکسیر گله فریادیوه هاردا سان
چخوبدی حددن غم و غصم یتشوب محنتیم شدته
ایتی قلجلار گل تر تک بدنون سالدی نه حالته

دور علاجیم ندی چاره بیلہ بیر چاره سیز محنته
 سسون قداسی سبب اول اوز اوزون ارشادیوه هارداسان
 دو توم که ویردون سسیمه سس نجه درک ایلیم من سسی
 سسون یتیشسون منه قویماز قشونون قیل و قال و داد و هممه سی
 بو سمتدنده گلور هر دم آناوین عقه وین ناله سسی
 سن اولمیوبسن هله ماتم دوتولوب دور آدیوه هارداسان
 سکینه باشین آچوب آغلار اونا چوخ یوز ویروب درد و غم
 بنات حیدر سنی اوخشار سر زلفین آچار دمبدم
 اولوبدی جانیم ولی روحیم نندن آیریلیموری بولمورم
 سنون یریوه کاش آتان باش ویره جلادیوه هارداسان
 سسون گلنده دوشوب از بس آناوین جانینه پیچ و تاب
 قرار و صبری گیدوب آلدن واریدور دلدۀ چوخ اضطراب
 او قدر قالمور که غمونده دوشه صحرالره بی حجاب
 اماندو رحم ایت او وطن سیز ایوی بربادیوه هارداسان
 بو قان توکنلر علی هاردا سنی غرق ایتدیلر قانیوه
 ترخم ایتمز بولورم من بو جماعت جوان جانیوه
 گلینجه قورخوم بودی خنجر قویالار حلق عطشانیه
 آنان اولونجه قالا حسرت قد شمشادیوه هارداسان

نه دهندور گور سنه ذهنی که کرم ایلیم لایزال
 فصاحتیله بیله نظمه دوزوسن کلمه نی اتصال
 تشکر ایله دیمه دوتموش باشیمی شوریه قیل و قال
 فرح دی بو غم که تاپوب یول دل آزادیه هارداسان

زبانحال جناب لیلا در سر نعش علی اکبر(ع)

ای فدای حضرت جانان اوغول
 سن کیمی قربانه من قربان اوغول
 کیم وفاسلکینده سن تک سان ویروب
 نفسینی جانانینه قربان ویروب
 دوغرانوب صدپاره عطشان جان ویروب
 قویمادون عشقونده بیر نقصان اوغول
 ای قتیل اول اهل حجاز
 آل هاشمده آپاردون امتیاز
 سن شهید اولدون من اولدوم سرفراز
 تا نقدری دؤر ایدر دوران اوغول
 خط و خالین قانیله ایتدون عَجین
 نقطه مقصوده چاتدون آفرین

مرحبا ایتدون عجب ای مه جبین
 کوکب اقبالیمی رَخشان اوغول
 خوش یازوب جسمین قلجلار سربه سر
 مبتدای آیه ذبحه خَبر
 ووردی خطّه نیزه لر زیر و زَبر
 نقطه قویموش ناوک پیکان اوغول
 فصل فصل هر یاره ده وار بیر مَقال
 گوسترور علم کلامه بیر مثال
 تا ویره عشق اهلینه درس کمال
 ای مصائب شرحینه تبیان اوغول
 سوز زخمی نوش قیلدون جانیه
 شوق و ذوقیله بویاندون قانیوه
 سن یتشدون محضّر جانانیوه
 قسمتیم اولدی منیم هجران اوغول
 دلخوشام لیلاتی مجنون ایلدون
 داغ هجريله جگر خون ایلدون
 اشگیمی دامنده جیحون ایلدون
 گوز یاشیم طوفان ایدر هر آن اغول

دوشموشم گرداب غمده مشکله
 غرق اولام گر آتمارام آل ساحله
 یا گتوزم دُر مقصودی آله
 یا هلاک ایلر منی طوفان اوغول
 اولموشام دریای عشقونده سَراب
 وَرطه مُهلک دلدّه خوف و اضطراب
 اولام آخرده فَنّا مثل حُباب
 هر قَدَر سیر ایلسم حیران اوغول
 ویرمیشم اوّل سَنیله دِل دله
 ایتمیم هرگز مصیبتدن گِله
 اود دوتوب یانسون دلیم گلسم دله
 گر شکایت ایلسم عنوان اوغول
 گرچه من اولدوم وطن آواره سی
 دوشموشم بیردرده یوخدور چاره سی
 داغ هجرانن صافالماز یاره سی
 منده ده وار صبر جاویدان اوغول
 رسمدور اَمّا جهاندا سربسر
 بیر آنانین نوجوانی اولسه گر

نعشی اوسته باش آچوب فریاد ایدر
 اوخشیوب اوغلون ایدر افغان اوغول
 بالخصوص اولسون سنون تک نوجوان
 وار بو قدری نسلون دلدن نهان
 سنگ خارا اولسا دل ایتمز توان
 بولمورم اولمز ندن بو جان اوغول
 زلفووه شانه وورار دیم هر زمان
 اللّیم تترردی چون برگ خزان
 باشوون قانیله ایتدی کوفیان
 دسته دسته تل به تل الوان اوغول
 خار آیقونده گوریدیم گر عیان
 ظنّ ایدر دیم سینه مه باتدی سنان
 ایمدی گل جسمون نیجه گورسون آنان
 پرده زنبور تک شان شان اوغول
 تشنه گیت میشدون قتال دشمنه
 لبلرون بنّزردی سولموش سوسنه
 جان ویرنده ویردی قاتل سو سنه
 یا شهید ایتدی سنی عطشان اوغول

هر زمان نسلرون یاد ایلرم
 ذهنیمه سالام سنی داد ایلرم
 تا نفس وار داد و فریاد ایلرم
 آغلارام نسلرونده قان اوغول

احوال حضرت قاسم ابن حسن (علیه السلام)

شکایت دلی دل ابتدا دیسون دیمسون
 خبر دین خبره مبتدا دیسون دیمسون
 ضمیر دلدن کی شوره مضاف ناله ئی دل
 نوای نی کیمی چکسون صدا دیسون دیمسون
 دیم گول دیمسم درد ایدر دله شهناز
 دل هانسون ایلسون آیازضا دیسون دیمسون
 همای نطق همایون هوایه سیر ایستر
 او سیره سیر سلوک هدا دیسون دیمسون
 قالوبدی مات حصار قفسده طوطی طبع
 که نظمیله بیر عجب ماجرا دیسون دیمسون
 او ماجرا که آدیله اوزی مخالفیدی
 حجازیانه یتوردی قضا دیسون دیمسون

عراقیده دوتولان قاسم جوان طویونون
 عزایه دونمگینی جا به جا دیسون دیمسون
 او طوی که تسلیت اولسون رسوم تبریکی
 دین او تسلিতে خوش صفا دیسون دیمسون
 او طوی که طوی گونی داماد قانینه بویانا
 کنایتیله او قانه حنا دیسون دیمسون
 اولوب جنازه داماد زینت مجلس
 گینه او مجلسه ماتمسرا دیسون دیمسون
 باخاردی حسرتیله زیر چشم عروس مَلول
 ایدردی شرم که وا حسرتا دیسون دیمسون
 چکردی متصل آه اوسته آهی آهسته
 که دردِ ظاهر ایده یا خفا دیسون دیمسون
 گلوردی چوخ دلینه نامراد عم اوغلوم وای
 ولی ادیدن ایدردی حیا دیسون دیمسون
 گلنده قتلگه قید گیتدی گلدی دله
 مگر تقیدی قالمیشدی یا دیسون دیمسون
 دیدی عم اوغلی عروسون فدا بو نسلووه
 تانوموسان که سنه کدخدا دیسون دیمسون

نه وار باشون نه بدن صورت بدنده قالوب
 باخان نیجه تانسون آشنا دیسون دیمسون
 اوخ اوسته سانجلوب اوخ گل وجودون اوستونده
 گوزن بو اوخلاری خار جفا دیسون دیمسون
 یارالارون گل آچوب ارغوان و لاله کیمی
 بو گلر اوسته بو بلبل نوا دیسون دیمسون
 ایدوب نوا دیسون ایوای بهار عمروم وای
 خزانه گلدی ریاض وفا دیسون دیمسون
 نه عمر دور بو نه گون شرح حال هجرانی
 بو طالعی گونی بختی قرا دیسون دیمسون
 بو گوشواره و خلخال و معجری آلینان
 او ظلملر که گوروب بر ملا دیسون دیمسون
 عم اوغلی من هارا آتلار دوشونده قاچماق هارا
 شکایتین سنه بو بینوا دیسون دیمسون
 چکله شامه منی باش آچوخ قولومدا طناب
 اولار که ظلمینه شمر اکتفا دیسون دیمسون
 اوزوندن آیری دوشوب باشیویله همره اولان
 اوزون بو حاليله سندن جدا دیسون دیمسون

دوشوب تحیره بو مبتلای شام فراق
جداده باشووه بدرالذجی دیسون دیمسون
بو قافیه بو ردیفیله ذهنی بو نظمه
باخان توجه خاص خدا دیسون دیمسون

استیذان شاهزاده قاسم علیه السلام

شاهها نظر مرحمتونده نظیرم وار

لطف ایله عمو عرضیمه بیر دردسیریم وار

هر چند جسارتدی ولی دوت منی معذور

بیر گوشه چشمیله باخ ایت گوگلیمی معمور

دردیم وار ایدوبدور دل غم دیده می رنجور

آگهسن اوزون دلدده نجه غصه لیریم وار

بیر یاندان آتام یوخدی یتیم من مهموم

بیر یاندان احبّا غمی ای سید مظلوم

بیر یانندان ایدوب گوگلیمی غربت غمی مغموم
 دلده بو قَدَر سونمز اودیله شریریم وار
 ایتدی هره بیر بیع و شَرِی اولدی مَوْفوق
 جان نقدی ویروب سالدی آله دولت مطلق
 بازار محبّته گرک منده محقق
 بو سوده یِتم یِتمَسَم عمده ضریریم وار
 اهل دل ایدوب سینه لرین اوخلارا مَخزن
 قانه بویانوب زنگ غمی سیلدیله دِلدن
 غرقم عرق خجلته بو باره ده بیر من
 باخسان یوزیمه عرضیمه شاهد اثریم وار
 ارباب هنر سندن آلوب اذن شهادت
 میدان وفاده آپاروب گوی سعادت
 رخصت ویر ایدیم منده بیر اظهار رشادت
 سن یاخشی بولورسن که منیمده هنریم وار
 مرضات حقه نفسینی هر کیم سنه ساتدی
 دریای خطرناک قتاله اوزین آتدی
 غرق اولدی نجات ابدی ساحله چاتدی
 منده او نجات عشقینه میل خطیریم وار

مه پاره علی اکبر ایدوب عشقینی اظهار
 ایتدی یوزینی باشندان آخان قانیله گلنار
 هجرینده اولوب عالم روشن گوزیمه تار
 زنگ غمیله دلده زبسکه کدریم وار
 اوندانصورا من نیلورم عالمده حیاتی
 چوخ خوش دوتورام من دریلقدان بو مماتی
 بیر عاریه عمریکه اونون یوخدی ثباتی
 من نیلورم اوندا نه امید ثمریم وار
 گر ایلمسم مقدمووه بو باشی ایثار
 سرمایه خجلتدی بدنده نَقْدَر وار
 سال سیر سلوکه منی ده قیل عمو سیار
 بیر یولدا که اکبر کیمی بیر راهبریم وار
 جاریدی گوزومدن یوزه بو وجهیله قانیاش
 بیر لحظه بو منظوریمه من تیز یتیشم کاش
 شمشیر شقاوت دمینه منده ویرم باش
 باشدا گوره لر آیت شق القمریم وار
 یوخ منده لیاقت که رکابونده ویرم جان
 مرهون ایله بو منتیله ای شه عطشان

ویر اصغر شهزادیه باری منی قربان
 ظاهرده او اصغردی منیمده صغیریم وار
 ایتمز آلم زخم و جراحت منی ملهوف
 هر قدر قلج دگسه ایدر گوگولومی مشعوف
 پیکان دمینه سینه می ویرم دیمرم اوف
 بو مخزن عشقیم کیمی آلدی سپریم وار
 گر باشندان آیاقه بو وجودیم اولاد چاک
 قانه بویانام بستر و بالینیم اولاد خاک
 حاشا که ایدم دیده صبر دلی نمناک
 بو حسرتیله لیک آخان اشک تریم وار
 بسکه منی غم غصه ایدوب ذهنی پریشان
 عاجز لیمیشم امریمه ای خسرو ذیشان
 بهت عالمی دور عالمیم ای شاه لب عطشان
 بولم که باشیمدا نه قضا و قدریم وار

زبان حال جوابیه حضرت سید الشهدا (علیه السلام)

نیجه من ایدیم روانه سنی کارزاره قاسم
 که نشانه حسن سن من دلفکاره قاسم

حَسَنِيْم دوشنده ياده دله يوز ويرنده محنت
 سنيله تاپار تسلي گوگل اي حميده خصلت
 نظريده جلوه گر دور نَقْدَر بو ماه طلعت
 بيله بولم ايلورم من حسنه نظاره قاسم
 سني يادگار ايدوب حق منه قارداشيم حسندن
 كه شميم مجتباني يتورم مشامه سندن
 نه روا بو غم گونونده كسه سن علاقه مند
 كه چتيني درد هجرون من بي قراره قاسم
 مني گر بو چولده يالقوز قويوب عرصه گاهه گيتسن
 بو قدر بول ايمدي گويكه حسن گيدور اليمدن
 سنون آتش فراقون ايله سوزش آرتورور من
 او بير آتشيله يانام ايكي گل عذاره قاسم
 بو يانان جگرده بسدور منه داغ هجر اكبر
 كه شراره سي ووروب اود بو وجوديمه سراسر
 دل غمكشيده زخمين اوغول ايلمه مكرر
 كه بو زخم ايدر كفايت دل داغداره قاسم
 نيجه منتهاي صبريم منيم انتهاي يتمز
 نَقْدَر وارانم اوركدن بو اوغول ياراسي گيتمز

غم فرقتونله درديم نجه دلده شدت ايتمز
 نه او زخمه واردی مرهم نه بو درده چاره قاسم
 او سهی قدین غميله بو قدیم دونوب كمانه
 ايليوب خدنگ درد و غمه سینه می نشانه
 سنيده نيجه قلجلار دمینه ايدوم روانه
 ستميله گل وجودون اولا پاره پاره قاسم
 سناهل كوفه باخماز كه حرم غزالي سان سن
 كه غزال خوشخرامی سالی تيز كمنده دشمن
 سني ظلم اليه صيادا يده صيدا يراق گوزومدن
 كه گوزوم بو ماجرانی گورور آشكاره قاسم
 نه سنه يانار قلوبی سپه ستم شعارين
 نه باخار عطش هجومي دلون آلموش اختيارين
 ايله گوزلرين دوتوب قان بو جماعت شرارين
 كه نه رحم ايدر صغاره نه باخار كباره قاسم
 سني من نجه مبارز ويروم اشقياي شامه
 كه شقاوتي او قومين يتيشوب بوگون تمامه
 نه جهاندا كام آلويسان نه يتيشموسن مرامه
 چوخ ايدور اثر بو نسل دل پر شراره قاسم

بو شهادت امری دلده سنه گرچه مدّعادور
 غم فرقتون ولیکن منه درد بی دوا دور
 بو مهمّ امره شاید اوز آناندا نارضادور
 سن اوزونده اولما راضی گله آه و زاره قاسم
 بسیدورا ونون بومحنت که وطندن آیریلوبدور
 نولی حالی غربت ایچره گوره سندن آیریلوبدور
 یری وار او بلبل آسا که چمندن آیریلوبدور
 سنه مین دلیله شیون ایده چون هزاره قاسم
 آنادور نه زحمتیله یتیروب سنی بو حدّه
 نجه دل ویرر که حسرت قویالار بو سرو قدّه
 او قدر آخر سرشگی بو مصیبت اشدّه
 که کناری گوز یاشیله دونه جویباره قاسم
 بو کلام خوشکلامی که دوزوب نظامه ذهنی
 بودور آرزوسی یتسون بیله بیر مرامه ذهنی
 گینه دعوت ایلیه شه گله بیر سلامه ذهنی
 ایده ضمنده زیارت سنیده دوباره قاسم

استیذان جناب قاسم ﴿ع﴾

حق یتوردی دردیمه درمان عمو
 ویرمدون اولّ اجازه سن منه
 گوز یاشیم حسرتله آخدی دامنه
 شامل اولدی حالیمه الطاف حق
 مجتبی تعویذ یازمیش بیر ورق
 باخ عجب بیر خط خوش عنوان یازوب
 گورنه واضح قتلیمه فرمان یازوب
 چوخ منی بو دستخط دلشاد ایدوب
 شاهراه مقصده ارشاد ایدوب
 بو کتابتده یازوب شاه جلیل
 تا پمارام یول اولماسان گرسن دلیل
 اولماسا سندن هدایت بیگمان
 ای صراط المستقیم انس و جان
 هر ارادتمنده سنسن من یُراد
 سن سلیمان مور من پای جرّاد
 قتلیمه سالدیم اله فرمان عمو
 سیندی قلییم باعث اولدی شیونه
 ایلدیم چوخ ناله و افغان عمو
 یادیمه دوشدی بو امر ماسبق
 غم گونی ایتسون منی شادان عمو
 ایلیم بو حکمه من اذعان یازوب
 سنده امضاء ایت سنه قربان عمو
 قید غمدن گوگلومی آزاد ایدوب
 بو کتابتده اولان عنوان عمو
 آیّه انا هدیناه السبیل
 ای بیان معنی قرآن عمو
 مطلقا گمراهیدور اهل جهان
 خلقه هادی آیت یزدان عمو
 درگهوندور عالمه باب المُرّاد
 نقد جانیم اولسا گر شایان عمو

باب فیضوندن منی ایتمه ملول بو محقر ارمغانی ایت قبول
 سال یولا قربانون ای سبط رسول تا ویرم حق یولدا منده جان عمو
 گیتدیلر اهل وفا بیر بیر تمام ویردیلر جان قویدولار بیر نیک نام
 منده ده وار بیله بیر عالی مرام باش ویروب باشه ویرم پیمان عمو
 خط و خالیم اولماسا قانه غریق نقطه مقصوده کشف اولماز طریق
 راضیم حق اوسته بیر باطل فریق ایلسونلر قانیمه غلطان عمو
 بیله که یالقیزلیوب دشمن سنی قتلوه آماده دور قوم دنی
 گل دولاندور باشیوه سنده منی فدیہ ویر ایله بلاگردان عمو
 منده عهدیم وار ازل جانانیه سو کنارینده لب عطشانیه
 تا اولام بو چولده باش و جانیه بیر محقر فدیة جانان عمو
 فرقتون گرچه چتیندور چوخ منه یوخی تاییم لیک طعن دشمنه
 خوشدلیم جان ایلیم قربان سنه لطف قیل ویر رخصت میدان عمو
 مایلیم من ای شه گردون مدار تا اولام صیاد بیرحمه شکار
 ایلیم مثل غزال زخمدار سربسر دشت بلانی قان عمو
 بو چمنده گرچه تازه بیر گلم لیک غمدن غنچه تک خونین دلم

دلده کی زنگ غمی مشکل سلیم توکمه سه گر قانیمی دونان عمو
 قتلوه اولموش مصمم کوفیان الده تیغ و خنجر و تیر و سنان
 من سنون فکروندن ای شاه جهان فارغم فکر ایلمه بیر آن عمو
 گرچه مقصد دور منه اوج وفا لیک تاپماز بو مقامیم ازتقا
 جسمیمی سم سمند اشقیا ایتمه سه گر خاکيله یکسان عمو
 باغلانوب هرسمتیدن چاره یولوم فوج غمدن باغلانوب صاق و صولوم
 باب فیضوندن بوگون محروم اولوم اولما راضی ای شه دوران عمو
 ایستسن سنده جهاندا ذهنیا درد بی درمانوه درمان اولا
 آغلورد ایت بو سوزی صبح و مسا حق یتوردی دردیمه درمان عمو

استمداد شاهزاده قاسم ﴿ع﴾

ای دادخواهیم داده گل بیداد الیندن داد عمو
 صید ایتدی صیاد اجل ایتمز منی آزاد عمو
 بیر زخمدار آهو کیمی قانیم رواندور سو کیمی
 دامه دوشن تیهو کیمی صید ایلیوب صیاد عمو

هر قدر گَلَم شیونه رحم ایلمز دشمن منه
 قالمیش امیدیم بیر سنه ایله منه امداد عمو
 ازبس هجوم ایلوب عطش عارض اولور قان ایچره غش
 وار قتلیم اوسته کشمکش ویرمز امان جلاد عمو
 ووردوقجه بو قوم دنی من سسلرم داده سنی
 درک ایت اماندور تیز منی مظلوم اولور داماد عمو
 گلدون اگر امدادیمه یاخشی یتشدون دادیمه
 رزم ایتمه باخ فریادیمه ایت حالیمی بیر یاد عمو
 گور بیر منیم افغانیمی دشمن دوتوب هر یانیمی
 گل راحت ایله جانیمی اولدوم من ناشاد عمو
 آت چاپدیلار سینمده بس آخر شکست اولدی قفس
 سیندی سوموکلر باتدی سس گلمز داخی فریاد عمو
 چون ظلم بی پایان اولوب سیلاب اشگیم قان اولوب
 توپراقیله یکسان اولوب بو قامت شمشاد عمو
 ای فخر آل هاشمی گور ذهنی تک گوز یاشیمی

آل بیر دیز اوسته باشیمی تا جان ویرم دلشاد عمو

زبانحال مادر جناب قاسم (ع) بعد از شهادتش

سنی غرق ایلدی اکبر کیمی کیم قانه اوغول
 ایتدی همنا له منی لیلی نالانه اوغول
 موبمو ایمدی آچوب کاکل افشانووی من
 ایلدیم شانه سر زلف پریشانووی من
 تا گورم جلوه کنان عارض رخشانووی من
 ابر تک حایل ایدوب کیم مه تابانه اوغول
 مُنشق ایلوب باشووی تیغیله اشرار جهان
 فرق حیدر کیمی شق القمر ایلوبدی عیان
 قطره قطره دوزولوب زلفووه مرجان کیمی قان
 بنزر هر بیر تلی بیر شده مرجانه اوغول
 خالی از رحمی میش از بسکه دل قوم دغا
 یانمیوب حالووه رحم ایله میوبلر آبداء
 دولدوروب سینه وی مخزن کیمی پیکان جفا
 بند اولوب ناوک پیکان دم پیکانه اوغول

ای منیم روح روانیم باخورام جسمووه من
 گورورم گورگوز اولوب زخم سنانیله بدن
 جوش ایدوب قانون آخوب یاره لروندن دیه سن
 چشمه چشمه سودی جاری اولوب هر یانه اوغول
 ایلیوب جسمووی صد پاره عدو چون گل سور
 دویمیبوب جور و جفادن گینه بو قوم شرور
 ایله پامال ایلیوب پیکریوی شَم سَتور
 برگ گل تک داغیلوب صحن گلستانه اوغول
 باغ عیشیمده منیم ای ثَمَر نَخل مراد
 سنیدون عالم سیریمده صفا بخش فؤاد
 قید غمدن گوگل آزاد اوزوم خرم و شاد
 یتوروردوم سحر و شامیمی پایانه اوغول
 من جوان بختدیم ای تازه جوانیم سنیله
 شهره عالمیدی عزّت و شائیم سنیله
 یوخودی ذلّته دنیاده گمانیم سنیله
 واریدیم صدر مَعالیده عزیزانه اوغول
 مایه فخریمیدون عمده مَحافلده منیم
 هر مجالسده آدون ذکریمیدی دلدۀ منیم

عالم یأسیده امیدیمیدون دلدۀ منیم
 اولدی تبدیل امیدیم نیجه حرمانه اوغول
 رشته جانیه دلدۀ سنه علقم واریدی
 جسم تک روحه حقیقتده علاقم واریدی
 نقطه دلدۀ نه بیر دم اثر غم واریدی
 نه گمانیم واریدی بیر بیله دورانه اوغول
 من دیمزدیم که اولار گردش دوران بو سیاق
 اولی بیرگون ایله بیرگونلر اولار شام فراق
 سَهلدور هجر که گورم سنی گوزلردن ایراق
 هدف ایلوبله دم خنجر بُرّانه اوغول
 دۆری دونسون فلکون فکره گلوردی بو مگر
 روزگارین بیله تیز گردش دورانی دونر
 که منی سن کیمی آرام دله حسرت ایدر
 روز وصلی عوض ایلر شب هجرانه اوغول
 عالم هجرون ایله دهرده مشگلدی منه
 قسم اوز جانیوه هر ساعتی بیر ایلدی منه
 هر گونی مین ایلیله بلکه مقابلدی منه
 همدمم تا که و آرام ناله و افغانه اوغول

گیتدون ای عالم شدتده منیم دادرسیم

ایمی سینهده قویدون نَقْدَر وار نفسیم

آغلارام یانام اولونجه اوجالار ناله سسیم

منی توش ایتدون عجب آتش سوزانه اوغول

باخورام جسمووه هر یرده جراحت گورورم

اثر نیزه و شمشیر شقاوت گورورم

ایتمیوب یاره ووران زخمه کفایت گورورم

زخمووین وار نه حسابی نه گلور سانه اوغول

آتش هجر یله ووردون دلیمه بسکه شَرَر

گوزومی سالدون ایشیقدان منیم ای نور بصر

ذهنی سوز یوخدی که قاسم آناسی بیله دیر

سنی غرق ایلدی اکبر کیمی کیم قانه اوغول

مقدمه و احوالات حضرت ابوالفضل (علیه السلام) (ذهنی زاده)

بصیرت یله گوزوم گور بو کون امکائی

تمام عالمی هر ماسوانی بول فانی

کتوردی موجد عَدَمدن وجوده موجودی

گینه عَدَمدی پلاشک وجود پایانی

هامی یارانموش اولوب محو اولاندی آخرده

تلاوت ایله دوشون کل مَن عَلَیْهائی

خدای لم یزل و حی و فرددور باقی

ایدوبدی وجهینه مخصوص لفظ یَبْقائی

همین بو دار فنا بیر نزولگهدی بیزه

نیجه که منزل ایدر کاروان بیابانی

بو کاروان او زمان قُرب مقصده یتیشر

که حشرگاهیده ایلر معاد جسمانی

ایدر او عرصگه قادر قدیم احضار

هامو معاشر جَنّی نژاد انسانی

هامی گورر او گون اعمالینون نتیجه سینی

بدون اینکه نتیجه ویره پشیمانی

بیر ایله گوندی او گون یاد ایدنده اوضاعین

یاخون اولور ایده جیحون سرشگ دامانی

اولار او گون هامونون ورد و ذکری وا نفسا

نجه حبیب اولای یاد ایلمز اَحْبَانی

قاچار اوغول آناسیندان آنا اوز اوغلوندان

محالیدور سالا بیر کیمسه یاده آبانی

خیال یوسف کنعانی ایلمز یعقوب
 ابوالبشر ایده‌جاق ترک یاد حوّانی
 ایدر کسوف او گون جرم نیر اعظم
 حجاب خسف دوتار روی ماه تابانی
 گونیه آی ایکسی جمع اولولّا بیر یرده
 اولور جماعتین آینّ المَفَرّ تَبَّیانی
 اولار جماعت ایکی قسمته او گون تقسیم
 بیرسی فرقة جَنّت بیرسی نیرانی
 گر ایسته‌سن گورسن رستخیز اوضاعین
 همان او گونده وقوعه گلن قضایانی
 مجسم ایلّه گوزونده عراق صحراسین
 او دشت محنت و غم وادی بلایانی
 گوزون گورر ایکی فرقه او قانلو صحراده
 بیرسی فرقة رَحْمَن بیرسی شیطانی
 بو یاندا عَدَه‌ئی معدود دور اُنات و ذُکور
 او یاندا آتلو پیاده نظام یوخ سانی
 او قدر قان توکولوب نعشر قالوب بی‌سر
 ایدوب عقیق یمن قان بَسِیْط غبرانی

نماز خوف قیلولار بو یاندا وحشتله
 او یاندان اهل نمازه وورالّا پیکانی
 یخیلدی چوخلاری توپراقه ختم اولونجا نماز
 اولوب شهید قویوب بی‌سپاه سلطانی
 اولار که قالدی باشیندا امام مظلومین
 یارالانوب هامو پیر و جوانین ابدانی
 مبارزتله قالانلاردا بیر بیر اولدی شهید
 اولوبلا شوقیله بزم وصال مهمانی
 او گلستان محبّته گل وجودیلری
 امام اَیْلَه مُزَین ایدردی قتلانی
 بیر آز زماندا قالان بیر شه اولدی سردار
 نه قالدی قاسم و اکبر نه مسلم و هانی
 قتال نوبتی یتدی او دم ابوالفضله
 دوتوب غبار مُحن نه رواق مینانی
 بو فکره دوشدی که شمس شهادته مه اولّا
 یازوب بولوردی قضا کلکی بیله فرمانی
 لوی سلطنتین آجدی پرچم فتحین
 شهنشهرین باشی اوستونده اول وفاکانی

دولانندی باشینه عرض ایلدی سنه قربان
 منیمده واردی باشیمدا هوای قربانی
 اجازه مرحمت ایله که خاکپایونده
 نثار نثار ایدوم ای ثاری ثارِ رحمانی
 بسان مور الیمده هدیه جان نقدی
 حضوره گلمیشم ای کربلا سلیمانی
 بو تحفه پیشگهونده حقیر دور لیکن
 قبول ایدر کرم اهلی هامی هدایانی
 بو دلّار آلدی دلین اول شه شکسته دلین
 توکوب عذاره جگر قانی چشم گریانی
 کمال حسرتیله باخدی بیر علمداره
 او بیر باخیشدا واریدی رموز پنهانی
 بویوردی سنده گیدیرسن ندیم من بیکس
 حسینووین بولوسن یوخدی یار و آعوانی
 سن اولماسان منه دشمن جری اولار قارداش
 توکر بو پیرو ناحق سپاه حق قانی
 علاوه اهل و عیالیم گوزون تیکیدی سنه
 سنی بولور حرم اهلی حرم نگهبانی

کسیله پرتو لطفون سر حرمندن اگر
 اولار حرم گونوزی لیل تار و ظلمانی
 دوتوم که من دیمیرم سن اوزون خیال ایله
 مأل کار حریم امیر بطحانی
 جواب ویردی اوزوم آگهم مطالبدن
 ولی عیاندی سنه صبریمون یوخ امکائی
 نیجه دوزوم اوزون آگاهسن برادر جان
 عطشدن عرشه چخوب اهل بیتون افغانی
 بیرری دیر عطشیمدن خدا هلاک اولدوم
 یاخوندی ترک ایده روحیم بو تنگ زندانی
 بیرری الینده دوتوب بوش سو جامی سو دله
 توکر او جامه سوتک اشگ چشم شهلانی
 بویوردی ایمدیکی یوخ چاره سنده گیتملوسن
 بیر آز سو ایسته ویره بلکه لشکر جانی
 همینکه ایستدی گیتسون دیدی برادر جان
 دایان دویونجا گوروم بیر او قد بالانی
 بو یول اولوم یولودی گیتمه بو شتابیله
 یخار شوموم ستم بیله قد طوبانی

چتیندی بیرده سلامت گورم سنی هیهات
 بولاق گرکدی غنیمت بو مختصر آنی
 بودور مرام دلیم قول بویون اولاخ بیرده
 یانان اورکده آزالداخ شرار هجرانی
 همینکه قول بویون اولدی حسینیله عباس
 گتوردی شوره بنات بتول عذرانی
 سکینه فاطمه‌نی تاپدی زینبی کلثوم
 سرّیه شاه زمانی رباب لیلانی
 بیوک کیچیک هامی بیر بیرله قول بویون اولدی
 ظهوره گتدیلر شور نشور عظمانی
 ایله سیزیلدا دیلار ایتدیلر ایله شیون
 صدای ناله دوتوب گنبد معلنای
 همین بو ساعت اولوب اقتران شمس و قمر
 سالوبدی صحبت آئن المقرّه نشوانی
 بولنمورم نه قیامت او گون قیام ایتدی
 ولیک حشره کیمی اولدی محشر عنوانی
 خلاصه هر ایکی قارداش وداع کامل ایدوب
 یانایانا قویوب اول ماه مهر زخسانی

باتوب خیامیده میداندا چیخدی بدر منیر
 ضیائی خیره لدوب چشم قوم اعمانی
 نصیحته دل آچوب زاده لسان الله
 که خوابدن او یادا قوم دل سکارانی
 منی بویوردی بو لشگر هامی تانور که کیم
 گونوز گون اولماقون اولماز نیاز برهانی
 منیم کُنیم ابوالفضلدور آدیم عباس
 ویروب غلام حسینه علی عمرانی
 بو گون ولیک علمدار شاه بی سپهم
 علاوه ایلدی سقا ولی سبحانی
 ویروب بو مشگی منی نهره ایلوب اعزام
 سقاء تشنیه مأمور ایدله سقانی
 گلون آچون سو یولون آز عناد ایدون ای قوم
 عطش شرارینه یاندورمون آل طاهانی
 پیمبر اوغلی سوسوز قالسون عترتی یانسون
 ولی فرات ایده سیراب وحش و حیوانی
 نقدر ایتدی نصیحت گوروب قبول اولماز
 محالیدور آیددا پند و وعظ اعدانی

گرک آچا سو یولون آبرنگ شمشیری

غلافیدن چخادوب تیغ برقی آسانی

اوزون ووروب قوشونا ابن ضیغم الغزوات

صفوف میسرهنی پوزدی نظم یمانی

بیر آز زماندا آچوب نهر علقمه شهراه

ووروب شریعه سرعتله باد پیمانی

قباچه مشگینی دولدوردی باغلادی بندین

اورکدن ایلدی حمد قدیم الاحسانی

همان او حالیده داغ عطشله داغلی دلی

آلوب بُرودت آب فرات دریانی

هر ایکی اوجونی دولدوردی ایستدی ایچسون

خیال ایدوب عطش خسرو لب عطشانی

توکوب سوئی دیدی اوز نفسینه ملامتیه

دگیل طریق مُساوات دوست نسیانی

حرامیدور سنه شرع وفاده آب حلال

ایچر اورک قانی لب تشنه عشق قربانی

وفایه سیر ایله لب تشنه چیخدی دریادن

ولیک ایلدی سیراب نخل ایمانی

جهاد اکبری ایتدی خیامه آت سالدی

صول آلدی مشگی دوتوب صاقدای تیغ بُزانی

به حکم میر سپه آلدی دوره سین لشگر

یاغیش تک اوستونه یاغدی خدنگ بارانی

قویاردی مشگی ویراردی قلیج آچاردی یولی

ایدردی مشگینه حامل دوباره یسرانی

تمام همتینی حفظ مشگه صرف ایلیوب

ایدردی مشگه وقایه تمام اعضانی

شجاعتیله او صحرا ده لافتی اوغلی

وورور توکور داغیدور قوم بی سر و پائی

او شیر شَرزه که هر سمتی ایلور عطف عِنان

قاچور چو دسته روبه گروه سفیانی

گینه گلور گوتورور مشگی بیر قَدَر آپارور

گورور خدنگه نشانه نشان اَدنی نی

آپاردی خرمالیکا حفظ مشگ تدبیری

بو گیرودار او تدبیر جنگه دارانی

قویاردی مشگینی نخله دالیندا دوره سینی

طواف ایدردی چو پروانه شمع سوزانی

مجسم ایله همان عالمی خیالونده

او کثرت سپهی سر سپاه تنهانی

گرک نه قدرت اولیدی بیر الده بیر مشگه

ایدیددی کوته او توزمین ید تعدانی

همان او حینیده تل اوسته حسرتیله امام

ایدردی قارداشینون رزمینه تماشانی

گوروب مشقته سالمیش سو مشگی عباسی

اونا فراهم ایدوب زحمت فراوانی

بو فکره دوشدی که قارداشینا حمایت ایده

دوزنمدی قویا یالقوز او شیر غرانی

آت ایستدی گتوروب دخت فاطمه زینب

دوتوب رکاب سوار ایتدی ابن زهرانی

سوار اولان کیمی سسلندی جان سپهداریم

گلور حمایتیوه عالمین جهانبانی

اوزون ووروب قوشونا الده تیغ آتشبار

داغیتدی قارداشینون دوره سیندن اعدانی

هر ایکی قارداش او دم آرآ آرخیا ویردی

ایدردی بیر بیرینون حفظینه تقلانی

ایله ووراردی قلج مرتضیٰ نشانه لری

که مشگل ایتدیه اشراوه فتح آسانی

دیردی هر ایکی دلبنده آفرین دلدن

اگر باخیدی او دعوایه شیر یزدانی

او ایکی قامتی شور قیامتین قلیجی

سپاهه ایلدی محشر او دشت و صحرانی

گوروب بو شورشی سسلندی زاده وقاص

مُخاطب ایلدی اشرار شام ویرانی

دیددی بو طرزیه وورسا قلج ایکی قارداش

دم حُسامه چکر جمله پیر و بُرنانی

تلاش ایدون آییرون شاهدن علمدارین

چکون کناره هاموز شاهد منایانی

قشون او وقتده دریا کیمی گلوب موجه

مُضاعف ایلدی قُلک نجاته طوفانی

آیبردی قوم فشاری عَنای مشگ آخر

او شهریاریدن اول شهسوار هیجانی

پیمبر اوغلی او یاندیدی ذوالفقار الده

توکردی توپراقا کفار بی مُحابانی

بویاندا وارث حیدر الینده شمشیری
 ایدردی زیر و زبر قوم سست پیمانی
 ووراردی خرمن عمر سپاه اشواره
 شراره صاعقه تیغ آتش افشانی
 ایله فشاره سالوبلار او قوم تنگدلی
 که تنگ ایدوب قشونا اول وسیع میدانلی
 قاچور سواره ایاقلور پیادهنی آتلار
 دوتوب او چولده یارالو نواسی هریانی
 نه وار آتا خبری اوز عزیز اوغلوندان
 نه بیر خلیل سالور یادینه اخلانی
 امام ایستدی عباسیدن خبر بولسون
 بو اختباره ایدوب اختیار آیمانی
 قلج ووراردی دیردی انا این ختم رسل
 بابام پیمبره حق نازل ایتدی قرآنی
 آلاردی بو سسی عباس اودا ویرردی جواب
 آتام علی اوجادوب نام حی اعلانی
 بیرری بیرینون آلاندا سسین ایکی قارداش
 سیلردی زنگ مُحندن دل مصفانی

بیر آز گیچردی گینه سسلنوردی سبط نبی
 سایاردی مَنقبت لاتعدو تحصانی
 گورردی گلدی جوابی گینه ابوالفضلون
 علیدن ایتدی بیان افضل ثنایانی
 او قدر گیچمدی آلدی قَطَعْتُمَا سسینی
 آلان او سمعی هامی صوت جهر و اخفانی
 بولوب که قارداشینون صاق قولی قلم لندی
 ایدر صول اللی جهادی او حیدر ثانی
 ایله آلیشدی دلی شهریار خونین دل
 شَرار آهینه یاندی وجود آرکانی
 يَدَااللّٰهين قولونی قوه دن بو غم سالدی
 غم برادر ایدر بیله بیر تقاضانی
 گینه ووراردی قلیج سبط احمد مختار
 نهان ایدردی همان محنت هویدانی
 تلاش ایدردی که قارداشینا يتورسون اوزون
 قضا آپارمایش الدن عنان یارانی
 قلج ووراردی دیردی انا این محمود
 که نازل ایلدی حقینده حق اُسرانی

دیردی قارداشی من لافتایه دلبندم
 بو چرخ پیر گورنمز او شاهه همتانی
 هامی بولور که منم بیر ابو تراب اوغلی
 تراب ذلته توکدی منات و عزانی
 صول الی ایلرم اوز دینمون حمایتینی
 ایچم شهادتیه جام مرگ اخلائی
 که یعنی غم یمه قارداش هله یخلمامشام
 نشان ویرور صول الیم ضرب شست شایانی
 خلاصه حامی دینون ایکی رشید اوغلی
 قیراردی فرقه مرتد و بی تولانی
 او قدر عرصه نی تنگ ایلمیشدیلر قشونا
 ایدوب معاینه سفیانیان منایانی
 او حینده گینه سسلندی سرور مدنی
 دیدی مناقب سلطان و ملک تولانی
 بو یوردی گوهر گنجینه رسولم من
 علاوه وارث اعمال خلق میزانی
 گوروب امام که سسلنمدی ابوالفضلی
 بولوب که یخدیلاز اول سرو عالم آرائی

کمال حسرتیه رزمگاهه سالدی نظر
 اویان بویانه دولاندوردی چشم بینانی
 آلوب او شه نظره مضرع علمداری
 همان او کعبه مقصود اهل معنانی
 دیر او وقتده راوی که منده حاضریدیم
 او عرصگهده گورردیم او شاه خوبانی
 سورور سمندینی سرعتله قارداش اختاروری
 او شاهه شاهره آچمشدی عالی ودانی
 بیر آز گلوب یخیلوب صدر زیندن ناگه
 الیمدن آلدی بو غم دامن شکیبانی
 دیدیم حسینه خدایا نه یاره دگدی مگر
 که سالدی آخر ایاقدان او سرو سربانی
 او قدر گیچمدی گوردوم ایاقه دوردی امام
 باسوبدی باغرینا بیر ال نشان جانانی
 گهی آپردی که ایگلردی قرمزی گل تک
 همان او قرمزی قانیله دست حمرانی
 دیردی بو اله اهل جهان الی قربان
 روادی گوز بو اله توکسه اشک مرجانی

خدا بولور بو الون حقّی چوخدی بوینومدا
 گوروم گواه بو چوخ حقّه حقّ دانانی
 آلوب او حنینده قارداش سسین شه مظلوم
 که داده سسلور او تخت ولایه اولانی
 تعاقب ایتدی سسی تاپدی قارداشی قارداش
 گوروب خسوفه دوشوب اول مه درخشانی
 بیر ایله صورته دوشموش مه بنی هاشم
 تصوّر ایلیه بولمز او صورتی مانی
 نه حاله قالدی بیر الله بولوردی بیرده اوزی
 او حالتیله گورنده او قانه غلطانی
 الین قویوب بیلینه سسلدی وای آرخام وای
 دوتوب نوای حسینی سپهر خضرانی
 کمال لطفله اگلشدی توپراق اوستونده
 او شهریار که ایتمز پسند دیبانی
 ایکی ایله گوتوردی او قانلو توپراقدان
 او توپراقا قانا آغشته ماه سیمانی
 آلوب دیز اوسته باشین سویلدی سنه قربان
 بو جانکه فدیهدی بو جانه عالمون جانی

بو چولده یاخشی مواسات ایلدون حقّا
 جزای خیر ایده پروردگار آرزانی
 سیلردی قارداشینون یوز گوزیندن آلقانی
 که گوز آچوب گوزه مه روی مهر زیبانی
 آچاندا قانلو گوزون نور عین عین الله
 گوروب جمال جمیل ایلین تجلانی
 او قدر قالمادی موسی کیمی دوشه مدهوش
 گورنده وجهه وجه خدانی نورانی
 او طور عشقده گلدی کلیم عشق دله
 محلّ صحبتّه زیبنده بولدی سینانی
 چوخ انکساریله عرض ایلدی او جالدی باشیم
 گوروم اولیدی سرافکنده قوم آدنانی
 منی بو دشتیده سندن خجالت ایلدیلر
 اولیدی کاش خجل دوره سینده دورانی
 ایدنمدیم سنه خدمت چوخ اعتذار ایدورم
 اوزون قبول ایله بو اعتذار باجانی
 نه بیر سن اهل حرمدنده شرمسار اولدوم
 سنه عیان ایلوب لامکان خفایانی

سنون بو وقتیده تشریفون ای شرف کانی
 منی موفق ایدوب ایلیم وصایانی
 سنی قسم ویرورم فاطمه جلالینه
 قبول ایله من ابوالفضلدن تمنانی
 نقدر اولمیشم خیمیه آپارما منی
 وار احتضاریمون ایسی قوم اوسته زجانی
 سو اولمادی بولوسن اهل بیتیدن خجلم
 شکست ایتدی قضا رسم عهد و ایفانی
 دگیدی قلبیمه مشگه دگن خدنگ ایکاش
 سُوردی مرغ دلیم بيله تیر پُرانی
 فُوس و آه گلوب مشگه دگدی پاره‌لدی
 سو آخدی نقش بر آب ایلدی عنایانی
 دیه‌دیه سوزونی یومدی گوز دیدی تهلیل
 یانا یانا قویوب اول وارث مسیحانی
 امام ایستدی قتلايه نعشینی آپارا
 مزین ایلیه بو گل همان گلستانی
 هزار حیف او تک باغبان گلشن عشق
 یغانمادی او گل برگ‌برگ خندانی

الینی قارداش الیندن اوزوب خیامه گیدیر
 گوتوردی لیک نشانه او مشگ شان‌شانی
 بیر آز گیدیر دولانور قارداشا باخور آغلور
 سرشگی مَوْجده شرمنده ایلور عَمّانی
 گوزن بولردی که چوخ ناگراندی قارداشدان
 شرار هجر برادرله قلب بُریانی
 باخاندا بیرده گوروب ماه هاشمی باشینی
 جدا بویوندا ایشیق‌لاندوروبدی دنیانی
 دورار جدا بوئی گون خلقه گر قیامت اولور
 حسینیه لیک بو آی ویردی حشر اعلانی
 کُسوفه مایل ایدوب شمس عشقی ماه وفا
 محبت اهلّی ایدر حلّ بو معمّانی
 عجب دگول سالا خَسف قمر کُسوفه گونی
 عجب بودور گوره گون وقت ظهر یلدانی
 خلاصه خیمیه یتدی امیر حلّ و حرم
 چاقوردی زینب وارونه بخت نالانی
 بویوردی یغ باجی جان اهل بیتیمی باشیما
 چاقور اولان حرم عصمت ایچره تگلانی

گلوب منیله ابوالفضلیمه بیر آغلیلار
 دویونجا اوخشیلار اول جوان زعنانی
 یغلدی شه چادرا اهل بیت شاه وحید
 او بزم ماتمه اولدی امام اوزی بانی
 عزایه سیر ایله بیر ماتمه گلنلره باخ
 بو چرخ گورمز ایله دوره مُعزانی
 دیمم ووراردی بیری گل جمالینه سیلی
 و یا یولاردی بیری طَرّة مُطرانی
 بو قدر وار ایله آغلاشدیلار سیزیلدا دیلار
 صدای ناله ثرادن دوتوب ثریانی
 امام گوردی که واضیعَتَا دیر زینب
 یوزینده آرتوری سیل سرشگ طوفانی
 بویوردی ای باجی واضیعَتَا بلی واللّه
 نه یاخشی بولدون اوزون درد بی مداوانی
 بو قوم ایلدی نسل پیمبری ضایع
 داغندی ظلم الی شیرازه بند فرقانی
 تدارک ایله اسیر اولماقوز یقین اولدی
 دیار شامه چکر شامیان اُسارانی

بیله گمان ایدورم شه دین کیمی بو سوزی
 دگیشدی نغمه ئی هر عندلیب شیدانی
 دانیشدیلار بالالار بیر بیر یله آهسته
 یتور دولر باشا بیر آز زماندا نَجْوانی
 آل آتدی هر بالا اوز زیب و زینتین سویدی
 نه گوشواره نی ساخلوب نه زینت پانی
 نه عقد لؤلؤئی بیر قیز قویوبدی بویوندا
 نه ساخلادی بیر اوشاق دستبند لالائی
 دیردی لر که ندور دستبند و گردن بند
 اسیره قیز که نه حامی نه مایه شانی
 طناب ظلم اولاجاق دستبندیمیز آخر
 وورار بویوندا کمند عَقده عَقدیمیز سانی
 سویوندی قیزلار اسارت تدارکین گوردی
 قویوبلا شور یله اجرایه امر مجرانی
 او بزم ماتمون آل وورما شرحینه ذهنی
 یووار سرشگ قلم ایلین بیر املاتی
 بو شرح محنتی قوی روز محشره قالسون
 قیامت ایله همان رستخیز کبرانی

خلوص نیتِ یل چنگ وور بو دامانه
آپار سعادت دنیا و فیض عقبانی
خدادن ایسته نصیب ایلیه بو جمعیله
طواف مرقد شاهنشیه خراسانی
او آستانه بو روی سیاهی قویسام اگر
چراغ قبر ایدرم نور وجه بیضانی
او دار غربت آرا ایلرم انیس دله
خیال مرحمت ضامن غریبانی

زبان حال حضرت ابوالفضل (ع) خطاب به لشکر اعداء

من بو گون ای قوم پیمان قویموشام
ویرمیشم مشگ اوسته قول جان قویموشام
بیله اوخ یاغدورمیون ای کوفیان
ایتمیون پیکانلارا مشگی نشان
قویمارام مشگ اوخلانا تا وار بو جان
جانیمی آماج پیکان قویموشام
دوشمیون بو فکره بیر سو مشگیدور
چوخ اورکلر قانی چوخ دل رشگی دور

سو دگیل بلکه سکینه اشگی دور
اشگ ایچون بو مشگی عنوان قویموشام
چون بو سقّالیقدا عنوان یازدیلار
حکم سلطانیه فرمان یازدیلار
آدی می سقّای عطشان یازدیلار
قانیله امضای اذعان قویموشام
من فرات آلدیم ولی سو ایچمدیم
میل نفسیمن سبب سیز گیچمدیم
نفسی می نفس حسیندن سیچمدیم
چون عطش بابینده یکسان قویموشام
بی جهت رخسار آلیم سولمیوب
بی مشقت بو سو تحصیل اولمیوب
بی بها هرگز سو مشگه دولمیوب
بو سو قدرینجه قزل قان قویموشام
قانیم هر قدر آخسا قلییم شاد اولور
آخماسا قان آخسا سو ایراد اولور
سو توکولسه زحمتیم بر باد اولور
فرض اولور خدمته نقصان قویموشام

حاشِ لِلَّهِ مَنْ پَرِيشانِ خاطرِمْ
 یوِخدی باکیم اولماقا چون حاضرِمْ
 عین مقصودیمدی عطشان جان ویرِمْ
 نفسی بو مقصوده قربان قویموشام
 نه روادور بو قَدَر زحمت چکوم
 هم ویروم جان نقدی هم مِنت چکوم
 عاقبت اطفالیدن خجلت چکوم
 عترت طاهانی عطشان قویموشام
 آخر اولاد پیمبردور بولار
 غش ایدلر خیمهده بی اختیار
 نازنین قیزلار سیزیلدار زارزار
 آله جام آلفاء گویان قویموشام
 یوخ غمیم گر قوللاریم اولدی قلم
 تا قلم وار اولدی بو شهرت عَلم
 سنده ذهنی ذوقیله ایله رَقم
 دی اوزیمی عبد سلطان قویموشام

استمداد قمر بنی هاشم ﴿ع﴾

ای پادشاهیم سندی گل
 سو اولمادی دوشدوم اله
 ای فخر آل هاشمی
 سندی دوشمن باشیمی
 بیر زخمدار آهو کیمی
 عاجزلدیم تیهو کیمی
 گل داده ای دادرسیم
 یوخ سندن اوزگه بیر کسیم
 سوتک یارامدان قان گیدر
 نه آل چکوب دونان گیدر
 سلب اولدی یارای جدل
 ویرمز داخی مهلت اجل
 من سسلدوقجه العطش
 عارض اولور قان ایچره غش
 باش کسماقا جلادلر
 شهباز تک بال و پریم
 سو اوسته گیتدی اللریم
 گل گور آخان گوز یاشیمی
 آل قان اولوب اشگ تریم
 قانیم رواندور سو کیمی
 چون گتدی نصرت شهپریم
 یوخسا سنه یتمز سسیم
 سنسن منیم غم پروریم
 آخدوقجه قانیم جان گیدر
 نه وار یانیمدا یاوریم
 آتدان یخیلدیم داده گل
 پیک فنادور رهبریم
 دشمن لر ایلر کشمکش
 چون سست اولوبدور پیکریم
 بیر بیرینه سبقت ایدر

نه اولدورور نه ال چکر بو رحمسیز قاتلریم
قارداش اماندور قیل کرم چوخ حسرتیم یول گوزلرم
سن گلمسن جان ویرمرم ای یادگار حیدریم
بو قومه یالواردوقجه من غیظه گلولر کینه دن
بیر باشدور اون یدّی کسن بولم هارا یوز دوندریم
من خسته قاتل خشمناک ایمدی منی ایلر هلاک
آز قالدی ایتسون سینه چاک کلثوم زار و مضطربیم
یاز ذهنی اویم صبریوه دی ای فلک وای جبریوه
قورخما اولنده قبریوه بیدق وورار اول سروریم

زبانحال قمر بنی هاشم به حضرت سیدالشهدا (علیه السلام)

منده تا نفس وار امریم یتیمیوب تمامه قارداش
خواهش ایلورم آپارما نعشیمی خیامه قارداش
رمزگاهه من گلنده گلیمیشم بو نیتیه
سو سوسوزلارا یتورم اولسا هر مشقتیه
اولمادی سو خجلتیم وار گیترم بو خجلتیه
سالدی باشیمی اشاقه اف سپاه شامه قارداش

من ازل فرخلنوردوم نایل اولدوقوم مرامه
یتیمیشم عجب دیردیم شأن و رتبه عظامه
اولموشام بو چولده سقا آل سید انامه
چوخ تشکرات ایدردیم حی لاینامه قارداش
خاصه شاددیم سکینه خدمتین قبول ایدندن
قارداشیم قیزی دیردیم خواهش ایلوب سو مند
گوگلینی اله گتورم گیتسه گر باشیم بدندن
باشدا جاندا گیتدی خدمت یتمدی تمامه قارداش
اوندا که سو مشگی دولدی جام محنتیم بوشالدی
درد غصم اولدی زایل زحمتیم دیدیم آزالدی
خشک اولان دلیمده گویا بانگ السبیل اوجالدی
دوشدی قانیمه سوسوزلار دوره ده نظامه قارداش
مشگی چکنیمه سالاندا شوق و ذوقیدن پر آچدیم
پیکریمده دسته دسته اوخ پر آچدی من پر آچدیم
شاهباز تک آلاندا دوره می زغن پر آچدیم
باخمادیم قشون یاغش تک یاغدیران سهامه قارداش
زنگ غم سیلیندی دلدن قانه هر قدر بویاندیم
الریمده گیتدی حتی مشگ ذوقینه دایاندیم

مشگیم اوخلاناندا اما چوخ مؤثر اولدی یاندیم
 دود آهیمله دوندی گون گوزومده شامه قارداش
 باخدیم آخدی سو امیدیم یأس اولور ملاله باتدیم
 تا الیم سودان بوش اولدی عکس مدعایه چاتدیم
 اوندان خیمگاهه گیتماق فکرینی باشیمدان آتدیم
 ایلدیم اولوم تمنا گیتیمیم خیامه قارداش
 گل قبول زحمت ایله کامل ایت منه عنایت
 مشگی سن آپار خیامه ای شهنشه ولایت
 گر حضور یوه سکینه مندن ایلسه شکایت
 ایسته عذریمی بو مشگی ویر او تشنه کامه قارداش
 ایستورم منی وفاسیز بولمسون او کان عصمت
 اوخلی مشگدن بولر من چکیمیشم نقدر زحمت
 سو اله گتوردوم افسوس اولمادی او زاره قسمت
 زحمتیم ثمرسبز اولدی یتمدیم مرامه قارداش
 خیمگاهه گتمه مکدن وار نظرده بیرده منظور
 جمله لشکر ایچره حالیم اولمیوب هنوز مشهور
 گیتسه خیمگاهه نعشیم گورسه کوفیان مغرور
 جرئت آل ویرر سپاه ناکس و لئامه قارداش

حالیمه اگر منیم بو قوم غافل اولسا آگاه
 بولسه لر که اولموشم من قالمیوب سنه هواخواه
 قتلوه جسارت ایلر قان توکن جماعت ای شاه
 ناروا گلور بو مطلب شیوه وفامه قارداش
 یوخ غمیم اوز اولماقیمدان دلدی ای شه لب عطشان
 حالیمی سنون بو حالون فکری ایلیوب پیریشان
 قالدون اهل شام آینده یالقوز ای امام ذیشان
 آغلارام سنه که امرون یتدی بو مقامه قارداش
 الده اختیاریم اولسا یاتمارام بو قوملار اوسته
 قویمارام سنی کمکسبز ای غریب دل شکسته
 نیلوم اولموشام قضاین رسته سیله دست بسته
 نه اجل امان ویرور نه قادرم قیامه قارداش
 ذهنیمی بو نکته اشغال ایلوب اولموشام مکدر
 اوستووه هجوم ایدنده بو سپاه کینه پرور
 کیم کسر قشون قباقرین کیم سنه حمایت ایلر
 یوخی بیر کمک بو چولده سن کیمی امامه قارداش
 قارداشون حسینه ویرم من سنی قسم ابوالفضل
 لطفاً اول منیم حضور شاهه واسطم ابوالفضل

قارداشوندان التماس ایت ای وفا شیم ابوالفضل

سویله ذهنی نی بو جمعی ایسته بیر سلامه قارداش

ناگرانیدون اولن دم بسکه شاه بی کسوندن

گیتمز حشره دین یقیناً غصه قلب اقدسوندن

ایمیدیده گلور همان سس مرقد مقدسوندن

منده تا نفس وار امریم یتیمیوب تمامه قارداش

زبانحال سیدالشهدا در شهادت قمر بنی هاشم ﴿عجله﴾

کوفیان منده توان ای باجی جان قویمادیلار

اولدوروب جانکیمی قارداشیمی جان قویمادیلار

قوم باطل علناً داندی حق بر حقیمی

یوزیمه چکدی قلیج پوزدی بو گون رونقیمی

بیرق ظلم اوجالوب ییغدی امان بیر قیمی

آلوب امنیتیمن امن و امان قویمادیلار

چیخادوب ظلم الی شیرازدن امنیتیمن

قالمیوب بیر کسیم حفظ ایلیه حیثیتیمن

دشمن آل تاپدی داغیتدی هامی جمعیتیمن

داخی بو چولده منه یاور اولان قویمادیلار

ایمدی بیر ساعت ازل قدرت تامیم واریدی

اقتداریم قوشونوم نظم نظامیم واریدی

نچه قارداش اوغول اوردوی عظامیم واریدی

بيله محو ایتدیله آثار و نشان قویمادیلار

نیجه صبر ایلیم ای باجی نه نوعی دایانوم

گیتدی آرخاب ایلیم الدن کیمه بس آرخالانوم

قالمیوب بیر او قدر قانیمه منده بویانوم

توکمه میش قانینی بیر پیر و جوان قویمادیلار

قاراشیم حالینی گل سن نه سوروش من نه دیوم

من تک حالون پوزولار حالینی بولسن نه دیوم

بو قدر گیتدی ابوالفضلیم الیمن نه دیوم

بول الیمن بو بیاباندا دوتان قویمادیلار

رسم انصافی بو لشگر ارادا گورمدیلر

نقد جان آلدیلا بیر مشگ اونا سو ویرمدیلر

منیده اولدوروب عباسی بیر اولدورمدیلر

جانیمی مندن آلوب روح روان قویمادیلار

دیمه بس نولدی اوزون قوللاری واضح دیمرم

قولونون شرحینه ال وورماکه شرح ایلرم

ایله نِسْگَلّی مصیبتدی دیمک ایستمرم
 بی جهت یوخسا منی قَدّی کمان قویمادیلار
 ایله بیر وقتده یتدوم باجی قارداش یانینا
 گیت مییدیم من او ساعتده اونین کاش یانینا
 خنجر الده یتشوب قاتلی بیر باش یانینا
 اوز وصیتلرین ایلردی بیان قویمادیلار
 تا گوزوم دوشدی اونون قاتلیله عالمینه
 اود ووروب جانیمه نِسْگَلّری یاندیم غمینه
 یوخودی اللّری تا بیر ویره خنجر دمینه
 نه دیوم مندهده طاقت او زمان قویمادیلار
 باخ بنی هاشم آئی نیزه بویوندا گورونور
 گور خسوف ایلدی قان ایچره گینه یا گورونور
 روز روشن گوزومه لیلهئی یَلدا گورونور
 بیرده من گون گورم عالمده گمان قویمادیلار
 پوزولوب طَرَفه اساسیم قورولور اوزگه اساس
 قویماز آسوده سیزی طایفهئی حق شناس
 ایمدی وار فرصتون آغلا دوت ابوالفضلیمه یاس
 گوره جاقسان داخی یارای فغان قویمادیلار

ذهنی ذهنون نیه پوزقوندی پریشاندی ندن
 مطلبه پرده لی عنوان دیمک عنواندی ندن
 ظلم اولاد امّیه نیجه پنهاندی ندن
 هیچ ظلمی او جماعت که نهان قویمادیلار

زبان حال مادر جناب علی اصغر (علیه السلام)

آز آغلا یاندیردون منی	اوغول آغلاما علی آغلاما
آخر اوساندیردون منی	اوغول آغلاما علی آغلاما
توکمه یوزه اشگ ترون	آج بیر او شهلا گوزلرین
نولدی او شیرین دیلّرون	اوغول آغلاما علی آغلاما
سولدون عطشدن گول کیمی	یاندون یانان سنبل کیمی
بیرده دانش بلبل کیمی	اوغول آغلاما علی آغلاما
باخدوقجا رنگ آلیوه	یانام سنین احوالیوه
قربان بو پوزقون حالیوه	اوغول آغلاما علی آغلاما
از بس واروندور التهاب	دوتموش وجودون پیچ و تاب
ایتمه منی چوخ دلکباب	اوغول آغلاما علی آغلاما

سولدوق گل سوسن کیمی من سن کیمی سن من کیمی
 منده سوسوزام سن کیمی اوغول آغلاما علی آغلاما
 من هم عطشدن یانمیشام هم حالویلن یانمیشام
 سن یانمیشان من یانمیشام اوغول آغلاما علی آغلاما
 بولم آنان اولمز ندن درد دلون بولمز ندن
 گل بیر یوزون گولمز ندن اوغول آغلاما علی آغلاما
 آهونله یاندی ماخلق قالموب وجودونده رَمَق
 ذیحق سن سنلندی حق اوغول آغلاما علی آغلاما
 البتّه آغلار برملا سن کیمی سود آمر بالا
 اوچ گون آج و سوسوز قالا اوغول آغلاما علی آغلاما
 نیلوم سویا یوخدور گمان سندن خجالتدور آنان
 صبر ایت ایچرسن ایمدی قان اوغول آغلاما علی آغلاما
 انصاف سیز دشمن منی ایتدی خجل سندن منی
 عفو ایت بغشله سن منی اوغول آغلاما علی آغلاما
 سنسن منیم آغلار گوزوم سندن نجه من آل اوزوم

سنسیز منیم گولمز یوزوم اوغول آغلاما علی آغلاما
 بولم دیوم ای وای سنه یا آغلیوم های های سنه
 یوخ قوی دیوم لای لای سنه اوغول آغلاما علی آغلاما
 صبر ایت یقین عدوان اوغول قویماز سنی عطشان اوغول
 سیراب ایدر پیکان اوغول اوغول آغلاما علی آغلاما
 ایمدی خدنگیله سنی راحت ایدر قومی دنی
 آغلار قویار سن سیز منی اوغول آغلاما علی آغلاما
 ذهنی کفایتدور سوزون یازما دیوب آغلا اوزون
 ذکر ایله یاش توکسون گوزون اوغول آغلاما علی آغلاما

اتمام حجت حضرت سیدالشهدا (علیه السلام) به لشکر اشرار

باخون الیمده جماعت بو ماه پاره یانار
 وجودی سوز عطشدن دوشوب شراره یانار
 ستاره تک دوزولوب ترمه جبینینده
 شرار آهینه ماه اودلانووب ستاره یانار
 یوزی خسوفه یتن آی یوزی کیمی قیزاروب
 گونون حرارتینه ایلوب استتاره یانار

سَموم ظلموزيله غنچه گلوم ياندى
 نيجه سَموم خزان آسسه لاله زاره يانار
 نه اَدعادور ايدورسوز كه اهل اسلاموق
 سيزون بو ظلموزه گنبر ايلسه نظاره يانار
 بو سود اَمَر بالا دَرِيَه ئى پيمبردور
 كه اود دوتوب اليم اوستونده آشكاره يانار
 آناسينون سودى يوخدور اولوب سويلا محتاج
 گورون نيجه يانار اوددا بو شيرخواره يانار
 ندور گناهي بو معصومون ايليون انصاف
 بو اود وورولميوپ اصلا گناهكاره يانار
 او قدر غش ايدوب حاله گلوب دوشوب دلدن
 باخاندا حالينه دل اولسا سنگ خاره يانار
 يتوب دوداقيه جان حسدن دوشوب چابالور
 نيجه كه دوشسه سودان بير باليق كناره يانار
 يانا يانا آچار هر لحظه حسرتيله گوزون
 باخار فراته طرف اود دوتوب دوباره يانار
 گلون ويرون بير ايچيم سو بالام هلاك اولدى
 دايانميون كه دوشوب حال احتضاره يانار

آناسی خیمه ده آغلار گوزيله يول گوزلر
 دمادم آه چكوب نار انتظاره يانار
 الی اوركده اوغول وای دیوب چكر فریاد
 نقدر فكر ایدر اولماز بو درده چاره يانار
 منی اوغول آناسیندان خجالت ایلمیون
 كه خجلت اوز ویره هر بير دل فكاره يانار
 بو نظمی ذهنی نظامه دوزنده گوردوم اوزوم
 نظاميله دوزر اشگ ترین عذاره يانار

زبانحال حضرت ابی عبدالله (علیه السلام) به علیامخدره

گوردولر سوسوزدان يانار بالام ياندى حالينه لشگر ای باجی
 ویردیلر اجل کاسه سیله سو آغلماز داخی اصغر ای باجی

وای اوغول وای علی اصغیریم وای

من آناندا چوخ بیقراریدی بیرده ایتمز افغان گتورموشم
 چوخ سولوب سارالمیشدی عارضی ایمدی گل تک الوان گتورموشم
 توکمه گوز یاشین دقتیله باخ گور نه قانه غلطان گتورمیشم
 سولدی بو سارالمیش گلوم ولی اولدی لاله احمر ای باجی

بسکه آغلادی ایلدی فغان دوشدی نطقدن بلبوم منیم
 غنچه‌وش خزان اولدی ظلمیله نو بهاریده نوگُلوم منیم
 گلدی بیر سَمومین زوالینه یاندی باغیده سونبلوم منیم
 ظلم الیله پامال خار اولور لاله‌زار پیغمبر ای باجی
 دشمنه اثر ایتدی حالی چون سوز آهی اود ووردی دلّره
 رحمه گلدیلر قان ایچیتدیلر سو یرینه تیریه اصغره
 آغلیان گوزوندن ایراق باجی اوخ دگن کیمی تشنه حنجره
 بیله بیچدی نازک بوغازینی گوئیا کسوب خنجرای باجی
 اوخ گلن زماندا سیزیلدادی دگدی توکدی قانیاش بیر آغلادی
 هم من آغلادیم آخدی گوز یاشیم هم باخوب منه اصغر آغلادی
 چوخ مؤثر اولموشدی حالیمیز رقت ایتدی دشمنلر آغلادی
 اولدولار هم آواز نالمه فرقه جفاگستر ای باجی
 من چوخ ایستورم صبر ایدوب دوزم لیک آغلاماق ویرموری امان
 هانسی جُرمیله سود امر بالام اولدی اشقیا تیرینه نشان
 من باخا باخا باتدی قانینه ویردی سو کنارینده تشنه جان

قالموری او قدری هلاک اولام غصّه‌دن من مضطر ای باجی
 روزگاریده هانسی بیر آتا اوز بالاسینی گوردی من کیمی
 من کیمی آخر گوز یاشون اگر کورسن اصغری من گوزن کیمی
 یوخلامیشدی اوخلاندی غفلتاً آجدی گوزلرین اوخ دگن کیمی
 حسرتیله باخدی فراته بیر آخدی سوکیمی گوزلر ای باجی
 دولموشام بولودتک دوتولموشام بسکه یوز و یروب غم بو بی‌کسه
 گل بو قانلو قنذاقی مندن آل بیر ویراق بو صحراده سس سسه
 اوخشا سن بالامی من آغلیوم بلکه آغلاماق غصّه‌می کسه
 غم شراری یاندوردی سینه‌می گوگُلوم آغلاماق ایستر ای باجی
 آغلیوب سیزیلداری اصغریم چوخ ویرردی زحمت آناسینه
 ایمدی ویر خبر آغلاماز داخی نائل اولدی اوز مدّعاسینه
 آخر اولدی قربان راه حق جان فدا بیله حق فداسینه
 ظاهر آدی اصغردی باطناً شأن و رتبه‌ده اکبر ای باجی
 اصغرین بیوکدور مصیبتی ذکر ایدنده دنیانی یاندیرور
 ذهنی شعله‌لندی شرار غم یازما سطح دیوانی یاندیرور

بیله غمده شاه هندی دیدی زینبا بو غم جانی یاندرور
ای شریک غم گل وجودیمه دوشدی غصه دن اکر ای باجی

زبانحال مادر جناب علی اصغر (علیه السلام)

اوغول مروّت ایدوب قوم بی مروّت عجب
گلوب ترحمّه بو رحمسیز جماعت عجب
باخوب سنه گلوب انصاف سیزلر انصافه
یانوب مصیبتووه لشگر شقاوت عجب
ایدوبدولر سارا لان رنگووی عقیق کیمی
سولان گلوب نه گوزل تاپموسان طراوت عجب
گوروبله سوز عطشیدن دوشوب وجودیوه سوز
سپوبله سوکیمی قانون سونوب حرارت عجب
عجب سو ویردیله اولدون خلاص زحمتدن
نه یاخشی یوخلاموسان تاپدون استراحت عجب
نه دلدی من دیورم والهیم اوزومده علی
خیال عجب سوز عجب حال عجب حکایت عجب
نه سو نیجه یوخی گوزم که گلموری نفسون
گینه دانشدیرورام واردی منده غفلت عجب

نجه سودور که ایدوب نشئه سی سنی مدهوش
قویوب حکیم قضا ظلم اوخوندا لذت عجب
نقدر اوخ سنه خوش گلدی شو قدن گلدون
بوغازون اوخ یاراسیندا تاپوب حلاوت عجب
سن اوخلانونجا علی کاش اوخلانیدیم اوزوم
ویریدی سن تک آنان جان اولوردی راحت عجب
سنی بو نوع گورونجه اولوم منه خوشودی
ندندور اولمز آنان واردی منده طاقت عجب
خرانیدون ولی لاله کیمی گل آچدی یوزون
چکیلدی سینمه آخرده داغ حسرت عجب
نه دهندور بو مقاماته اوج ایدر ذهنی
یقین که روح قدس دور ویرور مهارت عجب

زبانحال جناب زینب کبری (علیه السلام) در شب عاشورا

ای سیکنه نیه قلبون بو گیجه وحشتی وار
اولمیوب صاقدی عمون الهه هله قدرتی وار
دوتولوب دولما بیله آغلاما چون ابر بهار
گوز یاشون گل یوزووه ایتمه بو شدتله نثار

گلمه چوخ شیونه آر دلدن ايله سَلَب قرار
 صبر قيل گر چه دل غمزده وون رَقْتی وار
 گوزلرون یأسيله هر یانه دولاندورما بالا
 یردن افغانووی افلاکه دایاندورما بالا
 شعلۀ آهویله عَمّه وی یاندورما بالا
 یانماق آساندی بو حالون منه چوخ عُسرتی وار
 بو گیجه اوچ گیجه دور سوز عطشله یانوسان
 قویمیبوب سنده سوسوز لوق آلمی تاب و توان
 بسدی بو دردون اوزون بیله هلاک ایتمه دایان
 اشگون آخدوقچه گورورسن عطشین شدتی وار
 آهی آه اوسته چکوب اشگیله دولدورما گوزون
 آغلاما قورخما گلوب داده هلاک ایتمه اوزون
 دیمه وای حالیمه عباسه گراندر بو سوزون
 ایشیدنمز او غیورون سنه چوخ رَأْفَتی وار
 کربلا دشتنی هر چند دوتوب لشگر کین
 هر طرفدن آلوب اطرافمیزی مثل نِگین
 عمون عباس چکر لیک خیامین کشگین
 او وجودیله تعدّایه کیمون جرئتی وار

تا آسَر بیرقینین پرچمی یوخدور بیزه غم
 سایۀ امنده آسوده دیلر اهل حرم
 مرتضی مظهرینون تا وار الینده بو علم
 آل پیغمبرین آسایشی امنیتی وار
 دیمه گیتدی بابامون یاور و انصاری تمام
 قالدی یالقوز بو قَدَر دشمن آراسیندا امام
 وار باشیندا گینه اصحاب وفادار همام
 جان پَکف هر بیرونون نصرت ایچون هَمّتی وار
 تترمه برگ خزان تک ایلمه خوف و هراس
 قلج الده دولاتور خیمگهی أَشْجَع ناس
 نقدر صاقدی ابوالفضل پوزولماز بو اساس
 باباوون رونق پرکارینین حیثیتی وار
 لافتی وار ثنون وار نقدر الده حُسام
 بو رَمّیده دلون ايله او دل آرامیله رام
 دشمن اهلیندن ایدنمز بیرسی قصد خیام
 هامی دلّرده او بیر شیر دِلین صولتی وار
 ایلمه باک دوتوب اهل جفا صاق و صولی
 لشگر وحشته دل ملکینه سَدّایله یولی

اضطراب ایتمه عمون تا که سلامتدی قولی

فاطمه قیزلارینون عزتی وار حرمتی وار

نوجوانان بنی هاشمه بیر ایله نظر

شمع رخسار امامه نیجه پروانه دیلر

دور ایدلر باشینا بو گیجه تا وقت سحر

آتش عشقه یانا بیر بیرینه سبقتی وار

قارداشون اکبر ایدر گور نجه همت بو گیجه

بو خیاله که حرملر یاتا راحت بو گیجه

باشووی قوی دیزیمه بیر نچه ساعت بو گیجه

خواب ناز ایت نقدر و قتمیزین فرصتی وار

هی دلیله ویرورم تسلیت دل سنه من

آرتورورسان گورورم ناله و فریادووی سن

نازنینیم بالا آرتور نشور ایله علن

گرچه دردون دل آشفته ده جمعیتی وار

بیله که ذهنی پریشان دل و وحشت زده سن

حقلیسن ناله و فریاده که محنت زده سن

بولورم من نه مصیبتله مصیبت زده سن

دردوین چاره سی یوخ شیونوین علتی وار

نوحه به مناسبت روز عاشورا

یوم عاشورادی یا بولم نه عالم دور بوگون

یا قیام ایلوب قیامت حشر اعظم دور بوگون

بولمورم یارب نه عالم دور که عالم تترشور

ماسوی لرزان اولوب ارکان اعظم تترشور

رعشه دوتموش لوح و کرسی عرش هر دم تترشور

بار غمدن قوس تک قد فلک خمدور بوگون

تاجینی وورموش یره جبریل آغلار قدسیان

انبیا ماتم دوتوب ختم رسل ایلر فغان

فاطمه باشه ووروب سسلر اوغولوی هر زمان

باش آچوب زلفون یولان سارا و مریم دور بوگون

کربلادن قبهئی افلاکه قالخوب قیل و قال

ایلر اسلامی آدی اسلام اولانلار پایمال

اولدورور دین مبینی عالماً قوم ضلال

شرع و دین آئین و مذهب غرق ماتم دور بوگون

بیر طرفده دسته دسته لشکر عدوان دوروب

سربسر اله سنان و خنجر و پیکان دوروب

بسکه ناحق قان توکوبله لجه‌لجه قان دوروب
 کربلا صحراسی گویا قانلو بیر یَمدور بوگون
 نوجوانلار بسکه مست جام عشق یاردور
 اوز اوزون بولمز ولی محبوبله هشیاردور
 باش ویروب خنجر دمینه طالب دیداردور
 عشق بازارینده جان بیر تحفه کمدور بوگون
 بسکه قربانلار دوشوب دونموش منایه کربلا
 نه مینا حجاج ایدوب قربان تک اوز نفسین فدا
 دوغرانان گل جسملرده واردی گلشن تک صفا
 یاره‌لردن جوش ایدن قان آب زمزم‌دور بوگون
 بیر طرفده موج ایدر دریاکیمی آب فرات
 بیر طرفده آلعطش سسلر بنات طاهرات
 سو دیوب زهرانون اولادی ایدر ترک حیات
 چون آنانون حقی اولاده مُحَرَم‌دور بوگون
 بیر نفر سقا یخوبلار سو کنارینده سوسوز
 دمبدم سوز عطش ایلر وجودینده بروز
 سو تک اوز قانین ایچر ازیس دوتوب گل جسمی سوز
 چون سودان قربان عشقه قان مقمدمور بوگون

سرنگون دوشموش فرات اوستونده بیر قانلو علم
 یوخ علمدارون قولی صاق و صولی اولموش قلم
 سبقت ایلر قتلینه اون‌یَدی قاتل دمبدم
 اوزگه بیر عالم کنار نهر علقمدور بوگون
 بیر طرفده آلعطش عین‌الحیات هر آن دیر
 سو ویرن یوخ سوز زخمی جانه نوش جان دیر
 بیر طرفده قان دوتوب شمیرین گوزون قان قان دیر
 نار ناراللهی توک‌مکده مصمم‌دور بوگون
 بیر طرفده خنجر الده باش کسن قاتل دوروب
 بیر طرفده باش ویرن باش ویرمکه مایل دوروب
 چون بولور وصل نگاره باش و جان حایل دوروب
 تا تقدری باش و جان وار وصل مُنبهم‌دور بوگون
 بارگاه کبریانی گر بولیدیم جای غم
 عرض ایدردیم عرش حقدده موج ایدوب دریای غم
 ماسوی اللهی دوتوب بالله غم بالای غم
 عالم امکان غریق لجه غمدور بوگون
 ناطق قرآن گوروب قرآن چخوب شیرازه‌دن
 ایستوری شیرازه محکم فزون اندازه‌دن

رشته جانيله بير شیرازه ووردی تازه دن
 مَضْحَف اوراق او تاره جمع مُحْکَمْدور بوگون
 بسکه قانلار آخدی جور ملت سفاکدن
 آز قالوردی سطح خاکه قان یاغا أَفْلاکدن
 سَپْدی ناگه قانلو بیر ال قان سپهره خاکدن
 تابولونسون نظم عالم نامنظمْدور بوگون
 سپدی بیر قانکه سَمَواته قتیل راه حق
 اولدی زینت بخش عرش و زیور درگاه حق
 سالدی کلّ عالمه آوای یا الله حق
 مَوْجِب تهلیل عالمده همان دَمْدور بوگون
 قیلدی بیر تجلیل او قانه ذات قدس دُوالجلال
 بو جلالنده جلیل لَمْ یَزَل تک یوخ زوال
 بولدی صاحب قان اوزون بو قانه حی لایزال
 گور او حادث قانه صاحب ذات اَقْدَمْدور بوگون
 اشقیای از بس ووروب یاره شه بی یاوره
 سانجلوب اوخ دسته دسته زخم تیر و خنجره
 فاطمه خون دلیلّه بسلین گل پیکره
 قانلو توپراق ایسی کول ترکیبی مَزْهَمْدور بوگون

یاره لر یار آختاران گوزلرکیمی گویا باخار
 اشگ حسرت قان کیمی گوزگوز یاراسیندان آخار
 سوز آهی کائناتی یان دیروب یکسر یاخار
 یتیمیوب تا وصله مین دردیلّه همدَمْدور بوگون
 لفظ بسم اللهه گویا تیر اولوب اَلْهَمَز وصل
 وصل ایدوب کلمات قرآنی بعینه اصل اصل
 نوک تیریلّه یازیلیمیش آیه آیه فصل فصل
 سینّه قرآن ناطقه مُتَرْجمْدور بوگون
 بزم وحدت قان فراشنده قوروب شاه حجاز
 باشلیوب عشق عالمنده یاریلّه راز و نیاز
 قان دولان گوزده هویدادور تمام اسرار راز
 چون حقیقی عاشق هر اسراره مَخْرَمْدور بوگون
 وَاَلِهم دوتَموش ندن ارکان عالم انتظام
 پوزدولار نظم و نظامی کوفیان بدنظام
 ذهنی ختم ایله پوزار ذهنون بو اندوه عظام
 باخ نیجه قلبون پریشان فکر بَرْهَمْدور بوگون

زبان حال سیدالشهدا علیه السلام بعلیا مخدّره هنگام وداع

ایتمه آیریلوق غمینده ناله گلمه داده زینب
 شامه تک باشیم سنبله وار سر جداده زینب
 من گرک سوسوز بو چولده قانه غرق اولام محقق
 قُلک دینه تا ویرم بو غرقه دن نجات مطلق
 من بو غمده خدمتیمده اولماسام بو گون موفق
 صدمه لر گلر بروزه شرع مصطفاده زینب
 باخما حسر تیلہ توکمه اشک چشمووی عذاره
 آه آتشی نوویله وورما قلبیمه شراره
 صبر قیل بو درد هجره یوخدی هرگز اوزگه چاره
 صبردن محبت اهلی ایلر استفاده زینب
 من نیجه که اوز رضامی ویرمیشم رضای عشقه
 تابعم وار امتثالیم امر و مقتضای عشقه
 سنده سلیم محض عشق اول ویر رضا قضای عشقه
 صبر و شکر بیرقین وور عرصه وفاده زینب
 یوز خراش ایدوب باش آچما یولما زلفین ایتمه افغان
 گوگلیمی گتورمه درده قیلما حالیمی پریشان
 آغلاما سن آغلیاندا طعن ایدر حسینه دوان
 گلمه نی کیمی نَوایه دشت نینواده زینب

وار منیم باشیمدا شوق شاهد ازل ازلدن
 آلمیشام مَشام جانہ بوی وصلی بو مَحَلدن
 ایچمیشم بو گون شراب وصل ساغر آجلدن
 یترم بو یردن اوزگه یرده من مراده زینب
 بسکه مست جام عشقم ماسوا دوشوب گوزومدن
 کسمیشم علاقه حتی شوق و ذوقیله اوزومدن
 ویرمیشم ازلدہ بیر سوز گیچرم همان سوزومدن
 گیچمیشم بو باش و جانان اول ابتداده زینب
 ایله محو ایدوب حسینی جلوه جمال جانان
 ایلوب اوز عالیندن بیخبر خیال جانان
 کوی حَقده فنایم ایسترم وصال جانان
 تا بقای جاودانی درک ایدم فَناده زینب
 بول بو قدر ایمدی گیتسم بیرده گلرم خیامه
 وقت اولوب یتورسون اعدا امر قتلیمی تمامه
 باشیمی کسوب قفادن ارمغان ایدلّه شامه
 نعشیمی قویالاً باشسیز عرصه بلاده زینب
 ای آنام باجی سنونده وار باشوندا چوخ مصیبت
 هر غمه دایان شکایت ایتمه ای انیس محنت

هر بلانی جانہ نوش ایت قوی بو تشنه جانہ منت
 لا دیمه بلایه هرگز عالم ولاده زینب
 حالینه یان اهل بیتون خیمگاهیم اودلاناندا
 گوز گوتورمه قیزلاریمدان چوللره قاچان زماندا
 عصر امامینی اود ایچره قویما خیمه سی یاناندا
 ناخوشوم مباد یانسون آتش جفاده زینب
 نازنین اوشاقلاریمدان بیر دقیقه ایتمه غفلت
 نازینی رقیه نین چک قویما چوخ که مصیبت
 آغلاسا قیزیم صقیه ویر تسلی ایت محبت
 دستگیر اولان زماندا لشگر عناده زینب
 سینم اوسته گر سکینم گلسه ناله و فغانه
 سن آیینر جنازم اوستن ویرمه دشمنه بهانه
 اوز یانیمدا ویرماسون تا شمر او زاره تازیانه
 اینجیمه اولانقدری زحمتون زیاده زینب
 کوچ ایبدنده قتلگهدن آز فغان و آه زار ایت
 شیون ایتسه هر یتیمیم امر صبر و اضطبار ایت
 ناقه دن یخیلسا شامین یوللاریندا استوار ایت
 قویما پا برهنه گیتسون چوللری پیاده زینب

ذهنی ذهن یوخدی سنده شاعرم دیمه جهاندا
 خوش دوزر یتیم دزی نظمه رشته بیاندا
 گلمدی بو سوزدن اوزگه سوز بو مطلعی یازاندا
 ایتمه آیریلوق غمیندن ناله گلمه داده زینب

زبانحال علیا مکرمه به حضرت ابی عبدالله (ع) ✽

قارداش بو دشمنلر آرا قویدون بیزی محزون گیدورسن
 بیکس عیالون کیملره بوچولده تاپشوردون گیدورسن
 آز باخ داخی صاق و صولا بیر کیمسه یار و یاورون یوخ
 الدن گیدوب عباسمیز قاسم اولوبدور اکبرین یوخ
 ایمدی گتورم آت سنه یوخسا منیم تک خواهرین یوخ
 بو قانه دونموش گوگلومه حسرتله اود ووردون گیدورسن
 آیا بیله بختی قارا اولدوم بو دنیاده ندن من
 سن کیمی قارداش بوینونا سالدوم الیمیله کفن من
 سندن صورا چارم ندور غربت ولایت بی وطن من
 ویردون وطن صحرالری ایتدون منی مجنون گیدورسن
 هر لحظه وار بو چولده بیر درد و غم و اندوه تازه
 گر ممکن اولسا یا آخا بو قومدن آل بیر اجازه

ال سیز ایاق سیزلار الین دوت عازم اول ملک حجازه
 بلکه سنی غرق ایتمسون بو عرصه پر خون گیدورسن
 چوخ آغلما آچ گوزلرون اطرافووه ایله نظر بیر
 اطفالووی سن اولمه میش وحشت دوتوب گل کیمی تتریر
 صیحه چکر آغلار مَلَر گون اوزلولر مانند نخجیر
 اولموش عجب محشر کیمی اوضاع دیگرگون گیدورسن
 شوق شهادتله گهی دلشاد و گاهی دیده تر سن
 وار هانسی دردون قلبه دوشموش خیاله فکر ایدرسن
 چون عتر توندن دویمیوبسن گه دوروب گاهی گیدرسن
 حقون وار اولموش حالتون بو نوعیله پوزقون گیدورسن
 آغلار گوزوم تک بولموشم غم کاسه سی دولموش لبالب
 گیتسن اگر میدانه سن قارداش منه واضحدی مطلب
 دشمن شهید ایلر سنی سنسیز قالور بیچاره زینب
 ایتدون آخر گوز یاشیمی بو غصه دن جیحون گیدورسن
 قربان اولوم اعجازیوه گون تک ایدر هر دم تَجَلّی
 قویدون آلون چون سینمه تاپدی بیر آز قلبیم تسلی
 اما بیر عرضیم وار سنه ایمدی مناسبدور محلی
 یوخ قدر تیم اظهارینه گر ایتمسن مأذون گیدورسن

آخر منه زهرا آنام ایلوب بو نوعیله وصیت
 نازک بوغازوندان اُپم آخر وداعون وقت فرقت
 ایمدی گرک اجرا ایدم زهرا سوزون وار الده فرصت
 چون قویمیوب خنجر هله بو حلقه شمر دون گیدورسن
 قارداش منه نه آغلماق نه زلفیمی یولماق چتندور
 اما باجون اولسون حسین شمره اسیر اولماق چتندور
 هر لحظه ده مین دردیه ذهنی اورک دولماق چتندور
 بسدور قلم در ایلدون دفترلری مشحون گیدورسن

اتمام حجت حضرت ابی عبدالله (ع) در میدان کربلا

یا تقوز قالوب چون عرصه ده سلطان خوشخصال
 دشمن مقابلینده دایاندی شکسته حال
 تا لشگره اشاره امر سکوت ایدوب
 فوراً کسیدلی همه لر باتدی قیل و قال
 بیر کسده قدرت اولمادی اصلا نفس چکه
 حیران باخاردیلار هامی چون قالب مثال
 آچدی کلام ناطق حق احتجاجه دل
 تا امر حقه بلکه او قوم ایتسون امتثال

سویلوب که بولمین هامی بولسون بولن بولور
تا من کیمم مباد اول سیزلرده اغتفال
جدیم پیمبر حیدر آتامدور اوزوم حسین
زهرا آنامدور ایلمیون اوزگه بیر خیال
قارداش اوغول کمکریمی دوغرادوز تمام
قالموب مگر باشیمدا بیر آز باشسیر اهل عیال
بذل ایلرم اولنلریمین قانینی سیزه
تا انتقامین آلمیه محشرده لایزال
اما بو شرطیله که وار اوچ خواهشیم بوگون
سیزدن جواب رد و قبول ایلرم سؤال
اول سوزوم بودور که گلون مندن آل چکون
انصاف ایدون آچون یولی ای فرقه ضلال
تا اهل بیتیمی گوتوروم یوز قویوم چوله
مادام العمر اول وطنیم قلّه جبال
گر اولماساز رضا گیدرم زنگباره من
یا ایلرم ممالک تاتاره ارتحال
شرط ایلرم ممالک اسلامی ترک ایدوب
ویژم مکانیمی حبش و رومه انتقال

ویردی جواب غم بونا یوخدور یولوم حسین
یا بیعت ایله یا گرک اتمام اول قتال
مایوس اولوب بو سوزدن او سرور حزین حزین
سویلوب ایکیم جیسی بودور ای شوم بدسگال
وجهی ندور که فاطمیه مهر اولان فرات
اوز اوغلونا حرام اولا وحشی لره حلال
بیر شربه سو ویرون منه یاندی جگرلریم
بو حالیه حیاتیمه یوخ هرگز احتمال
صد حیف عمر بو خواهشیده ایتمدی قبول
بولم نیجه جواب دیدی کاش اولیدی لال
پیغمبرین عزیزینی چوخ پوزدی بو جواب
تغییر حال اولوب سارالوب سولدی رنگ آل
بیر باخدی صاقه بیر صولا بیر باخدی گوگلره
اشگیله دولدی گوزلری چون منبع زلال
پوزقون بو حالیه قشونا یوز دوتوب دیدی
ایلون قبول اوچوم جیسین ای قوم لامحال
من بیر نفر غریبم اوزوم خسته تشنه کام
آلمیش قرار و طاقتیمی محنت و ملال

سبز مینلریله اوستومه بیردن توکولمیون
 بیر بیر گلون مبارزته ایلیاق جدال
 لابد گلوب ترحمه بیرحم کوفیان
 ایلوب قبول اوچومجی تقاضانی بالمآل
 بیر بیر گلوب نچه نفر ابطال قومدن
 اولدی دو نیم یا بدنیدن باش انفصال
 هر کس یتوب او شاهه مقابل دوران کیمی
 ویرمزدی ذوالفقار شرربار اونا مجال
 لشگر گوروب بو قدرتی دوشدی تزلزله
 سسلندی شمر غیظیله ای قوم بی کمال
 بو حیدر اوغلودور اولا دنیا اگر قشون
 بیربیر گله تمامین ایدر محو و پایمال
 ناگه یریندن اوینادی دریا کیمی قشون
 ایتدی هجوم او سروره سرکرده و رجال
 سالدی حصاره شاه حجازی مخالفین
 گویا حصار دائره نون ایچره وار چو خال
 بیدادیله ووراردی او شاهه عراقیان
 که داش یرینه داش که اوخ اوستن اوخ اتصال

بیر اوخ یتیشدی قلبینه تا قلب عالمون
 نظم و نظام عالمه یوز ویردی اختلال
 آتدان یخیلدی زینت عرش خدا یره
 بولم ندن یخیلمادی بس عرش ذوالجلال
 توپراقلار اوسته ضعفیله دوشدی او ضعفیله
 ایتدی گینه محبت محبوبه اتکال
 قان ایچره بزم راز قوروب باشلادی نیاز
 فرصت تاپوب گوروب وار هنوز الده امتحال
 دوتوموشدی گرچه وجهه وجه خدانی قان
 قان پرده سینده جلوه لنوردی او مه جمال
 تشنیدی سسلنوردی گهی العطش ولی
 سیراب جام عشقیدی لب تشنه وصال
 یاددان چخارتدی عترتین اولادین اوز اوزون
 تاپمیشدی شوق یاریله چون فکری اشتغال
 دلشادیدی گورردی که تحصیل اولور مرام
 نصف النهار اولور یتیشور عمرینه زوال
 ذهنی نیجه مرام نیجه عمر نه زوال
 شرح ایتمه یازما یوخسا دوتار ذهنون اشتعال

پیشوا قعۃ شہادت حضرت سید الشہداء (علیہ السلام)

عالمده چوخ ستم فلک کجمدار ایدوب
 چوخ جور و ظلمولر بو فنا روزگار ایدوب
 آزادهلر مقامینی چرخ ایتدی پایدار
 ناکسلرون جلالتینی پایدار ایدوب
 هر سفله و دنییی ایدوب دهر شادکام
 هر بیر بصیرت اهلینی ظلمیلہ زار ایدوب
 ایلوب مدام ملت کفاری محترم
 هر دورده جماعت اسلامی خوار ایدوب
 باخماز ندور امام و پیمبر بو بی وفا
 هر وقتیده بو طایفه نی دلفکار ایدوب
 پیغمبر اوغلون ایتدی جلای وطن فلک
 کرب و بلاده درد بلایه دوچار ایدوب
 الدن گیدوب کمکلری یالقوز قالوب امام
 حجت تمام عدویه شه تاجدار ایدوب
 گوردی قبول ایتمدیلر چکدی ذوالفقار
 یالقوز او قدر لشگریله کارزار ایدوب

حیدرکیمی ووراردی قلیج پوزدی صفلری
 مور و ملخ کیمی قشونی تار و مار ایدوب
 برگ خزان کیمی توکوب از بسکه باش یره
 لشکر دوشوب هراسه تماماً فرار ایدوب
 چوخ یاره لر یتیش میشدی جسم پاکینه
 گوردی که یاره لر بدنین سوگوار ایدوب
 یوخ طاقتی داخی دایانا صدر زینیده
 قصد نزول تربت کوی نگار ایدوب
 بولم نندن توکولمدی افلاک یرلره
 چون زیندن نزول او عالی تبار ایدوب
 آتدان دوشنده زینت عرش عرش تتردی
 ارکان اعظم فلکی لریزه دار ایدوب
 توپراقلار اوسته دوشدی گل باغ احمدی
 قانیله مصرعین چمنی لاله زار ایدوب
 آخدوقجه قانی سالدی او مظلومی حالیدن
 قان ایچره غش او خسرو بی غمگسار ایدوب
 گوردی قشون او شاهیده یوخ طاقت جدل
 یکسر هجوم او یالقوزا فوج سوار ایدوب

اطرافین آلدیلار او غریبین وجودینی
 آماج تیغ او طایفه بد شعار ایدوب
 بیر حاله دوشدی خیرنسا بَسْلَین بدن
 گویا لطیف بیر گلی پامال خار ایدوب
 بولمم نقدر ووردیلار آخر اوساندیلار
 لشگر اوزی اوزون او بدنن کنار ایدوب
 شمر شیرر گوردی که فرصت مقامیدور
 قتل حسینیه اوز بِلینی استوار ایدوب
 دوشدی بو فکره سوندوره نور هدایتی
 اقدام اوز مرامینه اول نابکار ایدوب
 فَلَک نجاتی گوردی که قان ایچره غوطه ور
 ازبس سوکیمی قان یاراسیندان قَوار ایدوب
 بیر ظلم ایدوب او کافر امام آچدی گوزلرین
 باخدی او کافره یوزه اشگین نثار ایدوب
 سویلوب که ظالم آز منی انجیت یارالیم
 یوخ طاقتیم عطش منی بی اختیار ایدوب
 گل بیر ایچیم سو ویر منه یاندی جگرلریم
 بو سوزده شمر شوم گوزون اشگبار ایدوب

یاندی حسینین حالینه اَمّا سو ویرمدی
 آل آتدی خنجرینه نه شرم و نه عار ایدوب
 دوشدی او دمه گنبد افلاکه غلغله
 کَرَوِیان فغانه گلوب آه و زار ایدوب
 جبریل آچدی باشینی سسلندی واحسین
 قتل حسینیه عالم ایجاده جار ایدوب
 اودلاندی سوز آهیله قلبی پیمبرین
 گوزدن یوزه نثار دُر شاهوار ایدوب
 یوز قویدی کربلایه باش آچوق ایاق یالین
 شَأْن و جلال صاحبی ترک وقار ایدوب
 آچدی قلجلانان باشینی مرتضی علی
 چوخ آه و ناله لر او وصی کبار ایدوب
 قانیاش توکردی حسرتیله مجتبی یوزه
 زهریله اودلانان جگرین داغدار ایدوب
 زلفین یولایولا گلوب افغانه فاطمه
 اشگین یوزه روانه چو ابر بهار ایدوب
 یوز قویدی قتلگاهه اوغول وای دیه دیه
 بولمم نه گوردی یارب اونی بی قرار ایدوب

گوردی خموش ایدوبله پیمبر چراغینی
 ظلمت تمام ارض و سماواتی تار ایدوب
 رخصت آلوب رسول خدادن او قانیله
 زلف مُعْتَبَرین بویویوب مشگبار ایدوب
 ختم رُسَلده ایتدی خضاب آق محاسنین
 حیدر جمال انورینی گلغذار ایدوب
 یا فاطمه شفاعتوه ذهنی گوز تکوب
 خدمت بو آستانده لیل ونهار ایدوب

در شهادت حضرت سیدالشهدا (علیه السلام)

چون شهید ایلردی شمر دون حسین بی کسی
 عالم معناده گویا کیم ایشیتدی بو سسی
 شمر کافر سنده نه شرم و حیادور ای شقی
 بو یارالی سینیه چخماق خطادور ای شقی

عرشه صدر حسین عرش خدادور ای شقی

چوخ جسارت دور گتور دون عالمی افغانه سن
 نحس آلون آغشته ایتمه بو مقدس قانه سن

سهل سانما چخموسان بیر سینّه سوزانه سن
 بو بدن فُلك نجات ماسوادور ای شقی
 دور موسان بیر یرده غافل سن نجه مسکنده سن
 هاردا سن بيله مقامه لایق و زیبنده سن
 کافر موسی دگل سن وادی ایمنده سن
 چکمه لی قویما ایاق گور بیر هارادور ای شقی
 نسگی چوخ دور جهانی یان دیروب یکسر یانار
 گور نه سن لنگر سالاندا یاره سیندن قان آخار
 چکمه زحمت جان دوداقینه یتوب ایمدی چخار
 جان ویرور اینجتماقون آرتوق جفادور ای شقی
 باخ نجه اوضاع عالم اولدی برهم تتردی
 سن چکنده خنجرون غیظیله عالم تتردی
 ماسوا لرزان اولوب ارکان عالم تتردی
 چون بو صدپاره بدن رکن هُدادور ای شقی
 خنجرون ظاهرده قویدون بو مقدس خنجره
 باطناً چکدون قلج خلاق حی داوره
 وور ما اود ظالم جفائيله دل پیغمبره
 کس دیقون پر بوسه گاه مصطفی دور ای شقی

چوخ اذیت ویردون ازبس ایلدی قان ایچره غش
 گلمدی رحمه دلون قهریله ایتدون کشمش
 مَنبَع عین الحیات هرچند سسلر العطش
 تشنه جان ویرماقلیقا اما رضادور ای شقی
 شوم اولان بیر گوزده چون اولماز بصیرت گورموسن
 چولقیوب دنیا و مافیهای ظلمت گورموسن
 باش آچوق زهرا گلوب وار سنده غفلت گورموسن
 بو اوغول وای سسلین خیرالنسادور ای شقی
 دین و انصافون که یوخدور بو قدر اولما جری
 تیره و تار ایلمه قلبون کیمی عالمیری
 سوندوروب نور حق یاندورما قلب حیدری
 رحمه گل اهل و عیالی بینوادور ای شقی
 نه مروّندور توکورسن زینب کول باشینه
 قویموسان بیر لامحاله آغلاسون قارداشینه
 باعث اولدون ماسوانین حشره دین گوز یاشینه
 اود دوتا ذهنی بو نسلده روادور ای شقی

در شهادت حضرت سیدالشهدا(ع)

اگرچه کعبه ایوی محترمدی حرمتی وار
 ولیک کرب و بلانون اونا شرافتی وار
 بو کعبه بیت مجازیدی لیک کرب و بلا
 حقیقی کعبه دی هم باطن هم حقیقتی وار
 اودور که کعبه ایوی فخر ایدنده یتدی ندا
 که کعبه کرب و بلاتین سنه فضیلتی وار
 گر اولماسیدی او پر سن بنا اولونماز دون
 که علت اصلیدی معلوله افضلیتی وار
 بلی او بقعه که سلطان عشقه مدفن اولا
 حقیقتاً او یرون اوزگه بیر جلالتی وار
 آدی گلن کیمی یاقوت تر نثار ایلر
 او گوزلریکه اورکده حسین محبتی وار
 او پاک قان که توکولدی او پاک صحرايه
 نقدر مدح اولا زیبنده دور لیاقتی وار
 توکنده شمر همان قانی تیتردی یرلر
 گوزن دیردی بو گون رستخیز علامتی وار
 دو تولدی گون یوزی آفاقی چولقادی ظلمت
 باخوب او ظلمته زینب بولوب نه علتی وار

چخوب خیامدن اوز قویدی قتلگاهه طرف
 یتوب نه گوردی که شمرون بیر اوزگه حالتی وار
 آئینده خنجر حسینون چخوبدی سینه سینه
 او نور حقّی خموش ایله ماقدّا سرعتی وار
 دیدی اماندی دایان ای شقی آلون ساخلا
 سنون مگر نَقدر قلبوین قساوتی وار
 پیمبر اوغلونی اولدورمه بو حقارتله
 عزیز فاطمه دور شأن و جاه و عزّتی وار
 چخوب او سینه عرش خدانی تیتزتمه
 او اوخلی سینه نین عرش خدایه رفعتی وار
 تمام اولور اوزی سن باتما قاتینه ناحق
 بو صون نفسده داخی قاتله نه حاجتی وار
 او پر پیمبر او پَن پردی بیر حیا ایله
 او پاک حنجر یله خنجرین نه نسبتی وار
 اذیت ایلمه جان اوسته دور چوخ انجیتمه
 یارالیدور گوروسن جسمده جراححتی وار
 گون ایستییسی اوزی تشنه بو قدر قانی آخوب
 نه اختیاری قالوب نه توان و طاقتی وار

یارالی سینه سینی جان ویرور آغیر لاتما
 ندندی بیر دیموسن شارعین شریعتی وار
 چکل کناره آلوم باشینی دیزیم اوسته
 یارالی قارداشمین بلکه بیر وصیتی وار
 او قدر ویر منه مهلت که باغلیوم گوزونی
 یانیندا یوخی آناسی گوگلدده حسرتی وار
 ترحم ایت منی بو چولده قویما قارداش سیز
 علاوه بیر بولوک اهل و عیال و عترتی وار
 چکوب حسیندن آل شمر آئینده بیر قمچی
 دیمم ندوب دلیمین بو مقاله لکنتی وار
 آچوب او حالیده گوز پادشاه بی یاور
 گوروب که زینبونون قارداشا حمایتی وار
 دیدی باجی بو ستمگردن التماس ایتمه
 نه رحمی وار نه بیر انصافی نه مروّتی وار
 عبث بو ظالمه یالوارما مندن آل چکمز
 گرک بروزه ویره دلده هر شقاوتی وار
 خصوص اوزومده رضایم که تیز خلاصی ایتسون
 نقدر تیز کسه اوز قلبیمون رضایتی وار

کسوب علاقه‌سین آیر یلماسا بو باش مندن
 وصال شاهد اصلین منه صُعبوتی وار
 منم که باش ویرورم باش کسندده لازمدور
 کیمون بو شمردن اوزگه بو امره جرئتی وار
 اگرچه قاتل بی‌رحمه آل‌عطش دیریم
 بو العطش دیماقون سَری چوخدی حکمتی وار
 فراتی ایستمورم جام عشقیله مستم
 دگل سو دلده می‌وصل یار نیتی وار
 نه سلسیل نه کوئردی نه شراب طهور
 او می که آختارورام اوزگه بیر حلاوتی وار
 حلاوتیله اگر اوز بوغازیمین قانین
 بو بزم عشقده من ایچمسم نه لذتی وار
 بلا پیاله‌سینی سنده شوقیله نوش ایت
 بلالی باشوین عالمده چوخ مصیبتی وار
 علاج صبردی صبر ایت بلایه تسلیم اول
 باجی بو امر مقدردی حق مشیتی وار
 باش آچما زلفوی یولما یوزون خراش ایتمه
 چکوب سس آغلاما دشمنلرین شماتتی وار

قییت خیامه یخ اهل و عیالیمی باشوا
 سکینه نازینی چک گرچه چوخ مشقتی وار
 تسلی ویر اونا مندن صورا آغلاماسین
 او آغلیاندا منیم روحمه اذیتی وار
 یتیم اوشاقلاریمی قویما دشمن اینجیتسون
 نقدر زحمتون اولسا حسینه منتی وار
 صَفِیم عاتقم عالمده نازنین بویویوب
 رقیّم هاردا گوروب دشمنین اسارتی وار
 وحید قارداشی جلّاد الینده قویدی باجی
 قییتدی گوردی امام امرینون اطاعتی وار
 آلی اورکده گوزی یاشلی خیمگاهه طرف
 گیدور نه دلده قراری نه دیزده طاقتی وار
 اوزی گیدور ولی قارداش محبتی قویمور
 کسنمور علقه‌نی قارداشدان آخر الفتی وار
 گیدنموری نگران‌دور عزیز قارداش‌دان
 نه گیتماقانه دونوب باخماقا جسارتی وار
 عجیب نظم ویرورسن کلامه ای ذهنی
 حسیندندی که طبعون بیله مهارتی وار

در غارت و نهب خیام طاهرات

چون کربلاده امر شهادت تمامیدی

لشگر خیالی غارت و نهب خیامیدی

آتلاندی هایهوئیله هشتادمین قشون

بیر قیل و قال و همه بیر ازدحامیدی

دوتموشدی کربلا چولونی شورش عظیم
 گویا او عرصگهده قیامت قیامیدی
 بیر کربلا یرینده دگولدی بو انقلاب
 پر شورشین نه فلک نیلفامیدی
 قطب مدار عالم او گون واژگونیدی
 نظم و نظام کون و مکان بی نظامیدی
 دگمیشدیلر ثوابت و سیار بیر بیر
 سیر و ثبات رشته سی بی انتظامیدی
 دوشموش وفا سپهرینون اولدوزلاری یره
 سیار عشقه برج شهادت مقامیدی
 سونموشدی نور محض دوتموشدی گون یوزی
 ظلمات غمدن عالم او گون تیره شامیدی
 اولموشدی منخسف قمر آل هاشمی
 آفاق شرق و غرب تماماً ظلامیدی
 هرچند چوخ گون اوزلولر آچمیشدی یوزلرین
 اما قباقد ا طره مشگین غمامیدی
 بیر وضعیله خیامه هجوم ایلدی قشون
 گویا تمام قصدلری قتل عامیدی

بعضیلر آلدہ نیزہ لرین اوینادوردولار
 بعضینون آلدہ خنجر کین بی نیامیدی
 بعضیسی آت چا پاچایا ایلردی عَرَبَدِه
 آلدہ تمام غیظیلہ عُریان حسامیدی
 آتلو پیاده سبقت ایدردی بیرری بیرہ
 سویلردیلر گلین که بو بدر انتقامیدی
 عورت اوشاق گورن نہ چکر بولمورم بولن
 بیر اوزلریدی بیرده بولن لاینامیدی
 قورخی سوسوزلوق ایسی هوا دل دوداق قوردی
 گوزلر لبالب اشگیله گویا که جامیدی
 باتمیشدی سینه لرده نَفَسِلر تمامیسی
 دوشموشدی نطقدن هامی دل لاکلامیدی
 اشرار شام و کوفه شروع ایتدی غارته
 غارت دیمه معاینه حشر عظامیدی
 هی سسلنوب آنا بالا تاپمازدی بیربیرین
 یوز دوندرنده هر طرفه اهل شامیدی
 ظلمه دچار اولان سویولان سایدا یوزدن آز
 اما سویان نچهمین آلدُ الْخِصَامیدی

بیر پاره معجرین هرہ بیر گوشه سین دوتوب
 جبر و تعدیاتیلہ کشف لُتَامیدی
 دوشموشدی چوللره حرم آهوسی بیر سوری
 باشندان باشا قورولموش او صحراده دامیدی
 آتلار دوشونده چوللره سالموشدی اشقیا
 هر بیر بالا غزاله کییمی خوشخرامیدی
 بعضی بیر آز قاجوب یخیلوردی دوراردی تیز
 ایلردی قاچماقا نقدر اهتتامیدی
 بعضی آلی باشیندا قویوب قتلاگاهه یوز
 مقصودی شاه دامنینہ اعتصامیدی
 بعضی گورردی دیزلری تیترور قاچانموری
 مجبور اولوردی دورماقا صیاده رامیدی
 فریاد ایدردی گلہ ای آتلی سویولموشام
 واللہ گیدوب الیمن او که پُربہامیدی
 خلخال و گوشوار و زر و زیوریم گیدوب
 قالموب اولار که لایقۂ اغتنامیدی
 عقم سویوندوروب هاموسون ویردی سیزلره
 هر زیب و زیوریم که سیزه عین کامیدی

بیر بو عبا باشیمدا قالب ساتر بدن
 اولسمده ویرمرم سیزه ناموس نامیدی
 الله رضاسینه منی قورخوتما بی جهت
 اینجیتمه وورما دوگمه اذیت حرامیدی
 انصاف ایدون سویوب تالادوز بسدور آل چکون
 آیا هاچان بو ظلملرون اختتامیدی
 هر قدر یالواروب اونا ایلردی التماس
 چکمزدی آل زبسکه شریر لئامیدی
 غارتچیلر سویوب سویولانلار سویولدولار
 یغمایه گیتدی هر نقدر احتشامیدی
 زینب یغاردی خیمیه بیر بیر قاچانلاری
 گویا بو آمر آمر امام فخامیدی
 گیردی امام خیمه سینه بیر نفر شقی
 خنجر الینده شمره او ظالم غلامیدی
 گوردی قالان او خیمه ده بیر پوست پاره دور
 گویا او پوست پاره فراش امامیدی
 باخدی علیل امام اونون اوستونده غش ایدوب
 بیر فکر ایدوب اگرچه اونون فکری خامیدی

بولمم باخوب اونا اورگی یاندی یانمادی
 گیچدی او فکردن که دلینده مرامیدی
 خنجر له اوزگه ظلم ایدوب اما دینمرم
 گویا امام عصره ادای سلامیدی
 چکدی او پوست پاره نی دوشدی یره امام
 بیر باخمادی که جدی رسول کرامیدی
 توپراقلار اوسته قالدی یوزی اوسته غشوده
 بیر نازنین وجود که عرشه قوامیدی
 سعداوغلی امر ایدوب که وورون خیمگاهه اود
 غارت یتیشدی آخره وقت ضرامیدی
 پیغمبر اوغلونون گرک اولادی اودلانا
 چون قطع نسل آل علی التزامیدی
 نمرودیان اودیله تمام اولدی شعله ور
 بیر خیمه لر که باطن بیت الحرامیدی
 زینب قاچوب او وقتده بیمار باشینه
 سویلوب اوغول علاج ایله مشکل مهمامیدی
 آیا قبول ایدوبدی حسینیم که بیز یاناق
 یانوق نه جای شکوه که عهد انضمامیدی

ایلوب اشاره عمّه داغلسونلا چوللره

چخدی نقدر عترت خیزالانامیدی

یوز قویدی چوللره هاموسی بال و پر شکست

گویا که آشیانی داغلمیش خمامیدی

ذهنی بو شعرلر یازیلوب تند طبعله

یوخسا کمیت طبعون او دم بی‌لجامیدی

زبانحال جناب سکینه در شب شام غریبان

بو گیجه پوزقوندور عمّه رونق پرگاریمیز

بس هانی شمع و چراغ و خیمه‌ئی زرتاریمیز

واریدی عمّه گیچن شب شوکت و اجلال و جاه

طَمَطَراق سلطنت لشگر سپهسالار شاه

آرخا ایل قارداش عمو پشت پناه و دادخواه

دوره‌ده‌چکمشدیلر صف جان بکف انصاریمیز

بو گیجه هر سمتہ اما ایلورم هر دم نظر

گورمورم اصلاً او عز و جاه و شوکتدن اثر

نولدی بس اول باوقالر ایمدی یوخدی بیر نفر

نه کمک‌وار نه قشون نه شاه نه سرداریمیز

عمّه بو فکر و خیالاتیله باغیریم اولدی قان

بس جوانان بنی‌هاشم هانی ایله بیان

قاسم و عباس و اکبردن گورونمور بیر نشان

یوخ دُکور آثاری الّا بیر نفر بیماریمیز

هر آنانون اوز یرینده وار بیر اوزگه مَنظری

دمبدم گوزدن آخار بیفاصله اشک تری

زلفی درهم حالی پژمرده اورکده الّری

طرّه لیلی‌کیمی آشفته‌دور افکاریمیز

بو یانان بیرخیمده وجهی ندور اهل حرم

آشیانی اودلانان قوش تک سیزیلدار دمبدم

قوردی صیّاد ستم‌پیشه عجب دام ستم

تا نفس وار اوج ایدر افلاکه آه زاریمیز

سن بولورسن ناز ایدردیم بستر دیبایه من

قالمشام توپراقلار اوستونده بو‌حالیه ندن

هاردادور گلمور ندن گوزدن سالوب شاه زَمَن

یوخسا بولمور منتظر‌دور دیده‌ئی خونباریمیز

یار و انصاره نه گلدی نولدی شاهانه جلال

قالدی بو حالیه باشسیز بیر بولوک اهل و عیال

بوینی چگننده هامی گوزدن توکر اشگ زلال
 چوخ وخیم اولدی بو صحراده مأل کاریمیز
 ایلورم اهل حرم احوالینه هر آن نظر
 هر بیرری گورجک منی ینگيله گوز یاشین سیلر
 عمده بیر غم وار ولی ویرمور منه بیرکس خبر
 کشف اولور بو حالیدن آلدن گیدوب غمخواریمیز
 هر گیجه عمه بابام تک ماه تابان واریدی
 نوجوانلار دوره سینده تک تک آنجُم واریدی
 اَوچ عشقه هر بیرری بیر ثابت و سیاریدی
 بو گیجه نه ماه وار نه ثابت و سیاریمیز
 بو گیجه گویا غروب ایلوب همان بدرالدُجا
 عالم روشن اولوب معناده بیر ظلمتسرا
 بیر قضا وار باشیمزده اولماسیدی مُطلقا
 غایب اولمازدی نظردن مَطْلَع انواریمیز
 شاه دینون نه گلوب عباس تک قارداشین
 آغلیاندا قیزلاری مانعدیلر گوز یاشینه
 گه یوزه سیلی وُرالار گاه قمچی باشینه
 توکمسون قانیاش نوعی دیدهئی خونباریمیز

گر بابام صاقدور سلامتدور عموم ایعمه جان
 بس دندور ظلم الین آچمش بیزه بو کوفیان
 من بو اوضاعه باخاندا ایلورم بيله گمان
 صرصر بیداديله اولموش خزان گلزاریمیز
 سولمیوب عمه گلستان پیمبر بس ندن
 گورمورم هیچ بیر گل آثارینی بو گلشنده من
 بلبل شوریده تک اولدوخ گرفتار مُحَن
 باد ظلميله سارالدى عارض گلناریمیز
 گل میشوخ بو سرزمینه شوکت و اجلاليله
 دبده عزّت جلالت اوزگه بیر منواليله
 عازم شاموخ دیورسن بس ندن بو حاليله
 قافله باشسيز گیدر یوخ قافله سالاریمیز
 ذهنی بو نوحه نده یار اولدی سنه ایکی حبیب
 عجزله محبوبه سنده عرض ایت ایشاه غریب
 یاحسین ایسته خدادن سویله یارب قیل نصیب
 تا یتیم و ثابت و ذهنی اول زواریمیز

زبانحال علیا مخدره در قتلگاه

سَنَسَن منیم قارداشیم ای باشسیز علامت سیز بدن
نه وار لباسون نه باشون معلوم ایدوم آیا ندن

ای خسرو گلگون کفن

تیتتر ایاقیم گلماقا حالون منی مرعوب ایدوب
گیرم سنی اولدور دولر کیم رختیوی مسلوب ایدوب
گر شمر دون باشون کسوب نعشون ندن منکوب ایدوب
گویا قفادن ذبح ایدوب باشون او بی رحم زَمَن
واضحدی هر کس بیر بیرین عالمده اولدن تانور
باشدان تانور سَسَدَن تانور یا رَختیله آلدن تانور
یوخ بو علامتار سنی زینیده مَقْتَلَدَن تانور
گوردوم گیچن گون چون سنی بو قانلو گودال ایچره من
آهای چراغ مصطفی کیملر سنی خاموش ایدوب
سویموش لباسون پیکرون قانیله اطلس پوش ایدوب
سندن آخوب بو قدر قان یا اینکه یردن جوش ایدوب
دوشدون بو قان دریاسینه یوخدور کناره بیر چَکَن
گل پیکرون مستور ایدوب شمشیر و خنجر پاره سی
کاشکی یتیدی زینبه قلبینده کی اوخ یاره سی

اولسون باجون قارداش ندن اولمز ندور بس چاره سی
بیرده حیات ایستر مگر بو قدر محنتلر گورن
آخر سنون بو حالتون زینیده طاقت قویمیوب
عالمده هیچ مظلوم اولن مقتولی قاتل سویمیوب
معلوم اولان دشمن گینه جور و جفادن دویمیوب
اولدور دولر وجهی ندور یوخدور سنی بیر دفن ایدن
چوخ ظلمیله قارداش سنی بو اهل شام اولدور دولر
دینون بناسین یخدیلا سَنَنک امام اولدور دولر
چوخ نسل اولدی زینبه چون تشنه کام اولدور دولر
ای سو یانیندا تشنه لب حسرتله عطشان جان ویرن
دشمن ووراندا قیزلارون اوز زلفیمی من یولموشام
وحشت دوتوبدور جانیمی آغلار بولودتک دولموشام
چون قویمیوبدور آغلیام دشمن گلوگیر اولموشام
دیندیر منی یوخسا چیخار جانیم واریمدی چوخ محن
بیر درده سالدی بو فلک درمانینه من یتیم
گر قویسا بو لشگر منی قالام یانوندا گیتیم
اوز اختیاریمله حسین هرگز سنی ترک ایتیم
نیلوم الیمده چاره یوخ سن مطلبه آگاهسن

شمره اسیر اولماق هارا قارداش حسین زینب هارا
جانینده یوخ بیر بوسه‌گه آیا قویوم من لب هارا
ذهنی دایاندور ذهنوی گور یتدی بیر مطلب هارا
یوخ مشتری بو سوزلره آز نظمه دوز دُر ثَمَن

زبانحال سکینه خاتون در قتلگاه

ای شمر دون آز ایله جفا آل گوتورمرم
من بو یارالیدان ابدآ آل گوتورمرم
سن ایتدیقون جفالره ظالم اوسانمیشام
اولدورموسن بابامی فراقینده یانمیشام
بئبل تک ایمدی شاخ گله دالدا لانمیشام
گل ایتمه ظلم ایله جُدا آل گوتورمرم
وورما بو قدر ایتمه روان اشک آلیمی
دردیم وار ایلم باباما شرح حالیمی
بولسون گرک ندور بو یتیمین عوالیمی
تا ایتمَسَم تماماً آدا آل گوتورمرم
شوره گلنده نالم ایدر دشتی پُر صدا
دوشدوم عجب مخالف حصاره عراق آرا

لحن حجازی اوخسامارام باری اول رضا
آهسته ایلوم آه و نوا آل گوتورمرم
بولمم سینه نه زحمت اولور آه و ناله‌دن
غیظه گلوب آجوقلانوسان آغلیاندا من
ناچار گوزلریم دولاجاقدور ووراندا سن
لابد گرک سرشگیم آخا آل گوتورمرم
بسدور ستمله باغریمی ایتدون بو قدر قان
الله رضاسی ویر منه باری او قدر امان
تا ایلیم غریب آتاما دردیمی بیان
بولسون باشیمدا وار نه بلا آل گوتورمرم
وورما یتیمی اولما بوقدر ای شقی جری
آغلتما بو قَدَر من مظلوم و مضطری
تیتترمه ظلم ایله بو قدر عرش داوری
داوردن ایله شرم و حیا آل گوتورمرم
فرض ایت سکینه عترت آل عبا دگیل
باشسبز بدنده زینت عرش خدا دگیل
وورماق آتا یانیندا بالانی روا دگیل
ایستر یهود و کافر اولآ آل گوتورمرم

نولدی یتیم اولاندا یتیمینده جدی وار
 آهیم دوتار سنی که شرار آشدی وار
 دوزدور اسیره ظلم اولی ظلمونده جدی وار
 اولماز بو قدر ظلم روا آل گوتورمرم
 کوچ ایلروق اگر هانی سرداریمیز بیزیم
 هاردا قالوبدی گلمز علمداریمیز بیزیم
 یاتموش ندندی قافله سالاریمیز بیزیم
 تا دورماسا بو شاه هدا آل گوتورمرم
 گوز کاسه سین قوی اشگیمله دولدوروم گیداق
 اشگیله غسلونی بو شهیدین ویریم گیداق
 وورما بابام جنازه سینی قوی دوروم گیداق
 ناچارم ایمدی یوخسا رضا آل گوتورمرم
 ذهنی دی سنده واردی باشیمداییر آیری شور
 یوز قویموشام بو درگه دردییم وار اوزگه جور
 چوخ مطلبیم اورکده وار ای شافع نُشور
 تا ایتمسن تمام روا آل گوتورمرم

احوالات کوچ اهل بیت از کربلائی معلی (ذهنی زاده)

خزان اولسون گوروم گلزاری گلدن بلبل آیریلسون
 ایاقدان سرو دوشسون شاخه سیندن سنبیل آیریلسون
 گوروم بلبل قزل گل شاخه سینده وورماسون چه چه
 بسان غنچه لال اولسون دلیندن خوش دل آیریلسون
 که پیغمبر گلستانی خزان اولدی بهارینده
 گل گلزار دین آچسون که حقن باطل آیریلسون
 ایله سولدی پیغمبر گلشنی خندان اولان بیر گل
 دنوب بیر گلستان اولدی اولوردی مین گل آیریلسون
 او خندان گلر ایتدی ایله گلشن کربلا دشتین
 او گلشندن چتین هجران کشیده واصل آیریلسون
 اودور کوچ ایلینده کربلادن شامه آل الله
 کنار قتلگه دن ایستدی هر مخمل آیریلسون
 توکولدی قیز گلین عورت اوشاق شوریده بلبل تک
 هره تاپدی گلون ایتسین وداع کامل آیریلسون
 حرم بیر آشیانی اودلانان سر زیر پر قوش تک
 سیزیلداری که اولسون شرح حاله قائل آیریلسون
 عراقه شور سالمشدی حجازیلر نوائیله
 حصار درد بیداد مخالفدن دل آیریلسون

آنالار اوغلونا آغلاردی باجی قارداشا شاید
 سرشگیله گوگولدن سوز نار نسل آیریلسون
 دیردی اکبره لایلا علی مجنون اولوب لیلی
 دوشور صحرايه جبراً سندن ایستر عاجل آیریلسون
 دله گل من دلون قربانی خوش‌گلدون دی لطفایله
 آنان بو آیریلیقدا لطفه سندن نائل آیریلسون
 آنالام آز منه ناز ایله بیر کلمه دانش منله
 سنون تک ناز ایدندن هر بلای نازل آیریلسون
 اگر دل رنجسن مندن که لایلا آیریلور سندن
 کیم ایستر روحیدن بیرگون بیر آی یا بیر ایل آیریلسون
 آنان اوز اختیاريله بو چولده سندن آیریلماز
 اسارت مقتضی دور شامه اولسون راحل آیریلسون
 اسیرم نیلیوم صیاد الینده صید اولان قوش تک
 داخی هیاهات اولوم سَرپَنجه سیندن بَسمل آیریلسون
 سِنیدی آیریلیق طَرَحین چَکَن بیر خامه نقاش
 هر ایکی آلَریندن بيله طرحه عامل آیریلسون
 سالوب بیر سلسله مجنون عشقی سلسله نَظمه
 بلی مجنوندن قویمازلار عالَمده غُل آیریلسون

اولوب سَر سلسله بیمار دَوُر روی ماهیندن
 چو آنَجَم قویماروق بیر تاره بسته بیر ایل آیریلسون
 سورونوق سایه تک نیزه بویوندا بیر گون آردینجه
 گورونمز سایه گوندن شامه تک بیر منزل آیریلسون
 گوزوم ایلر سییل اشگ مجنون تک یولا قویماز
 که پای ناقه لیلادن عالَمده گل آیریلسون
 نه خواب نازدور گوز آچ اویان احوالیمه بیر باخ
 او شهلا گوزلر وندن بَد نگاه غافل آیریلسون
 دوتوب گر قان گوزون قویماز آچلسون لیلیه باخسون
 اجازه ویر سلیم قانلی گوز وندن حائل آیریلسون
 علی بو جسمدور صد پاره یا صد برگ بیر گلدور
 که قویماز نِکَه تندن کیمسه مشگه مایل آیریلسون
 شیار سینّه صافونده اوخشار سنبله اوخلار
 گوروب کیم کِشتزاریندن بو کِشت قابل آیریلسون
 دوزولموش قطره قان شبنم کیمی گل تک یوزون اوسته
 گوروم گل صورتیندن شبنم اولسون زایل آیریلسون
 اولوب اون سَگیز ایل محصول رنجیم گلشن حُسنون
 نجه بیر بيله گلشندن آنان بی حاصل آیریلسون

گنج گوندوز گوزومدن قویمامشدیم سنبل زلفون
 ووراردوم شانه قویمازدیم تلوندن بیر تل آیریلسون
 فراقون دردی دنیاده ایله بیر عقده دور دله
 اوزون حل ایتمسن دلدن چتین بو مشگل آیریلسون
 اولیدیم گورمییدیم تیغ بیداد ایله باشوندان
 مَکَلَل تاج تک بیر دسته قانلو کاکل آیریلسون
 بری میش رحمدن قلبی سنی مقتول ایدن قومین
 گوروم دربار رحمتدن جزاده قاتل آیریلسون
 صله ویر ذهنیه شیرین دلی شرح مصائبده
 دلینده نثر اولان کلماتی نظمه شامل آیریلسون

کوچ اہلیت اطہار از کربلا

قطب نظام عالمون پوزدولا چون نظامینی

اوزگہ نظامہ سالدیلار سلسلۂ عظامینی

عترت ذوالکرامینی

ایتدی بنی امیّہنی دہردہ کامیاب ظلم

سبط رسولی اولدوروب ایتدیلہ بی حساب ظلم

آه او زمان که شمر دون حاضر ایدوب طناب ظلم
 سلسله بند ایلدی ظلمیله عصر امامینی
 روم و فرنگ اسیری تک سربسر آل حیدری
 نظم اُسارته سالوب عائله پیمبری
 ناقه لر اوسته دوزدولر نظمه بنات اطهری
 سانمادیلار پیمبر اکرمین احترامینی
 چکدیله سمت کوفیه سرعتیله قرارسیز
 گاه قطاریلن چکوب چوللری گه قطارسیز
 هر بالا یوخلیوب دوشر ناقه دن اختیاریسیز
 شمر وورار که پوزموسان نظمیمین انتظامینی
 وارد ایدنده کوفیه چکدیله جار سربسر
 آل امییه تمام ویردیله مژده و خبر
 شکر خدا که تاپموشوخ آل پیمبره ظفر
 بدر عوضین حسنیندن آلموشوخ انتقامینی
 گاه دیردیلر بولار دیلم و روم اسیریدور
 یاغی دین اسیری دور خارجه دستگیری دور
 نیزه ده کی قاباقدکی باش بولارین امیری دور
 پرده به پرده قان دوتوب عارض لعل فامینی

گاه باخوب گولردیلر سرزنشیله کوفیان
 بیربیره گه ویرردیلر باشلاری آی کیمی نشان
 رأس رئیس العاشقین گوردیله باشلادی بیان
 لعل گهرنثار آچوب شرح ایده اوز مرامینی
 آیه کَهف وَالرَّقِیم ایله گلوب تلاوته
 قانلو باشین او حالتی سالدی جهانی حیره
 کینه و بغض حق و یروب آل بیر عَجوزه عورته
 ناطق حقّی قویمادی ختم ایده حق کلامینی
 ذهنی بو باش حکایتی حاش که اختتام اولا
 شرح ملال و محنتی ختمه یتوب تمام اولا
 جمله ناس اگر قلم آله علی الدوام اولا
 قدرتی یوخ بو غملرون یازماقا اختتامینی

ورود اهل بیت امام (علیهم السلام) به کوفه

وارد اولدی کوفیه چون آل پیمبر ملول
 اهل بیتون حالینه اولدی دل کافر ملول
 کوفه اهلی عیش ایدردی سر بر سر آله دَف
 دست بسته ظلم الینده عترت حیدر ملول

گوردولر بیر قانلی باشی نیزه ده قرآن اوخور
 ایتدیلر بیر ظلم او باشه اولدی عالمر ملول
 ناگهان زینب گوروب قارداش باشیندان قان آخار
 ویردی باشین محمله هولیندن او مضطر ملول
 سویلدی آخر دیرسوز بیز مسلمانوق ولی
 عالم اسلامی ایتدیز ظلمدن یکسر ملول
 اولدوروب پیغمبر اوغلون عترتین ایتدوز اسیر
 کوجه لرده ساخلادوز بی چادر و معجر ملول
 ویرمیون قرآن ناطق باشینه سنگ جفا
 گور نجه خوش لحنیله حجت بیان ایلر ملول
 دردیمز چوخدور قویون اوز حالیمیزده شرم ایدون
 آز شماتدن ایدون ای قوم دون پرور ملول
 بسکه بیزلر آغلیاندا شمر دون قمچی وورار
 آغلاماق دوتسا اوشاقلار خوفدن تیتتر ملول
 گیزلدوبلر ناله نی از بس اورکلر اودلاشوب
 نازنین قیزلار یواش وَا مُحَنَّا سسلر ملول
 ذهنی ذهنون تنددور یاور سنه تائید حق
 سوز ملول انشا ملول املا ملول دفتر ملول

احوالات دفن شهدا (علیه السلام) (ذهنی زاده)

امر ایلدی سجاده او گون خالق عزّت

قبر شهدائیلہ او دشته ویره زینت

هرچند گلوب قبره قویا اهل قبیلہ

شه دفنی ولی حقدن اولوب امر علیله

گلدی اودی قربانگه اولاد خلیلہ

بوینوندا اگرچه واریدی قید اسارت

باخدی او بلا دشتی گوروب گُلشنه بَنَزَر
 قاندان گُل آچان یاره گُل سوسنه بنزر
 عرض ایتدی بابا هانسی یارالی سنه بنزر
 گُل تک بدنیدن نه نشان وار نه علامت
 لازمندی کفن گوردی شهنشاه قتيله
 لایق کفن آختاردی او بی مثل و عديله
 دنیا بوئی نسلگدی بو غم آل خلیله
 بیر پاره حصیره ایده ناچار قناعت
 یغدی او حصیره آتانی پاره وجودین
 گتدی کسین ال لرینی دست و دودین
 تاپدی او کیچیک بارماقینی منبع جودین
 دفن اولمیه ناقص بدن علت خلقت
 اولقبر که اولموشدی معین شه دینه
 قبره او حصیریه قویولدی او دفینه
 هر دزه سینین قیمتی عالمجه خزینه
 عالمدن اوزی اولماسا چوخ آزدی بو قیمت
 باخدی او دفینه دُر رُخشانی چوخ ایستر
 قُنداق دولوسی لعل بدخشانی چوخ ایستر

بولموشدی حسین اصغر عطشانی چوخ ایستر
 ویردی آتا آغوشینه یاتسون بالا راحت
 گوردی آلوب آغوشینه خورشید سهیلی
 بولدی نه گوزل گلدی ربابین آله میلی
 بو بارهده ایستوب که ملول اولمیه لیلی
 بیر قبر ایاق آلتندا درست ایتدی او حضرت
 شهزادیه اوز شائیله لایق ایدوب اعزاز
 بولدی شهداده هامودان اکبری ممتاز
 شاهون ایاقی آتدا قویوب ایتدی سرافراز
 یوخ عرش خداده او ایاق آتداکی رفعت
 خلق ایتمز اولار که بیرینین مثلینی بیچون
 اوچ پاک وجود اولدی او بیر قبریده مدفون
 فخر ایتدی او شش گوشه مزاریله او هامون
 اولماز دیدی بیر یرده بو عزت بو جلالت
 فارغ آتا دفنیندن اولوب حضرت سجّاد
 یازدی اوز الیه آتاسی قبرینه بیر آد
 بو قبر حسیندور که اولوب کشته بیداد
 بیر ایله حسینی که سوسوز اولدوروب امت

مشهودیدی سجّاده هامی باطن و ظاهر
 دربان گوروب ایستر ایله بیر درگه طاهر
 زیبندهدی درباره حبیب ابن مظاهر
 ویردی اونا بو منصبی آرتوردی شرافت
 باخدی او تراب اوسته توکولموش شهدایه
 بنزر هاموسی گوردی گونه اولدوزا آیه
 سالماز دیدی گوی هیچ بیروزون مثلینه سایه
 هر گون پر اوزون دولدورا گر اهل شهادت
 بو جمع بویوردی هامی بیر جمعیده بیردی
 پروانهدی هر یتیمیشینین شمعیده بیردی
 جان بیر قانی بیر مسلکی بیر شرعیده بیردی
 بیر قبر ایدر بیر بیله بیر جمعه کفایت
 بیر گنجه قویدی بیر ایله جوهر عشقی
 بیر رشتیه دوزدی اوقدر جوهر عشقی
 بیر قبرده دفن ایتدی هامی جوهر عشقی
 یعنی بودی معنای مساوات و اخوت
 حسرت گوزیله دوندی فرات اوستونه باخدی
 باخجاق یوزه گوز چشمه سی دریاکیمی آخدی

یاندوردی جهانی شرر آهینه یاخدی
 قالدی دیدی سو اوسته سنان کشتی صولت
 ایلوب تبعیت هامی اول خضره دلیلہ
 یوز قویدی هامی مَصْرَع سردار قتیلہ
 گورجک عمو نعشین چوخ اثر ایتدی علیلہ
 اللّٰه عموم عباسه بو یوردی ایدہ رحمت
 مثلی عمومون عالم امکائدا تاپولماز
 حقّی نہ آنام فاطمه بوینوندان آچلماز
 هیچ بیر گّله بیر بیلہ جفا خاری ساچلماز
 هیچ پیکره دگمز بو قَدَر زخم و جراحت
 ایتدی عموم عباس آتاما ایلہ مواسات
 بیر قارداشا قارداش او مواسات ایدہ هیہات
 عالمدی اونا عالم اسرار خفیّات
 ایلر شهدا غبطہ ایدن اجر کرامت
 بیر قبر همان یردہ او سقّایہ قازیلدی
 نہ قبر فرات اوستونہ پیرایہ قازیلدی
 پیرایہ دیمہ غم ایوینہ پایہ قازیلدی
 گیت قبرین اوزون گور سنہ شرح ایللہ محنت

بیر دوغرآنانون هَمّت دیرینه سی اوستہ
 یوز تعلینی جمع ایلدی گنجینه سی اوستہ
 قویدی کسینلن اللّٰرینی سینہ سی اوستہ
 زہرایہ او اللّٰردیلہ اسباب شفاعت
 قویدی عمونی قبرہ دونوب قبرینہ یازدی
 بو مرقد عباس مہ مُلک حجازدی
 دنیا بوئی قان آغلیہ هر گوز بونا آزدی
 یاتدی او کیچیک قبریدہ ایلہ اوجا قامت
 ییغدی هامی خندان گّلی گلزار وفانی
 بیر گّلسنہ دوندردی همان دشت بلانی
 سولدورماز او گلزاری بیر آفات خزانسی
 هر آفت او گلزارہ ویرر تازه طراوت
 قورتاردی یانار قلبلہ دفن شہدانی
 ترک ایلہ دی آغلار گوزیلہ کرب و بلانی
 بہت آتشینہ یان دیروب اول جمع وفانی
 بیر طرفہ العین ایچرہ ایدوب کوفیہ عودت
 گوردی نجہ کوفہ هامی بام و هامی بَرزن
 مملوّ جماعتدی ولو مرد اولایا زن

گویا هامونون علقه کسوب روحی بدنند
 بوخ بیر نفرینده نفسین چکماقا قدرت
 گویا که قیامتدی جماعت هامی حیران
 هر کس اولوب اوز ایتدیقی اعماله پشیمان
 يَا أَيُّهَا الْإِنْسَانُ ديه سن سسلوری رحمٰن
 محشر تک اولوب کوفه عجب وادی حیرت
 زینب دانشور ایله اثر واردی سسینده
 بیر ذی نفسین یوخی سس اصلا نفسینده
 هر عالی و دانی وار ایشتماق هوسینده
 بیر کلمه دن اولمورایده بیر کیمسنه غفلت
 جلب ایلوب اوز صحبتینه خاص و عوامی
 هر کلمه سی بیر شرح حقیقتدی تمامی
 بیر لهجه ده ایلور خانم انشاد کلامی
 گویا که علینین اوزودور ایلوری صحبت
 سرگرمیدی حینیکه خانم شرح و بیان
 ویرمیشدی تکان صحبتی هر پیر و جوانه
 بیردن هامی گوز دوندی باخوب نوک سنانه
 بیر باشی گوروبلر که ایدر آیه تلاوت

گرچه نچه گوندور آیروبلار بدنندن
 ایمدی ديه سن گل دریلوب شاخه گلدن
 آلوده دی خاکستره رخساری ولیکن
 آرتورموش او خاکستر او رخساره ملاحه
 داودی سالوب حیرته آواز حجازی
 دعوت به حقیقت ایلوری اهل مجازی
 عیسایه نشیب اوجی ایدوب دار فرازی
 بو اوج مسیحایه اولوب مایه حسرت
 کهف آیه سینی ایله اوخور ناطق قرآن
 معناده قویوب کهف رقیم اهلینی حیران
 ایلور هامویه حقینی اعجازیله اعلان
 تا عذر پری قالمیه اتمام اوله حجت
 ذهنی سنی مشغول ایلوب فکر و خیالون
 چو خداندی که آخمازدی سنون طبع زلالون
 الله گوتوره دلده کی اندوه و ملالون
 توفیق اولوب آخرده سنه رحلت آیت
 هر اهل کلام اهل حدیث اولسا و یا غیر
 دفن شهدا نظمینه گر ایستیه بیر سیر

ارشاد ایلوم من اونی درک ایلیه تاخیر

صافی یازان اشعاریده وار اوزگه فصاحت

زبانحال جناب لیلادر راه شام

ای جمالی صورت پیغمبره مرآت اوغول

ای یوزی مصداق شرح آیه مشکات اوغول

نخله طور ایلیوب نوک جدانی طلعتون

دمبدم موسای عشقه گوسترور آیات اوغول

باخسا هر کیمسه تجلای جمال پاکویه

ایلر اوز حق بولدوقی فکرینجه تأویلات اوغول

بعضی باشون نیزه ده دار اوسته عیسی فرض ایدور

بعضیلر آیه گونه ایلله تشبیهاات اوغول

صفحه رخسارون انجیل اهلینه انجیل دور

اهل اسلام و یهوده مصحف و تورات اوغول

شرک فکرین آتدی باشدان باخدی هر کس باشیوه

معجز شق القمردن گوردی چون اثبات اوغول

آبر زلفون توک یوزه قوی عالمی ظلمت دوتا

گورمسین باشیم آچوقدور قوم دل ظلمات اوغول

کربلادن باغلادیم احرام ایدم باشین طواف

ای محبت کعبه سی وی قبله حاجات اوغول

نقطه عشقون دوتوب از بس دولاندیم باشیوه

عاقبت پرگار تک حیرتده قالدیم مات اوغول

صبریمین سر حدینی غم لشگری اشغال ایدوب

قوردی دارالملک آمالیمده تشکیلات اوغول

ای علی اکبر داخی سندنصورا گولمز یوزوم

بیرده من دلشاد اولام بو نشئه ده هیهاات اوغول

سینه ده سن تک اوغول داغی اوزوم شمره اسیر

فکریمه گلمزدی هرگز بیله تقدیرات اوغول

یاخشی مجنون ایلیوب لیلانی سالدون چوللره

مسکنیم گه کوفه دور گه وادی شامات اوغول

ناقه بد رفتار اوزاق یول ساربانیم سنگدل

ایلمز درد دلیمدن کیمسه تحقیقات اوغول

شمر بیر باخماز جوان اوغولم اولوب قلبیم یانوب

سندیریر هر دم شکسته قلبیمی کسرات اوغول

گه ویرار قمچی باشیمدان گه گولر گه طعن ایدر

گه شماتتله ایدر مین نوع تضییقات اوغول

آلمیشام ویرانه بیر منزل سراغین شامده
تا ویرم ویرانه دلدن خلقه معلومات اوغول
ذهنی یاز لیلا دلینجه بیرده اول مصرعی
ای جمالی صورت پیغمبره مرآت اوغول

زبانحال جناب لیلا در راه شام

کیم علی صحرانورد اولدی بو بی ماوا کیمی
کیم دیر مجنون بیابانگردیدی لیلا کیمی
من سنون امیدیویله ایلدیم ترک وطن
ایمدی سرگردان هجرم وادی حیرتده من
چون فنا فی اللهوم خوف ایتمرم بو ورطه دن
خوشدی مین غوغا اولا باشوندا که غوغا کیمی
تار زلفون فکرین از بس ایلدیم شام و سحر
حالیم اولدی عاقبت زلفون کیمی آشفته تر
تار اولوب دنیا گوزومده سنسبز ای نور بصر
روزگار روشنیم اولدی شب یلدا کیمی
اسدی صحرای بلاده صرصر جور و جفا
تیز خزان اولدی بهارون ای گل باغ وفا

شوره گلم بلبل شوریده تک قیلام نوا
نیزه باشیندا باشون گورجک گل حمرا کیمی
گرچه هر نکلا اوغول هجرینده ایلر چوخ فغان
باغیرین ایلر زخم داغ هجر غور ایتدوقجه قان
اولماز اما بيله سونمز اوددا لیلاتک یانان
یانمیوب عالمده بیر نکلا من نکلا کیمی
هانسی بیر اوغلی اولنده وار بو درد بی دوا
اوغلون اولدورسون اسیر ایتسون اوزون اهل جفا
دمبدم گل تک اوغول باشین گوروب زیب جدا
باشلاسون فریاد و شیون بلبل شیدا کیمی
آتش عشقیله چون تخمیر اولوب آب و گلیم
شمع رویونله یانان پروانه تک خوشدور دلیم
حاش لله ایلسون شکوه بو یانماقدا دلیم
یوخدی بیر پروانه بی پروا بو بی پروا کیمی
شعله آهیم زیس آتش فشاندور دمبدم
منظر حرا اولور اوز منظریمده مَرْتَسَم
اوز اودیمله یانماقا مثل سمندر شائقم
راضیم یانسام سراسر بو دل حرا کیمی

رشته دَمَله رُفویه ایتسه عیسی اهتمام
 زخم داغ فرقتون ایتمز قبول التیام
 وار مریض هجریوون بهبودینه یأس تمام
 ای اوزوندن مَریمین مهجور ایدن عیسی کیمی
 نقطه سبز صورتده ویمرز حُسنه چون معنا جمال
 کلک قدرت لوح حسنونده قویوب بیر طرفه خال
 حَبْذا حسنون او خاليله تاپوب حد کمال
 صورتون توحیده برهاندور عجب معنا کیمی
 ای جمالی مظهر حسن رسول کردگار
 سنده کامل قدرتین نقّاشین ایلوب آشکار
 صفحه ایجادیده مشگلدی چشم روزگار
 بیرده بیر صورت گوره بو صورت زیبا کیمی

زبانحال فاطمه عروس در راه شام

عم‌اوغلی جلوه‌لنور مه یوزونده جلوه نور
 کلیم عشقه تجلاً ایدیر تجلی طور
 جدانی نخله طور ایللیوب یوزون نوری
 دوشنده زلفون ایدیر لفظ لَن تَرَانی ظهور

گورن او جلوه‌نی موسی کیمی دوشر مدهوش
 او نوری گورماقا هر بی‌بَصَر دگیل مقدور
 یوزین صحیفه‌سی توحیده عیناً آیت دور
 عجب ظهوره ویروب قدرتین خدای غفور
 ایشقلی آی کیمی یوز تار زلف‌تک ظلمات
 تعجبم نجه توأم‌دی بَدْرِیله دیجور
 نظام عالمی زلفون‌تک ایلمه برهم
 اماندی قویما آسه زولفسووه نسیم سَحور
 او قانلو گوزلرون آج بیرجه نوعروسیه باخ
 شکسته گوگلیمی ایت بیر نگاهیه مسرور
 دگیل بو رسم وفا حالیمی سوروشمیه سن
 مگر قصوریم اولوب مندن اولموسان رنجور
 اگر یولون توزونی سیلیمیرم جمالیندن
 جدایه‌یتیمور آیم یوخسا یوخدی منده قصور
 بولم ویرر باشیوی نیزه‌داره یالوازام
 اگرچه قمچی دانشماقدان ایللیوب معذور
 اسیرلر سوزینه کیملر اعتنا ایلر
 خصوص منده سکوته وار اوزگه بیر محذور

آنان یانیندا آدون چوخ گتورمورم دلیمه
 مباد تازه لنوب دردی دلدده باشلیه شور
 چوخ ایسترم چکم اسرار عشقه پرده ولی
 نه دردی گیزلهده بولم نه سر اولور مستور
 آخار گوزوم یاشی رخساره سزی فاش ایلر
 نَقْدَر آغلاما قـا مانع اولسا شرم حضور
 منیم که دردیمه یوخدور علاج اوزوم بولورم
 مریض عشقه طسیب ایتمیوب دوا منظور
 اولومدی چاره گرک جانویروب وصاله یتم
 مع التأسف اولومدنده اولموشام مهجور
 علی الدوام بودور ویردیم ای خدای رؤف
 تیز ایله قابض الأرواحی قبضیمه مأمور
 قسم محبتووه دویموشام داخی جانه
 زبس که اینجدوب آزار ایدوب سپاه شرور
 نه کعب نیزه نه قمچی گتوردی جانه منی
 امان شماتت الیندن که قالمشام مجبور
 من آغلیاندا باخوب طعن ایدر گولر دشمن
 گران گلور منه دشمنلر ایلینده شرور

آدیم عروس اوزوم شمر اسیری قولدا طناب
 باشیمدا قاره قراست اولموشام مشهور
 باشون دالینجه ولی شامه تک گرک سورونم
 نه سایه گوندن اولور گون نه سایه سیندن دور
 بو فرقت عالمیدور یا وصال مبهوتم
 نه نکته دور که خیالیمدن ایلمزدی خطور
 اوز عمر ومون گونومون گردشینده حیرانم
 نه عمر گوندی نه عالمدی نه مرور دهور
 اولوب دیر یللم هر آن اوز سیز یلتمین سسینه
 که اوز سیز یلتیسیدور اهل عشقه نفخه صور
 دگول می نفخه صور اولمیوب قیامت اگر
 ندندی بس نظریتمده جدا بویوندادی خور
 بو غلغله بو هیاهو بو شورش عرصات
 محالیدور که یتورسون بو محکم عشقه قُتور
 اگرچه مرحله عشقده مهالک وار
 نجاتدن منه خوش دور ولی بو یولدا ثبور
 نظام کلمه‌نی ذهنی منظم ایت سنی تا
 کلام دفترون آده خدا ایده محشور

احوالات از ناقه‌افتادن دختر صغیره‌ای در راه شام

چون اهل شامه اهل حرم دستگیریدی
 کفار الینده آل پیمبر اسیریدی
 آلمش‌دی‌لار تمامی‌سینون اختیارینی
 شامه چکر‌دی‌لر اسران‌ون قطارینی
 سالمش‌دی‌لار گجه‌گونوزه کاروان یولی
 بیراهه‌دن گیدردیله مخفی نهان یولی
 تا بیر وسیع چوله‌ده یتوب امر مشگله
 ایسی هوایه دوشدی او‌گون اهل قافله
 یتدی‌گون ایسیسی او‌گون از بس که شدته
 شدتله اهل قافله دوشدی مشقته
 محمل نشین پیاده‌گیدن آتلو ناقه‌آت
 دندن دوشوب تمام او بیاباندا قالدی مات
 آز قالدی کاروان هاموسی زهره‌چاک اول
 عورت اوشاق کیشی یاخون اولدی هلاک اول
 سعداوغلی‌گوردی یکسر اولوب کاروان ملول
 حکم ایلدی او چوله‌ده قشون ایلسون نزول

نصب ایلوب خیامی قشون دال‌دال‌اندیلار
 اما‌گون‌اوزلی قیزلار او‌گون‌گونده یاندیلار
 سو ویردی‌لر سوسوزلارا سقار‌الده مشگ
 اما‌ایچردی آل‌علی سو‌یرینده اشگ
 سیراب اولوب قشون‌تف او قومون سیاقینه
 آرتوق سو‌یی توکر‌دیله آتلار ایاقینه
 مادام او لشکر آتلاری سیراب اولمادی
 آل پیمبره بیر ایچیم سو تاپولمادی
 کلدن لطیف اوشلاقلار هوا ایسیسی سوسوز
 دوتموشدی جسملر یانار اودتک تمام سوز
 بیر مختصر سو ویردیله آل رسالته
 تا اهل قافله یتشوب استراحته
 کوچ ایتدی کاروان یولا دوشدی قطارلر
 شامه طرف گیدردیله سرعتله بی‌خبر
 بیر قیز که یوخلامشدی او غش ایل‌مشدی یا
 قالمشدی زیر خار مغیلاندا بینوا
 ناگه‌اویاندی حاله‌گلوب آچدی‌گوزلرین
 گورموب یانیندا بیرجه نفر یار و یاورین

دوردی ایاقه وحشت و هول و شتابیله
 صاق و صولا قاچاردی بالا اضطرابیله
 حیرتله باخدی هر طرفه گورمدی نشان
 نه یول تاپوپ او چولده نه آثار کاروان
 گاهی گیدردی گه دوروب ایلردی آه زار
 دوشدی ایاقیدن گوروب الده یوخ اختیار
 بو دلّریله سسلیوب اوز دادخواهینی
 داده چاقوردی کرببلا پادشاهینی
 سسلردی هارداسان بابا فریادیمه یتیش
 قالدیم غریب چولده بیر امدادیمه یتیش
 سس ویر منیم هرایمه ای مهربان بابا
 اولّم بو چولده یوخسا من ناتوان بابا
 بابا بابا دیوب نقدر گلمدی جواب
 گویا بو دلّریله ایدوب عمّه سین خطاب

زبانحال سکینه خاتون در راه شام

اماندور عمّه امان عمّه گیتمه من قالدیم
 توقّف ایله دایان عمّه گیتمه من قالدیم

فراغتیه گیدورسن مگر یوخوندی خبر
 که واردی یولدا قالان عمّه گیتمه من قالدیم
 مگر آتام سنه تاپشورمادی یتیمترین
 بیله دیمشدی هاچان عمّه گیتمه من قالدیم
 روادی سیز گیده سوز من قالام بیاباندا
 وحید و ناله کُنان عمّه گیتمه من قالدیم
 اوزوم قیز عاجز اوشاق نابکد چولون آراسی
 هارا گیدوم بو زمان عمّه گیتمه من قالدیم
 قاچوب او قدر صولا صاقه دوشموشم دلدن
 یتوب دوداقیمه جان عمّه گیتمه من قالدیم
 ایاقلاریم قاپار اولدی پیاده قاچماقدان
 توکندی تاب و توان عمّه گیتمه من قالدیم
 کیمیم وار عمّه کیمی سسلیوم هرایمه من
 سنه قالوبدی گمان عمّه گیتمه من قالدیم
 نقدر سسلرم ای عمّه عمّه سس گلور
 ایدوم نقدر فغان عمّه گیتمه من قالدیم
 دوتوبدی جانیمی وحشت نفس دوشوب تنگه
 اولوب هلاکیم عیان عمّه گیتمه من قالدیم

اگر بو چولده من اولسم منه کفن کیم ایدر
 هانی مزاره قویان عمّه گیتمه من قالدیم
 او قدر خار مغیلان باتوب ایاقلاریما
 رواندی سوکیمی قان عمّه گیتمه من قالدیم
 سنون سوزون دگی ذهنی بو سوز که نظم ایدیسن
 دین دیدی نه یازان عمّه گیتمه من قالدیم

باقی افراد گذشته

اثنای راهیده که گیدردی سپاه شام
 ناگاه گوردولر که دایاندی سر امام
 هر قدر نیزیه حرکت ویردی اشقیا
 بلکه او باش گیدوب دوشه تا کاروان یولا
 هر قدر زور و قوه و یروب ایتدیلر تلاش
 تریشمدی جداده آغیرلاشدی قانلو باش
 تا یتدی سمع زینب خاتونه همهمه
 بولدی بو سرّی عالمه بی‌معلمه
 احساس ایدوبدی نکته‌نی علیا جناب او دم
 گوردی اسیر قیزلارون اولموش بیررسی کم

ایستدی خطاب لشگره بیجا چالشمیون
 گیتمز او باش بو چولدن عبث فکره دوشمیون
 قارداشیمون باشی دایانوب عمده سرّی وار
 چولده قالوب قیزی چکر حسرتله انتظار
 تیز آختاروب تاپوب او بالانی گتورمسوز
 گیتمز بو باش بالاسین اونا تا یتورمسوز

زبانحال حضرت زینب در راه شام

اماندی گیتمه دور ای ساریان بالام قالدی
 قطاری ساخلا دایاندور دایان بالام قالدی
 آنام عزیزینون ایستکلو بیرقیزی یوخدور
 اوشاقدی یول گله بولمز امان بالام قالدی
 حسینمون باشی گیتور دونوب باخور دالیه
 که آندورا او باخشد اعیان بالام قالدی
 بالام تاپولماسا قارداشیمون باشی گیتمز
 عبث ویروله جدایه تکان بالام قالدی
 باخون نه نوعی ایدر گوز یاشین یوزه جاری
 ایدر معاینه آه و فغان بالام قالدی

کیمین او قدرتی وار دور که یولانوب گیتسون
 مطیع‌دور او باشا انس و جان بالام قالدی
 دایان گوروم او بالام هاردا زهره چاک اولدی
 مباد قورخوب اول باغری قان بالام قالدی
 اگر دایانمیاسوز من اوزوم دایاندورام
 که ویرمیشم سیزه بیر امتحان بالام قالدی
 فغانیله چکرم آه باشیمی آچارام
 که اود توکر باشوزا آسمان بالام قالدی
 شرار آهمیله کایناتی یاندورام
 دوتوب اود اودلانا کل جهان بالام قالدی
 او قدر آغلارام اشگیم دوتار بو صحرانی
 تمام لنگه دوشر کاروان بالام قالدی
 گزون چولی دولانون تیز تاپون اونی یتیرون
 که قورخورام ویره چوللرده جان بالام قالدی
 صغیر اوشاق اوزی یالقوز غریب قورخولی چول
 یقین هلاک اولاجاق قورخودان بالام قالدی
 نه یول تانور نه‌ده وار قدرتی که یول گلسون
 ایدوبدی ظلموز اونی ناتوان بالام قالدی

جلالیله بویوموشدی پیاده‌لوق بولمز
 فلک نه حاله سالوب بو زمان بالام قالدی
 عموسی قارداشی یوخدور که نازینی چکسون
 دیسونله اوف دین وقته جان بالام قالدی
 آتا آنا باجی قارداش‌دان آلری اوزولوب
 یانیندا یوخدی الیندن دوتان بالام قالدی
 کلام صاحبی ذهنی بولر کلاموندن
 ندور بو نظم و بو شرح و بیان بالام قالدی

باقی افراد گذشته

سرلشگره یتوردوله ای شوم بد شعار
 مطلب بودور که یولدا قالان بیر یتیمه وار
 مأمور ایدوب بو امرده زجر ستمگری
 گیتسون تاپوب گتورسون او رنجور مضطری
 راوی دیر تانوردوم او بی‌رحم ظالمی
 انصافیدن بولوردوم اوزاقدور عوالمی
 باخدیم او بی‌کسی گوره هر یرده بو لعین
 ملحق ایدینجه قافلیه اولدورر یقین

رحمیم اونيله گيتماقا وادار ايدوب منى
 تا قويميم او ظالمى وورسون يتيمه‌نى
 منده او ظالميله قيتدوق گلن يولا
 بير آز گيدوب گوروندى اوزاقدان همان بالا
 قصد ايلوب گلور يولى اما شتابى وار
 معلوم اولور كه قورخورى چوخ اضطرابى وار
 بير آز قاچور صاقا صولا رفتاريدن دوشور
 بير آز يورور گينه يورولور بير آز اگلشور
 باشه وورور فغانيله زلفين يولا يولا
 بير لحظه دينجلور گينه فوراً دوشور يولا
 ناگه ياخونلاشاندا باخوب گوردى تا بيزى
 رنگى قاچوب اورك دوگونوب تتردى ديزى
 زجر ايستدى بروزه ويژه اوز شقاوتين
 من مانع اولدوم ايتمدى ظاهر عداوتين
 زجرين بولوب خيالين او قيز ايتدى واهمه
 گتدى منه پناه سيخلدى ركاييمه
 ويرديم تسلى قورخما ديديم قويما رام وورا
 قلبون شرار ظلم و شقاوتله ياندورا

غم ايتمه گيتدى قافله چوخ توكمه گوز ياشين
 گيتمزله منتظردي سنه يار و يولداشين
 لنگه ووروبلا قافله‌نى سربسر تمام
 گوزلر سنون يولون باجيلار عتمه‌لر تمام
 بوردان وليك قافليه چوخ مسافه وار
 سنده يورولموسان گل ايديم تركيمه سوار
 مندن ايشتدى بو سوزى آرتوردى شيونى
 چكدى اوزون كناره او ناموس معدنى
 ويردى جواب يوخدى شريعتده بو قرار
 نامحرمون نجه من اولوم تركينه سوار
 سيز آتلازى سورون دوشوم آردوزجه من يولا
 لابد گرک پياده گلم يول نقدر اول
 آتلو دير كه زجريله اولدوق روانه بيز
 سور دوقجه آت سوروندى بيزيله او خسته قيز
 ايتدوم نظاره گوشه چشميله دمبدم
 گوردوم كه سرعتيله گلور ساخلامور قدم
 بير قدر گلدى گلدى اوتوردى او بينوا
 گوردوم باخور اياقلارينا ايلور آه و وا

یوز دوتدی گوگلره توکوب اشکین عذارینه
بولدوم شکایت ایلوری پروردگارینه
بیر قدر آغلادی آباروب باشه آلترین
آجدی باشیندان ایتدی یکی حصّه معجرین
بیر حصّه باشه باغلادی دنیانی داغلادی
بیر حصّه سین ایاقینه سولیلّه باغلادی
گوز یاشئو دوردی دوشدی یولا چوخ شتابیلّه
گلدی بیزی یتوردی ولی اضطرابیلّه
هر بیر قدم ایاق گوتورور ایلور آه زار
دلدن چکور بیر آه سألور عالمه شرار
یتدی بو حالیلّه اسرانون قطارینه
تغییر ویرمدی ابدأ اوز وقارینه
نه باخدی باجیه نه آنایه نه عمیه
تا ایلوب شکایت اونا درد دل دیه
وقر تمامیلّه او گل گلشن شرف
یوز قویدی نیزه‌لرده کسوک باشلارا طرف
گورجک آتاسینون یارالو باشینی او زار
اگلشدی روبروده دیسون دردین آشکار

باخدی بالا آتا باشینا چکدی بیر فغان
آجدی ایاقلارین ادبیلّه ویروب نشان
عرض ایتدی اهل شامون الیندن امان بابا
از بس پیاده یول گستوروبله برهنه یا
گل تک ایاقلاریم نجه گور اولموش آبله
قالموبدی قدرتیم داخی طی مراحلّه
از بس باتوبدی خار مغیلان ایاقیمه
مجروح اولوب خضاب چکوب قان ایاقیمه
من بینوادن عممه‌دی گوز گوتورمسون
گوزدن سالوب بو نوعیلّه چولده ایتورمسون
هرچند ویرمیشم اونا چوخ دردسر مُدام
شامه یتورسه زحمتیمی ایلرم تمام
چون آلمشام خرابه شامون سراقینی
شام و سحر اونون چکرم اشتیاقینی
بولم یتر او یرده منه مژده وصال
ووزام قدم او مژده امیدیلّه اتصال
بو عمر مُشتعار او یرده تاپار عسار
قیلام یارالی باشوه جان نقدینی نثار

بسدور یتور بو قصه‌نی ذهنی نه‌ایته

قوی شام ماجراسینی اوزگه حکایتیه

احوالات ورود اهل بیت اطهار (علیهم‌السلام) به شهر شام

غم حوزه‌سینده مطرح اولوندی کلام شام

شرح اولدی فصل فصل فصول مهام شام

لفظ عربده کلمه مشتقدی شومدن

لفظ عجمده عالم تار و ظلام شام

غم شدته یتوشسه دیلر گون اولدی شام

بخصوص اسیر ایچون اولا غربتده شام شام

راوی سوروشدی هانسی مصیبت اشدیدی

فرمایش ایتدی سید سجّاد شام شام

شوم اولدی آل حیدره اوز شوم لفظی تک

اما یزید کافره دارالمرام شام

شامه چکنده آل پیمبر قطارینی

دوتموشدی کاروان یولونی ازدحام شام

ایلردیلر ندا یول آچون خارجی گلور

نصرت تاپوب خواجه قائم مقام شام

بام اوسته غرفه‌لرده دوزولموشدی صف بصف

سیر اسیر ایتماقا اهل تمام شام

پیغمبرین اوز اوغلونا آد قویدی خارجی

بولدی اوز اهلین امت خیرالانام شام

دین اولدوروب دیردیله بیز اهل مذهبوق

دین عالمنده ایتدی عجب فکر خام شام

تبریک ایدردی بیر بیرینه اهل شهر اوگون

اولموشدی دین عزاسی بیر عید عظام شام

کوچه‌بکوچه آل رسولی دولات‌دیروب

تا ملت یهود آلازار انتقام شام

گه اود توکردی عترت اطهار باشینه

گه سنگسار ایدردیله قوم لئام شام

گه سس چکوب گولردیله گه کف و وراردیلار

گه دف چالاردی فرقه بی‌نگ و نام شام

قرآن ناطقین باشینی گوردی نیزه‌ده

غفلتدن اویمادی ملاءذوالمنام شام

بیر حاله سالدی اشرف مخلوق عترتین

انظاره جلوه ویردی کنیز و غلام شام

بیر ظلم قالموب آل رسوله یتیش قمیش

ایتدی تمام جور و جفاسین تمام شام

آخر بنات علت ایجاد عالمه

ویردی خرابه کنجینی مسکن مقام شام

مهمان نواز لر یغشوردی خرابیه

طعن و شماتت اولموشودی احترام شام

هر بیر ستم کشیده قیز آغلاردی دردینه

شهقه چکوب گلردی الدالخصام شام

بیر چوخ مدید مدت او بیداد مرکزی

اوز ظلم بیدریغینه ویردی دوام شام

ذهنی بس ایت که شام کیمی ذهنون اولدی تار

یتمز تمامه نظمیه بیداد تام شام

احوالات مجلس یزید

یارب نندور اولمیوب عالم او گون خراب

بزم یزیده جلب اولونوب آل بوتراپ

مجلس نه مجلس اهلی نصارا و زنگبار

اسلام و کفر اعظم و اشراف شیخ و شاب

سندلر اوسته دیکم و تاتار صف بصف

خیر سلیل سلسله سی بسته طناب

بیر سمتدن بنات پیمبر سزیتسی

بیر سمتدن اوجالمشیدی نغمه رباب

پرده دالیندا عزتیه عترت یزید

اما حسین حرملری مجلسده بی حجاب

ینگین دوتاردی بعضی یوزه بعضیسی الین

بعضی یوزه نقابیدی گیسوی مشگناب

گوز یاشلاری آخاردی اوجالمزدی ناله لر

چون قان اولان اورکلری دوتوموشدی اضطراب

دورموش امام عصر ایاق اوستنده قول کیمی

گویا اسیر روم و حبشدن اولور حساب

زنجیر آغیر وجود اوزی خسته بدن علیل

نه اختیار اوتورماقا وار دورماقا نه تاب

طشت ایچره شاه تشنه باشی پای تخته

تخت اوسته نخوتیه یزید ستم مآب

که صحبت ایلیوب گلوب اویناردی که قمار

گاهی باخاردی عترت اطهاره پر عتاب

باخدی سکینه او زنازاده غیظیله

بیر سوز دیدی که ایلدی دنیانی دلکباب

سویلوب نه ظلم اولوب سنه بو قدر آغلوسان

آیا سنه اولوبدی نه اشکنجه نه عذاب

ویردی جواب آغلاماسون بیر حیالی قیز

بیر معجر اولماسون یوزونه ایلسون نقاب

گوردی داخی دانشدیرا بولمز سکینه‌نی

یوز دوندروب ایدوب گینه شطرنجه ارتکاب

بیر نچه ساعت آل پیمبر او حالیه

قول باغلو دور دولار نه سؤال اولدی نه جواب

باخدی یزید مجلسه بیر مجلس اهلینه

کبریه دوتدی زینبه یوز ایلدی خطاب

گوردوز که نیلدی سیزه حق آز دیون داخی

بیز اهللیت شأنینه نازل اولوب کتاب

هاردا گلوب پیمبره وحی هاردا جبرئیل

ایستردی آل هاشم اول مالک الرقاب

حمد ایلرم خدایه که اولدوردی قارداشون

حقه اوزون یالان یره ایلردی انتساب

آل علی که باطلیدی باطل ایتدی حق

سفیانیان که حقیدی حق ایتدی کامیاب

سوز یتدی بیر مقامه که زینب دیدی یزید

آز ناسزا دی شاهلارا لازمدی احتجاب

ایتموب حیا گینه او جفاکار آجیقلا نوب

جلاد حاضر ایلدی مجلسده باشتاب

آل علی بو حالی گوروب گلدی نالیه

بیر اوزگه حالت ایتدی او دم مجلس اکتساب

ایلوب تجلی گوردوله ناگاه او قانلو باش

قان پرده سینده جلوه نوب مثل آفتاب

آیات حقه باشلادی عین کلام حق

توبیخ ایدوب یزید لعینی او حق جناب

فوراً پوزولدی حالی او دم مجلس اهلینون

بُیْهت عالمینده ایتدیلر عشرتدن اجتناب

حیرته قالدی لار که کسوک باشدا نطق ایدر

امر عجبیدی عالم واقعدی یوخسا خواب

بو باش پیمبرون باشیدور یا وصی سینون

لا غیر اوزگه باشدا بو حال اولماز انتخاب

سسلر او جالدى نكتهنى احساس ايدوب يزید

گوردی یاخوندی مجلسه یوز ویرسون انقلاب

آلدی او باشی بیر اله بیر الده خیزران

امر ایتدی ساقیلر ویره لر مجلسه شراب

سویلوب حسین نقدری دانشسان دانشگلن

وار هر سوزون دی قالمیاجقدور بلاجواب

سندن دیماقدی مندن ایشتماق جوابی ده

بو خیزرانیلندی خطا ویرسا یا صواب

من باخمارام پیمبر اوپوبدی دوداقووی

ناچارم ایلیم سنی هر نوعيله مُجاب

ذهنی سکینه توکدی نجه اوندا گوز یاشین

گر بولماق ایسته سن اونا تشبیه اولور سحاب

احوالات مجلس یزید

بیر یزیدیکه اونون ظلمونده نقصان اولماسون

ایلیوب هر جور و ظلمی بیر پشیمان اولماسون

نه روادور چرخ دون ایتسون او دونی کامیاب

اولدوروب پیغمبر اوغلون ایتسون بیر احتجاب

بزم خاصه چکسون اول آل اللهی قولدا طناب

بیله ظلمی یاد ایدن دلّ لر نجه قان اولماسون

عترت اطهاری ساخلوب مجلسنده بیحجاب

بعضینون ینگی آلی یوزده اورکده اضطراب

بعضی توکמוש گل کیمی رخساره زلف میسگناب

تا یوزی نامحرم آنظاره نمایان اولماسون

بیر طرفده آغلاشوردی عترت عصمت نصاب

بیر طرفده سسلنوردی دمبدم چنگ و رباب

بیر طرفده آلت شطرنج بیر یاندا شراب

ایله بیر مجلسده یارب هیچ مسلمان اولماسون

اوینیوب نردی یزید ایتمزدی هرگز اجتناب

اوج امامین محضرینده ایتدی شربه ارتکاب

گاه طعن ایلوب گولوب گاهی دانشدی بیحساب

که دیدی کیمدور منیم عیشیمده شادان اولماسون

چون او مطلق کافر اولدی باده دن مست و خراب

ایستدی قانه دونن دل لر گینه اولسون کباب

سویلوب ای زینب دانش منن سوزیمه ویر جواب

حق دانش اما سوزونده باطل عنوان اولماسون

ایمدی حق آل ابی سفیانیموش یا بو تراب
 حمد لله شاهد مقصود آتوب یوزدن نقاب
 باطل اهلین ایلدی رسوا خدای مستطاب
 بیله مَخْذُول اولدوز عالمده بو خِذْلان اولماسون
 سوز یتیشدی بیر یره آخر یزید ایتدی عتاب
 امر ایدوب جلّاده زینب قتلنه ایتسون شتاب
 سس چکوب فریاده گلدی عترت ختمی مآب
 اولمادی بیر گوز او جمعیتده گریان اولماسون
 جلوه لندی ناگهان رأس حسین چون آفتاب
 ایتدی بیر آیه تلاوت اولشه والا جناب
 حال مجلس ایلدی بیر اوزگه حالت اکتساب
 قالمادی بیر کیمسه بو اعجازه حیران اولماسون
 اهل مجلس بیر بیرده دگدی تماماً شیخ و شاب
 بو پیمبر باشیدور یوخسا اونا نایب مناب
 هرگز اولماز اوزگه باشلاردا بو قدرت انتخاب
 باش دانشماز اوندا گر آیات سبحان اولماسون
 تا یزید احساس ایدوب وار مجلسنده انقلاب
 خیزران اله او باشه ایلدی گویا خطاب

یا حسین قرآن اوخورسان تا یزید اولسون مُجاب
 من شهید ایتدیم سنی عالمده قرآن اولماسون
 من دیدیم گل بیعت ایله بول منی مالک رقاب
 ایلرم منده سنی عالی مقامه انتصاب
 سن دیدین اُولی منم شأنیمده نازلدور کتاب
 مندن اوزگه مَلّت اسلامه سلطان اولماسون
 اگمدون باش گور خطا گیتدون بو یولدا یا صواب
 حق کیمی مغلوب ایدوب کیمدور بوگون نُصْر انتصاب
 بو باشون بو اهل بیتوندور گرفتار عِقاب
 بیله مغلوب اُولدوز هرگز بیرده جبران اولماسون
 ذهنی یاز اشعار یوی توک اشک چشمون چون سحاب
 قوی حرام اولسون سنه دنیا یوزونده خورد و خواب
 آغلاسا هرکس حسینه حشرده گورمز عذاب
 هانسی خدمتدور حسینه اجری رضوان اولماسون

احوالات جناب رقیّه در خرابه شام (ذهنی زاده)

گینه بو غملو گوگول غمدن اولموری آزاد
 عجبدی ذکر غم و درد یله اولور دلشاد

آجاندا صحبتہ دل ابتدا ایدندہ کلام
 گلور دله عجباً صحبت خرابه شام
 گوگول خرابه دور ایلور اودور خرابه نی یاد
 هزار دردیله ویرانه دل الیندن داد
 مجسم ایلوری گوزده خرابه شامی
 سرشگیله اودی لبریزدور گوزوم جامی
 آلور قراریمی دل دیدہ سیندہ مشہودات
 گوزوم گوز اولسا سرشگیندن آیرلا هیہات
 قولاق ویرہ بیری گر گوش جانیلہ شامہ
 صدای شیونیلہ گوندوزی دونر شامہ
 گورن گوز اولسا گورر اہلبیت شاہ ولا
 ایدوب خرابہ دہ بر پا قیامت کبری
 او شور محشرہ باعث رقیہ دور گویا
 کہ ایلوب یوخوسوندا آتاسینی رؤیا
 آچوب گوزون دیور ای عمہئی وفاکردار
 ہانی بابام ہارا گیتدی شہنشہ ابرار
 آتام قوجاقینہ آلمشدی ایمدی عمہ منی
 بویور گوروم ہانی بس سبط سرور مدنی

قالوب خانم متحیر نجہ جواب ویرہ
 دیور آز آغلا عزیزم آتان گیدوب سفرہ
 صباح اولاندا گلور بیزدہ وصلہ مشتاقوخ
 شرار ہجریلہ دل داغدار عشاقوخ
 سفر آدین ایشیدندہ ایلہ فغان ایلور
 کہ شور محشری ویرانہ دہ عیان ایلور
 دیور فغانیلہ ای عمہ مَلک منظر
 آتام مسافر اولا قلبیم ایلور باور
 نجہ سفردی کہ نہ قاصدی نہ نامہ سی وار
 مگر قیامتہ دین بو سفر ادامہ سی وار
 منیم آتام شہیدی شہریار چاکریدی
 او آستاندہ جبریل و روح نوکریدی
 اساسی واریدی اوز شائینون سزاواری
 جلالی دبدبہ سی لشگری سپہ داری
 عمولاریم واریدی شہ جلالینہ رونق
 علی الخصوص عموم عباس صاحب بیروق
 آتام وجودینہ اکبر کیمی روان واریدی
 یانیندا قاسم شہزادہ تک جوان واریدی

بیزیمده واریدی بیر بیر جلال و شوکتیمز
 تمام عالم آراگون کیمیدی شهرتمیز
 حریم سلطنت خسرو دو عالمیدوخ
 هامی گرامی دازنیندن مکرّمیدوخ
 یادیمدا وار که گلنده عراقه یثربدن
 او گونلریکه بابام ایلمشدی ترک وطن
 پیتنجه دشت بلایای طقه عائله‌میز
 دوشونجه وادی کربوبلایه قافله‌میز
 نجه محامل زر چادره مَنردیم من
 نه نازلر که بنی هاشمه ایدردیم من
 جهانیانه حبیب اکبرین حبیبیدیم
 جمال اکبریدی گل من عندلیبیدیم
 اولوردی حرمتیمز ایل قبیلیه منظور
 ایدردی جمله‌سی هرگونه درک فیض حضور
 آتام گیدوب سفره‌بس هانی عموم عباس
 علاقمندی دلدن منه او اشجع ناس
 بو مدّتی نیه بس گلموری عموم یانما
 هانی نشان حسن هجری اود سالوب جانما

اولور دیسن که بولار ملتزم رکاب اولسون
 اگرچه سوزدی سوزه ایستوسن جواب اولسون
 بویور گله یانیم قارداشیم علی اکبر
 اودا گیدوب هانی بس شیرخوار علی اصغر
 بو ظلمت ایوده رخ ماهپاره آختارورام
 تاپانمورام نقدر گاهواره آختارورام
 تعجبم نیه گلمور سسی قولاقیمه
 اگر قالور سیزی تاری ویرون قوجاقیمه
 اونیله بلکه سونه دلده شعله حسرت
 سرشگمیله خموش اولمور آتش فرقت
 آلوم کناریمه قارداشیمه دیوم لایلی
 اگر اولوبدی دیون منده بیر دیوم علی وای
 گرک جوابینی بو عرضیمون رباب ویره
 و یا گله سودامر قارداشیم جواب ویره
 آنام ربابه نظر ایله عمّه حالینی گور
 دینده اصغر آدین یوزده اشگ آیینی گور
 نیه قویور آیینی امجگی آراسینه
 یانور دلی گورورم سودامر بالاسینه

اگر گیدوب سفره اکبر مَلک منظر
 نیه آناسی اوغولسوز آنایه چوخ بنزر
 نه سوزدی لیلی بیچاره ایلوب ازیبر
 صباح و شام دیور وای جوان علی اکبر
 گیجه گونوز چوخ ایدر فاطمه باجیم افسوس
 نیه بولور اوزونی بخت و طالعین منحوس
 اونا عروس دیولر ندور قرا معجر
 نه طویدی یاسه دونوب ایلوب هامو ازیبر
 تعجب ایلورم ای عمه بو معمایه
 سریه ناله سی اوخشور نوای ثکلایه
 من فلکزده نی بیحد ایلین مغموم
 او آه و ناله دی که ایلوری بیبیم کلثوم
 غریبه فکره دوشور دل باخندا گوز یاشینا
 گلور خیاله عزا ساخلیوبدی قارداشینا
 یواش یواش دیور ای صاحب علم قارداش
 سو اوسته ایلدیله قوللارون قلم قارداش
 سنونده وردون اولوب روز وشب حسینیم وای
 دیور آناسیده معنده نور عینیم وای

بیله گمان ایدورم اولموشوخ جفایه هَدَف
 اساسینی آتامون ایلوب زمانه تلف
 علاوه عمه جان اولسا اگر سفرده امام
 ایدر خرابه ده یوخسا امام عیالی مقام
 ندندی بیز هامومیز حالتی پریشانوخ
 بو غربت اولکده هر صبح و شام گریانوخ
 منه یقیندی که پیکان ظلمه آماجوخ
 تمامیز اودی کهنه لباسه محتاجوخ
 گوزوم گورور آتاسیزلیق توزی قونوب یوزومه
 آتام اولوبدی یتیم اولوبدی کول گوزومه
 آتام اولیدی مگر شمر دون سویاردی منی
 عموم اولیدی مگر ساریان ووراردی منی
 اگر سلامت اولیدی جوان علی اکبر
 بیزی پیاده گتورمزدی شامه تک لشگر
 او قدر گزمیشم آتلار دوشونده صحرانی
 قابر اولوب ایاقیم ایمدیده آخور قانی
 گوروب آتامی عمومی اوزاقد اهل عراق
 منی قراگونه قویدی عموم گوزیندن ايراق

گر اولمسمده بو نسل منی هلاک ایلر
 کمک سیزوخ بیزه ظلم ایلین نه باک ایلر
 بو سوزلری دیمورم عمه جان من اوز باشیما
 اینانموسان نظر ایله علیل قارداشیما
 هامو گورور که بو ناخوش دی یوخدی یاراسی
 سولا یاخوندی گل روی عالم آراسی
 نیه طبیبه رجوع ایلور تا پا صحت
 هانی فراشی اولا لامحاله بیر راحت
 عمامه سی نیه یوخدور باشیندا قارداشیمون
 جگر قانی گورونور گوز یاشیندا قارداشیمون
 پوزار بو حالتی کل جامعه نی
 ندر بو ناخوش تبار غل جامعه نی
 ایله حرارتیله سوزلرون بیان ایلور
 که هر سوزونده یوزه گوز یاشی روان ایلور
 آلور قوجاقینه هر بیر خانم او گریانی
 اولور همان خانما آه و ناله عنوانی
 او دلریکه غم و غصه دن دوتولموشدی
 سرشگ حسرتیله هر او گوز که دولموشدی

بهانه تاپدیلاتی تک هامی سیزیلدا دیلار
 عذاره ایلدیله قانلو گوز یاشین اینار
 گلنده نالیه اولاد احمد مختار
 چکوب معاینه سس آغلاشوب در و دیوار
 خدا بولور نه قیامت قیامیدی او گیجه
 و یا نه حالیده آل امامیدی او گیجه
 او نصف شبده ایله شور حشر اولوب پیدا
 که شام شومیده بیر گوز یاتانمیوب اصلا
 چخوبلا دیشره هامی بی حد اضطرابیله
 قویوب خرابیه یوز مرد و زن شتاییله
 گلن خرابیه از بس که خاص و عام اولدی
 خرابه خارجی کثرتله ازدحام اولدی
 باخاردی هر گوز او ویرانسرایه دقتیله
 آخاردی صورتینه اشک چشمی رقتیله
 ایله مؤثریدی حال عترت اطهار
 باخانلارون پوزوب احوالینی صغار و کبار
 خرابه دن اوجالاتدا گویه نوای حرم
 اولوردی اهل شقاوتده همصدای حرم

ویریلدی حوزه فریاد و داده بس وسعت
او غفلتيله اویاندی یزید بد فطرت
دیدى نه وار دیدیلر ای لعین بدفرجام
بو آه و نالیه سرچشمه دور خرابه شام
بنات خیرنسادور بو آه و زار ایلین
فغان محشری شام ایچره آشکار ایلین
دیدى گیدین گورون ایلوب وفات اگر بیمار
دیون آز آغلیون ایتمون منه بو قدر آزار
صبح ویرم اونی کفن و دفن ایلر
بو نصف شبده بو بیجا فغانی نیلر
گیدن خبر گتوروب حالت فکاريله
دل کبابيله بیر چشم اشگباريله
اولان بو ناله و فریاد رستخیزه سبب
حسین یتیمه سیدور دز کنز میرعرب
آتاسینون اولومون بولممشدی بو گویا
ایدوبدی واقعه سینده آتاسینی رؤیا
باباسین ایستوری ایمدی بی بی سی زینبدن
تاپوب اولور که بیر آز اطلاع مطلبدن

نه زینب هیچ خانم آرام ایدنموری بالانی
توکور سرشگ ترین ایستیر عمه دن آتانی
او آغلور آغلادور آل امیر بطحانی
اودور که عرشه چخور اهل بیتین افغانی
او آغلیاندا ویرور سس سسه عیال حسین
سالوب بو شورشی شامه فغان آل حسین
همینکه مطلبی بولدی یزید بدکردار
ایدوب غلامریندن او دم بیرین احضار
دیدى حسینی آپار ایلیه قیزین ساکت
محالیدور آتاسین گورمیش اول صامت
خدا بولور که یزیدین منیتی نه ئیدی
و یا بو حکم صدورینده نیتی نه ئیدی
دگولدی نیتی اول نیمه جانه جان ویرسون
او باشی یولادی گورسون رقیه جان ویرسون
بو سرّه آگه اولان کردگار عالمیدی
سر شریف امامتده کامل اعلمیدی
قویولدی بیر طبقه رأس شهریار شهید
گیدور خرابیه اهل و عیالینی ایده دید

هامی گورن سر شاهنشهی غلامیله
 دیردی همره اولوب کفر محض امامیله
 دیمه خرابیه بیر راس زخم‌دار آپاروب
 حسین بلبولونه مژده بهار آپاروب
 نه تک رقیه‌نون امید وصلی بابیدی
 هامی خانملارا بیر شرح غم کتاییدی
 طلوع ایدنده او گون خانمان فاسقدن
 خبر ویریلدی اُسارایه صبح صادق‌دن
 حرم امامیدن ایلوبله کسب تکلیفی
 امامدن بولونوردی امام تشریفی
 خرابه‌نین قابوسوندیدی سید سجّاد
 بویوندا سلسله ظلم و رشته بیداد
 اگرچه قدرت ذوالاقتداره حائزیدی
 قیامه ظاهر صورتده لیک عاجزیدی
 گلور خرابیه آگاهیدی شه عرصات
 تدارک ایلور او محشرده رسم تشریفات
 مخاطب ایلدی اوز عمه‌سین امام زمان
 بویوردی عمه من ناتوانه بیرجه دیان

دایانماقونلا مُیسر منه قیام اولسون
 آتام گلور شهه منظور احترام اولسون
 دیمم چخون قباقا سیزده پیشواز ایلون
 ولی امامه پذیرا رشومی ساز ایلون
 سرشگیله سو سپون مقدم شهنشاهه
 یانا اجازه ویرون جمله مشعل آهه
 نقدر فکر ایدورم فکریم اولموری حالی
 خرابه‌ده نجه اولدی شهنشه اجلالی
 بو قدر پرتو نور جمال نورالله
 او دار ظلمتی دوندردی گوندوزه ناگاه
 اولار که نار فراقیله دل کبابیدیلر
 دچار محنت و آلام بی‌حسابیدیلر
 آلوب او باشی اوپوب ایگلیوب هامی تک‌تک
 او عندلیب الینه یتدی قرمزی گل‌تک
 حساب سنّیله گرچه خانم صغیره‌ایدی
 ولیک پایه عشقینده بیر کبیره‌ایدی
 همینکه رایحه وصلینی آلوب گلدن
 سکوت عقدینی آچدی خموش اولان دلدن

دَم مسیح نفسدن او نُطق سیز دَم آلوب
 دله گلوب دیدی کیملر سنی بو حاله سالوب
 کیم آق محاسنوی قانيله مُخَضَب ایدوب
 بعینه نقطه بسمِ اللّٰهی مُدْهَب ایدوب
 بو باشدی لعل بدخشاندی یا عقیق یمن
 و یا که قرمزی بیر گلدی گلشن غمدن
 و یا کتاب مصیبتدی شرح محنت ایدر
 هامو مصائبی موبمو حکایت ایدر
 بو قدر یاره واروندور بو رَأْس پاکینده
 نقدر وار یارا بس جسم چاکچاکینده
 نه یوز ویروب سنه‌ای ماهرو محاقینده
 بولارنه یاره‌سیدور ای بابا دوداقینده
 بو لعل لبده عجب شرح غم حکایتی وار
 قضیب یاره‌سی هم خیزران علامتی وار
 سنی قوناق آپاروب هانسی بیر جفاگستر
 جمالون اوسته ندور بو نشان خاکستر
 گلور خیاله تنور ایچره منزل ایلموسن
 قویوب کول اوسته باشون باشیمه کول ایلموسن

شهید اولماقون اللّٰه بولور بولن ممیشم
 جنازن اوستونه ساچ یولماقا گلن ممیشم
 اگرچه وقتدور ایمدی گرک یولام گیسو
 بغیشله اللّٰریمی باغلیوب گروه عدو
 بو پُر شرار دلیم داغدار محنتدور
 سنيله درد دل ایلوم بیر آز غنیمتدور
 من یتیمی او گوندن که سالموسان گوزدن
 گورولمیوب گوزیمین یاشی آیرلا یوزدن
 یتیم اولماقیمی گیزلدوردی عمّه‌لریم
 بولوندوروردی گوگل دودی اشک چشم‌تریم
 نه عرض ایدوم که نه‌لر چکمیشم بو مدّته
 اولوب مرگب اشگیله ثبت صورته
 نه بیمروتمیش اهل کوفه لشگر شام
 ایشقلی گوندوزی ظلميله ایتدیلر بیزه شام
 قباقچه ایلدیلر غارت احتشاممیزی
 سنون گوزوندن ایراق سویدولار تماممیزی
 او شدّتیله اولوندی اساسمیز تاراج
 که معجره هامی باشندان باشا اولوب محتاج

اگرچه قویما دولار بیر بویوندا گردن بند
ولیک ووردی گره جمله سینده تار کمند
او وقتدن که گلستان عشق سولموشدی
ایشیم چو بلبل شیدا ترانه اولموشدی
دیار کربیلادن خرابه شامه کیمی
تمام شامی نهاره نهاری شامه کیمی
سالاندا یاده سنی سسلینده وا آبنا
ویروردی سس سسیمه تازیانه اعدا
ووروبلا بسکه جفائیله تازیانه منه
دونوبدی نسترنی رنگ جسم یاسمنه
یوزیمه قوم ستم پیشه بس ووروب سیلی
گورورسن عارض گلناریمی ایدوب نیلی

زبانحال رقیه خاتون در خرابه شام

یتوب دوداقیمه جانیم گل عمه جان اولورم
خرابه ده ویرورم حسرتیله جان اولورم
یتوردی عمرومی باشه خرابه گنجینده
صبح و شام جفائیله شامیان اولورم

اجل کمندینه دوشدوم خلاص اولام هیهات
منیم حیاتیتمه یوخدور داخی گمان اولورم
او قدر عرصه بیداده ویردیلر فرصت
که مرغ روحیمه تنگ اولدی آشیان اولورم
دیار شامه گلندن گونوم دونوب شامه
گوزومده تیره دی بختیم کیمی جهان اولورم
خیال هجر وطن ایللیوب خیالی منی
یتوردی جان غم فکر خانمان اولورم
او وقتدن که بو ویرانه منزل اولدی منه
نه بیر یوزوم گلوب اولدوم نه شادمان اولورم
سپهر سفله پرستون بلاکمانیله
خدنگ محنته سینم اولوب نشان اولورم
دینده دردیمی دل یاندی دینمینده دلیم
نه تک دل اودلانوب اودلانندی استخوان اولورم
اوزوم غریب یانیمدا نه قارداشیم نه آتام
نه واردی دشمن الیندن منی آلان اولورم
بولورسن عمه نه مدّتی اکبر آیرسیام
آلوب قراریمی الدن او نوجوان اولورم

زبس او گل صفتين فكر و ذكرين ايلميشم
 غمينده غنچه كيمي باغريم اولدى قان اولورم
 باجى جنازه سيني قبره نقل ايدر قارداش
 وفالو قارداش يما وير خبر امان اولورم
 گلوب جنازه مي يردن گوتورسون عزتيله
 اگرچه چوخ منى خوار ايليوب زمان اولورم
 سؤال ايدنده ديورسن بابان گيدوب سفره
 هاچان گلور منه وير بير خبر عيان اولورم
 بيريسينون آتاسى عمه گيتسه گر سفره
 مگر اولور اونا ويرانه ير مكان اولورم
 منى سالوب نظريندن او عالمه منظور
 نه ياد ايدور نه گلور شاه انس و جان اولورم
 بو فرقت آتشي كانون سينه ده سونمور
 نقدر گوز ياشيمي ايلورم روان اولورم
 بو سونمز اوددا كه من دلدن اود دوتوب يانورام
 منيم تك اولميوب عالمده بير يانان اولورم
 نه نوعى صبر ايديم عمه من پریشان حال
 كه يوخدى بير سر مو طاقت و توان اولورم

هوای شامده باد مخالف اسدى زبس
 بهار عمرومى تيز ايلدى خزان اولورم
 منيم خرابه مزار اولماقيم يقينيمدور
 گران گلور منه بو درد بيكران اولورم
 خرابه گوشه سي توپراقلار اوسته جان ويزم
 منه عياندی بو مطلب دگل نهان اولورم
 نجه بو ننگلى حل ايليوم كه چشم تريم
 قالوب خرابه قاپوسيندا ناگران اولورم
 بو ننگلى آپارام گر اوركده قبر ايوينه
 گرک قيامته دين ايليم فغان اولورم
 روادى باشيمي بير آلميه ديز اوسته بابام
 كه جانيمي آلا آسوده جانستان اولورم
 سپهر غمده محاقه ياخونلاشان آي تك
 هلاله دوندوم اولوب قامتيم كمان اولورم
 شكنج ظلم عدوده اوزوم پریشانحال
 آلوبلا دوره مي بير جمع موكنان اولورم
 سولوب سارالديم او قدر عمه آج سوسوز قالدیم
 كه كهربايه دونوب رنگ ارغوان اولورم

احوالات اهل بیت اطهار (علیهم السلام) در ماتم جناب رقیه

قویوب رقیه نی چون قبره عترت اطهار
ویروبله سس سسه بیر سس چکوب سیز یلدا دیلار
بیوک کیچیک گلین عورت اوشاق کنیز و حرم
او قبر دوره سینه ویردی حلقه ماتم
سیز یل دیان باش آچان زلفینی یولانلاردان
دایاندی قبه افلاکه صیحه افغان
مخدرات طهارت قاریشدی بیر بیرینه
آخاردی خون جگر گوزدن اشک تریرینه
ز بس مؤثریدی داغ محنت هر دله
ایدردیلر هره مین شور ناله بیر دله
او آغلیانلارا اولمازدی بیر تسلی ویرن
اوگون خرابه ده شور قیامت اولدی علن
باخوب او وقتده زینب بیر ام کلثومه
گوروب چوخ ایلوری شیون او زار مهمومه
ایله او معدن صبرین گیدوب قرار الدن
او قدر صیحه ووروب آز قالور دوشه دلدن

اگر بو وضعیله بیر قدریده نوا قیلسون
وار احتمالی که روحی بدنن آیریلسون
دیدي آز آغلا باجی اولما چوخ ملول و فکار
سن آغلیاندا بو اطفال بیقراره نه وار
گلوب تکلمه گویا او غمکش ایام
جواب ویردی باجی من نجه دوتوم آرام
باخاندا هر یانا ای دخت شهریار عرب
رقیه نون یری بوش گورسنور باجی زینب
خیال ایدنده جمالی نظرده جلوه لنور
گورنده یوخدی برابره گوز یاشیم النور
نجه من آغلامارام قانه دونمز اشک تریم
عزیز جانیم اولوب اود دوتوب یانار جگریم
جگر که یاندی سیز یلدار اورک چکر دل داد
دگل منیم اوزومیله که چکمیم فریاد
نه بیر دقیقه یادیمدان چخور خیالاتی
نه محو اولور نظریمدن رقیه حالاتی
دوشر خیاله او حالی چکوب سس آغلاردی
بابا بابا دیوب اشکین توکوب سیز یلداردی

دیزین قوجاقلیوب ایلردی ناله دلسوز
 فغان و دادی قولاقیمده ایمدیده وار هنوز
 بیله گمان ایدورم اگلشوب باخار یوزیمه
 کمال یاسیله حسرت گوزین تکوب گوزیمه
 گهی دولانديرور هر يانه نازنین گوزینی
 گهی باخار منه اما دینموری سوزینی
 قالوردی آج ولی اوز آجلیقین دینمیزی
 طعام اولاندا گلوگیر اولوب یینمیزی
 دیردیم ای بالا دردون دی چاره سین بولتم
 دیمزدی درد دلین ایستمزدی غصه لتم
 اوزی صغیریدی مُعتادیدی ولی صبره
 اورکده ساخلادی دردین آپاردی تا قبره
 گورنده قبرینی صبریم گیدر فنایه باجی
 فلک چوخ ایلدی جبرین او بینوایه باجی
 آدی گلور دله نسگلّری دوشور یاده
 کیمی خرابه ده دفن ایتدیلر بو دنیاده
 مریضیدی مرضینده اسیر دشمنیدی
 دواسی طعن و شماتت غذاسی شیونیدی

وجودین ایله اارتمیشدی بوته محنی
 آدی وجودیدی تشریح محضیدی بدنی
 نه بیر رمق واریدی نازنین وجودینده
 نه اختیار قیامینده نه قعودینده
 دوراردی بلکه گزوب بیر خرابه نی دولانا
 بدن ضعیفیدی ایلردی میل اویان بویانا
 باخاردی دورماقا یوخ طاقت وتوان اینجیر
 گوروردی اگلشه توپراقلار اوسته جان اینجیر
 گیدردی عالم فکرته بیر زمان هوشه
 قوجاقلیوب گینه جان تک باساردیم آغوشه
 گینه او حاليله گوزلردی رسم آدابی
 رضا دگولدی بوله حال زارین اُخبابی
 اورکلنوردی ولی گیزلدوردی ناله سینی
 که عقه لر باجیلار تا ایشتمسون سسینی
 صغیر سنیله رسم وفا نشان ویردی
 بابا بابا دیوب آخر غریب جان ویردی
 بس ایله نظمووی ذهنی بو غم تمام اولماز
 رقیه شرح غمی نظمیه ختام اولماز

زبان حال جناب سکینه به جناب زینب کبری ﴿عجها﴾

مَدّ نظرده عمّه جان نور خدای گورسنور
حیرته دوشمه جلوۀ طور سِنادی گورسنور
عمّه بو نور او نوردور اولدی کلیمه جلوه گر
گورجک او نوری غش ایدوب دوشدی کلیم بیخبر
نور جمال حقّ دور گورمز او نوری هر بَصَر
کشف بصیرت ایلین گوزده جلادی گورسنور
عمّه بو نوردور ویرن نیر اعظمه جَلا
کسب شرف بو نوریدن ایلوب عرش کبریا
فخر بو نور پاکدن تاپدی ملائک سَما
آیة نور مَظْهَری ضوء ضیادی گورسنور
عمّه بو نور انوره مطلع آتام مزاریدور
سسلر اوز اهل بیتینی نور صلاّی جاریدور
عطر که چولقیوب چولی تربت مشکباریدور
جانہ حیات قلبده ذوق صفادی گورسنور
گورنه شمیم جانفزا عَظَم رَمیمه جان ویرو
نکته باد صبحدم مژده دلستان ویرو

شاه شهید قبرینی عمّه بیزه نشان ویرو
خضر خجسته پی دی نه باد صبادی گورسنور
آغلاما سیل گوزون یاشین دَقْتِیلَه باخ عمّه جان
خون قتیل عشق ایدوب گور نجه طَفّی گلستان
مژده ویر اهل بیتینه ایتیمه لر داخی فغان
مَقصد میزدی منظر خیر نَسادی گورسنور
یولما بوقدر زلفیوی آغلاما بیر تسلی تاپ
درده گتورمه دلّری داغلاما بیر تسلی تاپ
صبر و تَحَمُّلین یولون باغلاما بیر تسلی تاپ
گرچه محلّ ناله دور کرب و بلادی گورسنور
دوزدی مصیبت ایلوب خون جگر آغلادور سنی
یاده دوشوبدی غملرون سربسر آغلادور سنی
گوزده عیاندی گوردوقون ظلملر آغلادیر سنی
هر طرفه باخاندا بیر نوع جفادی گورسنور
عالم فکرده باخان گوز گینه گوردوقون گوزر
سری بودور که بو یره تا ساتاشوب دوشر نظر
چوخ یارالی بدن گوزر سوکیمی قانه غوطه ور
سطح فضا ده ایمدیده باشدی جداده گورسنور

گاه نظرده مُزتسم دور دوزولوب سپاه شام
 غارته آل آچوب سویار آل پیمبری لشام
 گاه به عینه گورسنور ظلم اودینا یانار خیام
 دود شراریله دولوب سطح فضادی گورسنور
 درد و غمون فداسیم ایتمه بو قدر آه زار
 گور نجه قیزلار آغلاشوب حسرتیله سنه باخار
 سن بیله آغلیاندا بس خُرده اوشاقلارا نه وار
 آز قالوری هلاک اولآ آل عبادی گورسنور
 یارب اولور که ذهینده بیرگوز آچوب دوروب باخا
 قَبَّة انورین گوروب گوز یاشی اتصال آخا
 الده قلم یازایازا عالمی یاندوروب یاخا
 دوره ده اهل دسته نون آله لوادی گورسنور

زبانحال علیامخدره در روز اربعین

ای قبر پاکی مطلع نور خدا حسین
 ای تربت مقدسی خاک شفا حسین
 موسایه عشقه جلوه لنن نوریوه فدا
 مبهوت ایدوب کلیموی ضوء ضیا حسین

یالقوز بو یرده زینبون حیرتده قالمیوب
 چوخ یرده تابش ایتدی بو نور هدا حسین
 گاهی تنوری نوروں ایدوب جلوه گاه طور
 سینایه دوندی گوشه مطبخ سرا حسین
 گه دیری روشن ایلدی نور مقدسون
 ظلمتدن اولدی راهبه بیر رهنما حسین
 گاهی یزید عمارتینه اولدی جلوه گر
 آفاقی دوتدی شامده نور ولا حسین
 گه ظلمت فراقده بی کس رقیه وه
 اولدی باشون خرابه ده بدرالدجی حسین
 زینب گلوب زیارتیوه دلده دردی وار
 ای درد عالمینه طبیب و دوا حسین
 گتدوم دیار شامه گیدن کاروانووی
 دور ایله اهل بیتووه بیر خوش صفا حسین
 بیر باش گوتور مزاردن ایت حالوی بیان
 جانیم بو آلتی گوشه لی قبره فدا حسین
 ویر زینبه آنامون عزیز اوغلی بیر خبر
 سینه نده که ساغالدی او دورت مین یارا حسین

تو پراقلا ر اوسته نعنشوی قویدوم بو چولده من
 شمر ایلینده باشوی زیب جدا حسین
 دفن ایلینم دیم سنی شامه گیدنده من
 قالدی جنازه من عرصه ده بی اقربا حسین
 کیم غسل ویردی کیم سنی یردن گوتوردی بس
 کیم قبره قویدی کیم سنی دفن ایتدی یا حسین
 قارداش بو یور گوروم که سنه ایتدیلر کفن
 یا کفنون اولدی خار و خَس کربلا حسین
 سن حالیوی دیما قلیقا معذور سن اگر
 قوی من دیوم گلوب باشیما هر قضا حسین
 آگاه سن مصائبیمه گرچه بیر به بیر
 اَلّا دیر مسافر اولان ماجرا حسین
 نه ماجرا نه بیر ایشیدن وار نه بیر گورن
 چکدیم نقدر دشمن الینده جفا حسین
 که بزم خاص و عامه گیدوب کوفه ده باجون
 ابن زیادیدن ایشیدوب ناسزا حسین
 آل پیمبرون آدینی قویدی خارجی
 روم و فرنگ اسیری دیدی بر ملا حسین

اولاد مصطفائی برابرده ساخلادی
 هر جور و ظلمی ایتماقا گوردی روا حسین
 آلدی گوله گوله یارالی باشیوی آله
 چون واریدی باشیندا بیر اوزگه هوا حسین
 بیر باخمادی پیمبر اوپردی دودا قیوی
 نه مندن ایتدی شرم نه سندن حیا حسین
 ووردی آغاج دوداقلاریوا من باخابا خا
 بیر کیمسه اولمادی که الیندن دوتا حسین
 یا بیر دیسون کسوک باشا وورمازلا خیزران
 کسدوز جدایه ووردوز ایدر اکتفا حسین
 ایتدی یزیده بیله بیر ظلمی شامده
 من باخدیم آخدی گوز یاشیم ایتدیم نوا حسین
 قول باغلو ساخلادی ایاق اوستنده بیزلری
 بیر نچه ساعت ایلمدی اعتنا حسین
 گاهی باخوب حقارتیله قانلو باشیوه
 که اوینادی قماری او شوم دغا حسین
 ایچدی شرابی آجدی شماتت دلین منه
 گور مجلس شراب هارا زینب هارا حسین

شامی کنیز ایستدی قاسم عروسینی
 جَنّتده درده گلدی دل کدخدا حسین
 نه دویدی نه اوساندی جفاسیندن اهل شام
 آرتوردی دمبدم ستمین اشقیا حسین
 کوچه بکوچه شامی دولاندی قطاریمیز
 من گورمدم او یرده بیر اهل وفا حسین
 عورت کیشی دوزولدی تماشیه صفبصف
 جشن و سرور ایدردیله شاه و گدا حسین
 نوک جداده قانلو گوروب زلف اکبری
 شامون جوانلاری آله یاخدی حنا حسین
 طعن ایلین شماتت ایدن دَف چالوب گولن
 گلدی بلالی باشیما هر بیر بلا حسین
 امر اولدی انتقام آلالار مَلّت یهود
 تا ایلدی بو امره منادی ندا حسین
 قوم یهود عترتیوی ایتدی سنگسار
 هر قدر قلبده واریدی مدّعا حسین
 آل پیمبرین باشینا اود توگردیلر
 یاندی شرار ظلمیله زین العبا حسین

آخر خرابه گوشه سی اولاد حیدره
 منزل ویریلدی شامده صبح و مسا حسین
 ایتسن اگر رقیّه وین احوالینی سؤال
 شرمنده ام جوابه من بینوا حسین
 از بس بابا بابا دیدی تا نقد جانینی
 ایتدی نثار باشیوه اولدی رها حسین
 توپراقلار اوسته ویردی قیزون جان خرابه ده
 باتدی دوباره ماتمه آل عبا حسین
 دُرّانه وی خرابه ده حسرتله دفن ایدوب
 ایتدیم خرابه گنجینی گنج خفا حسین
 دشمن ولایتنده غریبه مزار اولوب
 قالدی وحید و بیگس و بی آشنا حسین
 ذهنی اگرچه چوخدی گناهون غم ایلمه
 قورخما شفیع دور سنه روز جزا حسین

زبانحال علیامخدره در روز اربعین

چکدی شامدن گتدی زینبی والهم محبتوه حسین

جانفزادی جانیم اولا فدا بو شمیم تربتووه حسین
 من اسیریدیم دستگیریدیم گلمیشم زیارتیوه حسین
 ای عزیز جانیم ایاقه دور گورنجه توکر اشگ تر گوزوم
 توز قونوبدی نسللی قبریوه ابر غم کیمی سو سپرگوزوم
 وار یری اگر حشره دین سنه جاری ایتسه خون جگرگوزوم
 تا نقدر جانیم وار آغلارام صبح و شام محنتوه حسین
 سنسبز اولدی بیچاره عترتون چوخ جفا چکوب جانہ گلدیلر
 ظلم الیندن ایمدی شکایتہ آستان سلطانہ گلدیلر
 زینب عاجز اولدی تسلی دن بسکه آه و افغانہ گلدیلر
 باش گوتور اوزون دور مزاردن ویر تسلی عترتوه حسین
 گلدی کربلايه وظیفه سین اهل بیتون ایتسون ادا بوگون
 اربعینیدور ساخلاسون سنه آغلینلارون بیر عزابوگون
 اوخشار هر بیرى بیر نوائیلہ بیر دلیلہ ایلر نوا بوگون
 سنده دور باخ ای شاه بی کسان اوز جلال و عزتوه حسین
 گرچه سن اولندن صورا حسین اولموشام گونی بختی قاره من

گاه دشت و صحرانی گزمیشم گاه گیتمیشم هر دیاره من
 شکرلله آخرده اولمیوب زایر اولموشام بو مزاره من
 یوز قویوب بو غمناک قبریوه آغلارام مصیبتوه حسین
 هیچ باجی حسین روزگاردہ من کیمی مصیبت چکن دگل
 بیله تاب ایدوب هر خصالده محنت و بلایه دوزن دگل
 بختیم اولدی قاره آغاردی باش هم باجون داخی سن گورن دگل
 قامتیم بوکولدی گتورمدی تاب بار فرقتوه حسین
 محنتونده قارداش گیدن زمان فاش سینمی داغلیانمادیم
 آغلیندا قویمازدی کوفیان بیرجه سس چکوب آغلینمادیم
 نسل اولدی بوجان ویرنده سن گوزلریوی بیر باغلینمادیم
 حسرتیله اولدوردولر سنی من فدا او حسرتوه حسین
 باش گوتور گیلن بیر مزاردن دردیمی دیوم روبرو سنه
 زینبون فراموش ایدر مگر چوخ ستملر ایتدی عدو سنه
 بیر نفر مسلمان تاپولمادی تا ویریدی بیر شربه سو سنه
 شمر الینده سن العطش دیدون یاندی زینب حالتوه حسین

هر زمان فراطه باخار گوزوم آغلارام سنون نسلونده من
بیر ایچیم بو دریاکیمی سودان قسمت اولمادی جان ویرنده سن
خشک اولمیوبدی تعجبیم قانه دونمیوب بولمورم نندن
ذهنینون دونوب قانه گوز یاشی ایسته بیر زیارتوه حسین

زبانحال حضرت زینب کبری (علیها السلام) در روز اربعین

دوشوب اوگون باشون آردیجه سایه تک گیدوب شامه گلیمیشم
بوگون سینه دوتماقا عزا من گیوب قرا جامه گلیمیشم

حسین دیوب چوخ دولانمشام

حسین فراقونده یانمشام

اگر چه هر ماجرا سینه بیر به بیر عیاندور دگل نهان
و لیک بو رسمدور ایذر هر مسافر اوز حالنی بیان
گوزوم یاشی روی زردیمه سرگذشتیمی ثبت ایدوب عیان
صحیفه غم تک آلدی وار حالیمه بیان نامه گلیمیشم
باجون فدا نور پاکوه کربلا چولون روشن ایتمیسن

بو موسی عشقه پر خطر دشتی وادی ایمن ایتمیسن
دیمم اوزون ویر منه نشان چون ازل جواب لن ایتمیسن
بو قبره گوز یاشلی یوز قویوب نایل اولماقا کامه گلیمیشم
بو شوقلیه اربعینوه گلیمیشم بوگون قبرون اوسته من
شمیم جان پرورون آلام تا بو تربت مشگ خیزدن
دور ای من بخت قاره نی درد فرقتی مو سفید ایدن
دیوم نجه دوندروب غمون روزگاریمی شامه گلیمیشم
بوگون که من دام ظلمدن فارغ اولماقین شکرین ایلرم
نه ظلملر یوز ویروب منه بیر به بیر سینه ذکرین ایلرم
بو روضه پاکدن ولی آیری دوشماقین فکرین ایلرم
سنیله هممدفن اولماقا کاش اجل سالا دامه گلیمیشم
گیدنده من شامه نعشوی فرصت اولمادی دفن ایدوب گیدم
قصوریمون اعتذارینه قبریوه گرک جان فدا ایدم
نولور یتیم بو سعادتیه روحیم آیرلا جان ویرم بو دم
تأسفیم وار که عمر گون یتمیوب سرانجامه گلیمیشم

ویرنده جان سن که ممکنیم اولمیوبدی بیر جرعه سو ویرم
ولی ایدم قبر پاکوه ایمدی مختصر خدمت ایسترم
سپم سو مژگانيله سیلم قبریون توزون ای شه حرم
اودور جگر قانینی سوتک دولدوروب ایکی جامه گلیمیشم
شهاب شه بیتی ایلدی ایله وقتده مطلع کلام
مصمم شهر طوسیدی فرصت اولمادی ایتسون اختتام
رجا اولوب ذهنی ایلدی اوز دلینجه بو نوحه‌نی تمام
معاینه نوحه‌ده دیر من او دلدۀ اتمامه گلیمیشم

زبانحال جناب فاطمه صغریٰ در مدینه

جده چاره قیل اماندور درد هجردن اوسانندیم
گلمدی علی اکبر انتظار اودوندا یانندیم
اولدی بیر مدید مدت گورمدیم او مه جمالی
جلوه لئمدی نظرده جلوه قمر مثالی
روزگاریمی ایدوب تار تار زلفینون خیالی
صبح وصل امیدینه چوخ لیل تاره دالدا لانندیم

قان اولان گوگلدۀ شکوم وار او لاله پیرهندن
بولمورم ندور قصوریم لطفینی کسوبدی مندن
بیر سفارش و پیامی گلمدی گلوب گیدندن
هر قدر قاپو دالیندا منتظر دوروب دایانندیم
بیر دیمز علیله باجیم بیقرار دور وطنده
گوزلری قالب یولومدا انتظار دور وطنده
زلف مشگبارۀ حسرت اشگبار دور وطنده
بسکه خون دل گوزیمدن آخدی قانیمه بویانندیم
آلدی صبریمی الیمدن محنت و ملال محبوب
اولدی همدیم مصیبت مونسیم خیال محبوب
بسکه اوزومه ویردیم مژده وصال محبوب
نفسیمون یانیندا آخر شرمسار اولوب اوتانندیم
کاروان خیالی دوشدی بسکه باشیمه هوسدن
شور ناله مشقین ایتدیم بانگ ناله جرسدن
نی کیمی سیز یلداماقدان دوشموشم داخی نفسدن
اکبریم گلینجه اولم قطع ایدوب یقین اینانندیم
هرگز اختیاریمیلۀ جدۀ گلرم فغانه
باطناً بیر آغلادان وار ظاهر ایلرم بهانه

هجر اودی یانار بیراود دور شعله سی دوشوب بو جانہ

هر زمان سرشگمیلہ سپمدیم سو سوزین آندیم

ایله باوفا دگلدی ترک اولا اونون وفاسی

یاد ایدردی لامحاله اولماسیدی ابتلاسی

قورخورام خدا نکرده باشینون اولا قضا سی

چوخ تفکر ایتدیم آخر بیلہ بیر نتیجہ قاندیم

یوخسا بیوفا دگلدی ایلسون منی فراموش

بیر محبت کنونی سینہ سینده ایتمسون جوش

اکبریم ساغ اولسا قویماز دردیلہ منی هم آغوش

درد الینده نه یوخوم وار نه بیر هوشدن او یاندیم

ذهنی سَری وار یوخومدور درد و غصه دن فراغت

بولموشم سنون مرامون آشکار دور صراحت

دی نولوردی بیر گوریدیم تپموشام گینه سعادت

بیرده بیر او آلتی گوشه قبر باشینه دولاندیم

زبانحال جناب فاطمه صغریٰ در مدینه

جده بابام باشیندا بولم نہ ماجرا وار

بیر هولناک رؤیا گوردوم یقین قضا وار

گوردوم که بیر دیار محنت فضا دی گویا

ملک عراق عربده کرب و بلا دی گویا

قربانلاری یخوبلار کوه منادی گویا

اوز قانینه بویانمش یتیمیش ایکی فدا وار

جده منیم بو رؤیام وحشتلی غم اثر دور

گوردوم بیر آیری عالم دور اوزگه بیر خبر دور

چوخ نازنین بدنلر قان ایچره غوطه وردور

هر بیرینون باشیندا بیر آیری جور بلا وار

بعضی سینہ بیر اندازه ظلم ایلوب دویوبلار

بعضی سینون لباسی وار بعضینون سویوبلار

بعضی بدنده نه باش نه قول نه ال قویوبلار

بعضینون الده قانندان داماد تک حنا وار

تأسیس ایدوبله گویا قاسمه طوی اساسین

نه طوی ایشیتمه سین هیچ داماد اونون قضا سین

دامادی اولدور بلر دوتموش طوی اهلی یاسین

گلمیش نوایه نی تک هر دلده بیر نوا وار

گوردوم که فاطمه نام باجیم عروس اولوب دور

یوخ جام وصلی لکن گوز کاسه سی دولوب دور

بیر دسته زلفی یوزده بیر دسته سین یولوبدور

اگنده شال قرمز باشینده بیر قراوار

گوزدن توکر دمام رخساره قانیاش آغلار

گاهی دیر عم او غلوم وای گاه قارداش آغلار

گاهی بابا دیوب بیر جمعیله بیر باش آغلار

قرخا یاخون یاس اهلی نسگلی بیر عزوار

دوتمور دلیم اگرچه ناچارم ایلوم اظهار

گوردوم دوشوب یارالی قان ایچره شاه ابرار

گلمیش دله یاراسی دگدو قجه گون سیزیلدار

ایلوب او شاهه دشمن عالمده هر جفاوار

اوز قانینه ایدوبلر غلطان جنازه سینی

گل تک ویروبله زیب میدان جنازه سینی

سالوموشلا گون او گونده عریان جنازه سینی

نه وار بدننده باشی اگنینه نه ردا وار

گویا رشید عمومی گوردوم که سو یولوندا

بذل ایلوبودی باشین ویرمیش ایکی قولوندا

قویموش ایکی نشانه بیر صاقدا بیر صولوندا

بیر پاره پاره مشکلی بیر سرنگون لواوار

جده نجه دیوم من گوردوم علی اکبر

آل قان اولان گوگل تک قانه باتوبدی یکسر

صدچاک اولوبدی گل تک گلدن لطیف پیکر

گلمز شماره از بس جسمینده چوخ یارا وار

تا باخدوم اصغریمه حلقینی پاره گوردوم

اول اینانمادیم چون باخدوم دوباره گوردوم

گویا سو ممکن اولموب اول شیرخواره گوردوم

پیکانیه ایچیب سو آناری برملا وار

ذهنی ویرلر اجرون بسدی بو قدر ناله

صاف ایله ذهنوی قوی بو مزدهنی خیاله

گویا که سن دوروبسان تل اوسته لامحاله

مد نظرده روشن بیر گنبد طلاوار

زبانحال علیامخدره در مدینه

دور قبریون فداسی یاتما اویان آناجان

زینب گلوب سفردن ای مهربان آناجان

قوم و قبایل ایچره مرسومیدور بو عادت

هر بیر مسافر اولدی چون داخل ولایت

اوز سرگذشتین ایلر احبابینه حکایت
 منده مصائبیمن ویرم بیان آناجان
 بو غربتی که اولدوم من مبتلا جهاندا
 عالمده گورمسون هیچ بیر بینوا جهاندا
 من بو سفرده چکدوم وار هر بلا جهاندا
 همراهیدی منیله غم هر زمان آناجان
 قبروندن آیریلاندان شغلو مصیبت اولدی
 هر بیر دیاره گیتدیم غصه مده شدت اولدی
 شاد اولمادیم اورکده از بس که محنت اولدی
 اولدی عذاره هر دم اشگیم روان آناجان
 ای کاش اولیدی زینب قبروندن آیریلان گون
 جسمیمن آیریلیدی روحیم منیم همان گون
 بار سفر عراقه محنتله باغلیان گون
 خوشبخت اولوب ایدیدیم ترک جهان آناجان
 شاهانه شوکتیله چخدوم ولایتیمن
 نچه جوان باشیمدا نه طمطراقیله من
 دور ایمدی حالیمی گور قبرونده ایله شیون
 منده مزارون اوسته ایلوم فغان آناجان
 بُرج شرفده گرچه معروف کوکیم من
 عالم بولر کیمن نه اسمه ملقبیم من

ایمدی گورن تصوّر ایتمور که زینب من
 زینب بو حاله دوشسون گیتمور گمان آناجان
 بعضی باخور او قدری آخر تانور گوزومدن
 بعضی دانیشدیرار تا احساس ایدر سوزومدن
 عورتلر ایچره اولام شرمنده اوز اوزومدن
 دوشدوم ندن بو حاله من ناتوان آناجان
 اوّل منی گورنلر گورموشدی زلفی قاره
 بنزدی راست قدیم بیر سَرو جویباره
 ایمدی نجه تانولار آف بیله روزگاره
 زلفیم آغاردی قدیم اولدی کمان آناجان
 زلفیم نجه آغارماز دونمز قدیم کمانه
 اونسگز هاشمیدن یوخ بیر نفر نشانه
 بیر بیر گوردوم او گونده دوغراندی باتدی قانه
 لب تشنه ویردیلر جان پیر و جوان آناجان
 اوغلون حسینون ایتسن مندن اگر سؤالین
 دوتماز دلیم گتورسون تقریره شرح حالین
 بولدورماقا ولیکن حال اسف مآلین
 بو قانلو پیرهن وار الده نشان آناجان
 نیزه قلج یازوبدور حالین بو پیرهنده
 رسم کتابتیله گتدیم الیمده منده

گور نقش اولوب نقدری بیر نازنین بدنده
 خطّ خدنگ تیر و تیغ و سنان آناجان
 سینونده بسلن باش تا نصب اولوب جدایه
 باشیم بلایه دوشدی دل ویردیم هر قضایه
 آیریلما دیم اوگون تک باشندان بسان سایه
 شامه کیمی سوروندوم هر دم هر آن آناجان
 دوشدوم دالینجه گیتدی هر بیر مقامه گیتدیم
 که سیر کوهساره که بزم عامه گیتدیم
 که مجلس شراب سلطان شامه گیتدیم
 ویرانه لرده گاهی ایتدیم مکان آناجان
 زلفیم کیمی باشیمدا بیر جمع دل پریشان
 دائم واریدی منله ویرانه ده هم افغان
 بیز آغلادقجا گلدی شام اهلی اولدی خندان
 ایتدی بیزه شماتت عدوانیان آناجان
 ذهنی خدادن ایسته خوش نظم اولان نظامون
 حلّ اولسون ایسته سن گر هر مشکل عظامون
 توک گوز یاشین دی زینب قُولینجه اوز کلامون
 دور قبروین فداسی یاتما اویان آناجان

احوالات حضرت زینب کبریٰ (علیها السلام) (ذهنی زاده)

تصوّر ایلین اولسا مقام زینبدن
 دوشر تحیره شأن عظام زینبدن
 بو شأن و رتبه ده دنیایه گلمیوب بانو
 بغیر حضرت صدیقه مام زینبدن
 بو اعتقادده ام کسب احتشام ایلیوب
 عموم محتشمه احتشام زینبدن
 نکات تسمیه دن بهرمند اولا هر کس
 عرایضیم اونا روشندی نام زینبدن
 هامو شرافته دارادور اصلاً و ذاتاً
 هانی اصیل نژاد مهام زینبدن
 مراد خالق اولوب خلق ماسوی اللهدن
 نیایه اشرف فخر الانام زینبدن
 آتاسی شاه ولادور که دین تکمیله
 یتوب وصایت باب گرام زینبدن
 آناسی حضرت زهرادی قارداشی حسنّین
 کمال لطف اولونوب لاینام زینبدن
 اوکه شرافت ذاتیدی بسته دور علمه
 نه جای بسط کلام علم تام زینبدن
 همان خانمدی که شأنینده عَمَّتْیَ اَنْتِ
 کلام صادر اولوندی امام زینبدن

ادبده گر اول شرط شرافت ذاتی
 هانی مؤدبه ذات گرام زینبیدن
 محالیدی که ادب آیریلیدی بیر لحظه
 قیام و یَقْظَه قُعود و مَنام زینبیدن
 هامو مدایحی بیر یان شهامتی بیر یان
 عجبی شدته صبر و دوام زینبیدن
 ثبات و صبرینه باخ قتلگهده سجاده
 حصول تسلیت اولدی کلام زینبیدن
 امامه نقل حدیث ایتدی تاپدی بهبودی
 علل زخم دلی التیام زینبیدن
 حیاتی مصرع اکبرده ایلدی تجدید
 حیات عالمه باعث خرام زینبیدن
 یقیناً امر شهادت نتیجه ویرمزدی
 گر اولماسیدی اسارت مرام زینبیدن
 او گلستان شهادتده باغبان اولدی
 گل مُراد دَریلدی قیام زینبیدن
 او گلشنی که بهارینده جبراً اولدی خزان
 اولوب همیشه بهار اهتمام زینبیدن
 جدا باشیندا حسین یقدی باشلاری باشینا
 گیدردی سمت دمشقه امام زینبیدن

بودا دوزوب باشا هشتاده دین قرا معجر
 که شه جلالی چوخالسون نظام زینبیدن
 اولاندا کوفیه وارد قطار آل الله
 تعجب ایلدی خلق انتظام زینبیدن
 سرور بر بط و چنگيله ایتدی استقبال
 همان او فرقه بی ننگ و نام زینبیدن
 دیردیلر که بولار خارجی اسیری دیلر
 بو سوز مخالف اولوب عین کام زینبیدن
 مصمم اولدی خانم قوه فصاحتدن
 بوله حقیقتی هر خاص و عام زینبیدن
 او پرده لر که چکوب حقه قوم بی پرده
 جمال حق آتا عالی همام زینبیدن
 بویوردی ساکت اولون ای جماعت گمراه
 طریق حقی تاپون اعتصام زینبیدن
 کسیلدی همهمه و قیل و قال و بانگ جَرس
 همان او واجب الأذعان پیام زینبیدن
 دل آچدی عالمه بی معلّمه نطقه
 شرر توکولدی لسان حسام زینبیدن
 یانوب همان شرره دودمان سفیانی
 یخلدی خانه ظلم انهدام زینبیدن

ایدوب او صوت و فصاحتله خطبه سین ایراد
 بعین علی دانشور لیک کام زینبیدن
 خدایه حمد دیدی گوندروب رسوله سلام
 خروش اوجالدی او حمد و سلام زینبیدن
 هامو دیردی خدایا علی اوخور خطبه
 ره اعانت فرض مدام زینبیدن
 سنق کجاوده یا بیر اسیر بانودور
 عجب اسارت و وقر تمام زینبیدن
 او قیل و قالی خانم کسدی کسر صحبتله
 ختام هممه تاپدی ختام زینبیدن
 دیدی علی دگیلم لیک مرتضی قیزیم
 بو لهجه ارثدی باب فخام زینبیدن
 اوتانموسوز که بیزه خارجی خطاب ایدوسوز
 مگر بو نقصیدی بیر احترام زینبیدن
 سیزه بو شهرده بیش ایل خانملوق ایلمیشم
 حیا علیدن ایدون اتهام زینبیدن
 مگر دگیلسیز اولار توتیای چشم آلدوز
 بیر عمر تربت درگاه و گام زینبیدن
 او مرده دلّری سحر بیان ایدوب احیاء
 سس آلدیلار او سیزیلدار عظام زینبیدن

چکوب سس آغلادیلار اوج ایدوب گوگه شیون
 او شهر ایچینده حبیب و حضام زینبیدن
 بو یاندا باشلادی قرآن جدا باشیندا حسین
 آزالدا بلکه اورکده ضرام زینبیدن
 که یعنی باجی منم شاهد بیاناتون
 دم شهادته باخ مستضام زینبیدن
 باجی ایشتدی که قرآن اوخور گینه قارداش
 بولوب حمایتی وار مستضام زینبیدن
 اورکلنوب دیدی لحن حجازیوه قربان
 بو مرغ روح بو مجروح دام زینبیدن
 جدا بویوندا گونوم نولدی سایه لطفون
 دونن کسیلدی سر بی لثام زینبیدن
 بو گون بو وقتده تشریفون ای شرف کانی
 سیلر گوگولده محندن قتام زینبیدن
 قسم خدایه بو شهری بولیدیم اجلالون
 سولاردیم اشگیله سرشار جام زینبیدن
 آخور عذاره جگر قانی سندن آیریلالی
 گیجه گونوز مژه چون سهام زینبیدن
 قوییدیلر آپاراردیم سعادت شوطی
 او رأس باطن بیت الحرام زینبیدن

اجازه ویر آپاروم لامحاله فیض نگاه
 بو تیره گونده مه تیره شام زینبندن
 محالدور گیده ظلمات اولماسان طالع
 وَلو مین آی چیخا لیل ظلام زینبندن
 بو شوقیله باشین ایتدی کنار محملدن
 نتیجه حاصل ایده فکر خام زینبندن
 باخوب جمال جمیل اوسته گوردی خاکستر
 گیدوب قرار غمه قلب رام زینبندن
 باشین کجاویه ووردی یاریلدی قان آخدی
 آلوب شمیم دمی جان مَشام زینبندن
 قویولدی باشینه بیر تاج افتخار و شرف
 او قطره قطره دَم لعل فام زینبندن
 دیدی محافی هلالیم کول اوسته یاتمیشدون
 که نور لطفووی کسدون خیام زینبندن
 نه بی مروّتمیش میزبانون عالمده
 حیا و شرم ایلموب ذو انتقام زینبندن
 او تازه قان ندی قارداش آخور جمالوندن
 گلوخیله یارالاندون طغام زینبندن
 بو سجع و قافیه بو طرز ذکر غم ذهنی
 یازیلسون اولدی تقاضا غلام زینبندن

اوزون دوزنـمزیدون نظمہ دَرِ اہـیاتون

دوزولدی لطیف و عنایات وام زینبیدن

احوالات حضرت موسیٰ ابن جعفر (علیہ السلام)

هر دلدہ وار محبتی موسیٰ ابن جعفرین

بولسون ندور حقیقتی موسیٰ ابن جعفرین

فرعونیان عصری سالوب حیرتہ تمام

اعجاز موسویتی موسیٰ ابن جعفرین

اهل نیازه هر ایکی عالمده دولت
 جاویددور مودتی موسیٰ ابن جعفرین
 نیلر او قلب رشته قید علایقی
 وار اوند ا تار الفتی موسیٰ ابن جعفرین
 هر دردین اولسا عرض ایله باب الحوائج
 گنزو دوا دی حضرتی موسیٰ ابن جعفرین
 ایلوب پیایی اول ذیقعه دن ظهور
 بو ایل نچه فضیلتی موسیٰ ابن جعفرین
 اوچ آیدا اوچ یوزه یتشیدور تواتراً
 کشف کرامت آیتی موسیٰ ابن جعفرین
 تک بو دگول فضایی ذکر ایتدیم هر زمان
 ظاهر اولوب کرامتی موسیٰ ابن جعفرین
 بو قدرت مماتیدی گور بیر حیاته
 نه حدیدی قدرتی موسیٰ ابن جعفرین
 حق قدرتیدی قدرتی اما عجب بودور
 مغضوب اولوب خلافتی موسیٰ ابن جعفرین
 شأن و مقامی یاده دوشن دمه هر دله
 تأثیر ایدر مصیبتی موسیٰ ابن جعفرین
 هارون آپاردی حقینی واضح بوله بوله
 وار حق مطلقیتی موسیٰ ابن جعفرین

دویموب بو ظلمدن دل پر کینه سینده چون
 بی حدیدی عداوتی موسیٰ ابن جعفرین
 جبراً ایردی اوز وطنیندن جفائیه
 اولدی علاوه گربتی موسیٰ ابن جعفرین
 آخر او شاهی گوشه غربته اون بیر ایل
 حبس ایتدی اوز رعیتی موسیٰ ابن جعفرین
 زندان توبتو گونوزی تیره شامی تار
 بیر ایل گیچردی ساعتی موسیٰ ابن جعفرین
 دوشمزدی گون او محبسه اشمزدی بیر نسیم
 گور نولدی اوند حالتی موسیٰ ابن جعفرین
 بوینوندا قید سلسله کونده ایاقده
 سلب اولدی استراحتی موسیٰ ابن جعفرین
 اما علی الدوام رکوع و سجودیدن
 اولمازدی بیر فراغتی موسیٰ ابن جعفرین
 غربت غمی خیال وطن ظلم اشقیا
 اولدی انیس وحدتی موسیٰ ابن جعفرین
 یاد ایلدوقجه غربتینی سوز آهون
 آرتاردی دلده حدتی موسیٰ ابن جعفرین
 باشلاردی هر نمازی خضوع و خشوعیه
 تا ختم اولوردی طلعتی موسیٰ ابن جعفرین

وقت نماز اولونجه گینه باشی سجدهده
 خاک اوسته ماه طلعتی موسیٰ ابن جعفرین
 آتین یره قویاردی همیشه واریدی چون
 بو امرینون بیر علتی موسیٰ ابن جعفرین
 قویمازدی اگلشیب دورا زنجیر آغیرلیقی
 اولموشدی سجده عادت موسیٰ ابن جعفرین
 طاقت گیدوب وجودی ضعیف اولدی گون به گون
 آرتوب زبس مشقتی موسیٰ ابن جعفرین
 گه گه چیخاردی بامه که تجدید ایده وضو
 اولمازدی استقامتی موسیٰ ابن جعفرین
 تیتتردی برگ گل تک آسنده صبا یلی
 چون قالمامیشدی طاقتی موسیٰ ابن جعفرین
 هر گون اوروج دوتاردی او رنج و شکنجیله
 اولمازدی فوت فرصتی موسیٰ ابن جعفرین
 هارون بو قدر ظلمه گینه قانع اولمادی
 قصدی اولوب هلاکتی موسیٰ ابن جعفرین
 خرمايه زهر داخل ایدوب گتدی محضره
 سَجان کینه فطرتی موسیٰ ابن جعفرین
 میل ایتدیروب امامه نچه دانه جَبْرِیله
 چون گوردی یوخ صرافتی موسیٰ ابن جعفرین

اصرار ایدوب گینه او شقی سویلدی امام
 اولدی داخی کفایتی موسیٰ ابن جعفرین
 هارون بو ظلمه نادم اولوب که مباد اول
 مسمومیتده شهرتی موسیٰ ابن جعفرین
 ایستوب بو ظلمی پردهده قویسون او دشمن
 بی رحم و بی مروتی موسیٰ ابن جعفرین
 کهنه لباسینی چخادوب ایتدیلر عوض
 اولدی جدید کسوتی موسیٰ ابن جعفرین
 عالی عمارته گتوروب خلقه آندورا
 منظور دور جلالتی موسیٰ ابن جعفرین
 اشراف شهری دعوت ایدوب بیر طیبیله
 طرح اولدی ذکر صحبتی موسیٰ ابن جعفرین
 سویلوب بیله گمان ایدورم بدگماندی خلق
 بیزدندی بو نقاهتی موسیٰ ابن جعفرین
 ایلون سؤال اوزوندن عموغولوم مریضیدور
 یوخسا یوخ اوزگه علتی موسیٰ ابن جعفرین
 دوردی طبیب ایاقه که ایتسون معاینه
 وار هانسی درد علامتی موسیٰ ابن جعفرین
 ویردی الین طیبیه نشان یعنی دردینون
 بو الدهدور حکایتی موسیٰ ابن جعفرین

باخجاق دیدی طبیب بو مسموم اولوب ولی
 قالموب طبیبه حاجتی موسیٰ ابن جعفرین
 یاخشی بولور ندور مرضی بو مریض اوزی
 کاملدی علم حکمتی موسیٰ ابن جعفرین
 هارون خجالت اولدی دوروب گیتدی سَری تا
 کشف ایتدی معنویت موسیٰ ابن جعفرین
 مجلس داغیلدی خلق هامو گیتدیلر قالب
 بیر نفس با شرافتی موسیٰ ابن جعفرین
 سِندابین شاهک اولدی قالان بیرده چون اونا
 دلخواهیدی اذیت موسیٰ ابن جعفرین
 ایتمشدی غیظناک اونی چون کشف راز ایچون
 مجلسده کی قُطانتی موسیٰ ابن جعفرین
 دلده کمال جرئتیه نامالایمات
 دلده خیال زحمتی موسیٰ ابن جعفرین
 رحم ایتمدی او بی کسی بیر درده که سالوب
 یوخدور امید صحتی موسیٰ ابن جعفرین
 بیر ظلم ایدوب شل اولموش الیه او تیره دل
 تار اولدی ماه صورتی موسیٰ ابن جعفرین
 آل چکمدی گتوردی گینه محبسه اولوب
 زندانیده اقامتی موسیٰ ابن جعفرین

بیر گون مُسیّبه که اونا واگذاریدی
 محبسه امر خدمتی موسیٰ ابن جعفرین
 فرمایش ایتدی سندن او دم که سو ایسترم
 بول چوخ یاخندی رحلتی موسیٰ ابن جعفرین
 ایچسم سو پوز سا حالیمی ایتمه داخی سؤال
 مشکل اولور اجابتی موسیٰ ابن جعفرین
 راوی همان او شخصدی سویلر که بیر گونی
 گوردوم که چوخدی فکر تی موسیٰ ابن جعفرین
 معلوم اولور که چوخدی بو گون درد و غصّه سی
 وار یوزده حال رقتی موسیٰ ابن جعفرین
 من ایستدیم که سَرین او شَهْدَن ایدم سؤال
 اولدی جوابه سبقتی موسیٰ ابن جعفرین
 فرمایش ایلدی که وطن یادینه دوشوب
 هم اهل بیت عصمتی موسیٰ ابن جعفرین
 فکریم بودور گیدم گورم اهل و عیالیمی
 چوخدور اورکده حسرتی موسیٰ ابن جعفرین
 عرض ایلدیم بو یر هارا یثرب هارا آقا
 اَبَعْدی چوخ ولایتی موسیٰ ابن جعفرین
 ویردی جواب کامل ایله اعتقاد یوی
 وار قوّه امامتی موسیٰ ابن جعفرین

ناگه آچیلدی دوشدی یره قید سلسله
 تا اولدی بیر اشارتی موسیٰ ابن جعفرین
 غائب اولوب نظردن او منظور دل منی
 حیرتده قویدی غیبتی موسیٰ ابن جعفرین
 مسئول ایدر دیدیم منی هارون دون دیر
 سندنندی بو رعایتی موسیٰ ابن جعفرین
 سن ایتیمسن خلاص وگرنه نجاتینه
 اولمازدی استطاعتی موسیٰ ابن جعفرین
 تشویشدیدیم اوندان گوردوم که سسلنور
 زنجیر طوق دلتی موسیٰ ابن جعفرین
 سالدی الیله بوینونا زنجیرینی منی
 فارغ دل ایتدی رجعتی موسیٰ ابن جعفرین
 سویلوب که مندن اوتری سیاست اولاسنه
 اولماز بونا رضایتی موسیٰ ابن جعفرین
 اوچگون گیچوب سو ایستدی بولدوم که دلدن وار
 سوز عطش حرارتی موسیٰ ابن جعفرین
 سو ویردیم آلدی باخدی ایله یأسیله سویا
 گویا که وار ندامتی موسیٰ ابن جعفرین
 عرض ایلدیم آقا نیه میل ایتموسن سوئی
 آرتدی داخی ملالتی موسیٰ ابن جعفرین

سویلوب نجه ایچیم سوئی خاطر نشان اولوب
 جدی شه شهادتی موسیٰ ابن جعفرین
 جان ویردی سو یانیندا حسین تشنه لب نجه
 اولسون سو میل و رغبتی موسیٰ ابن جعفرین
 راوی دیر که خواه نخواه ایچدی سو امام
 گوردوم پوزولدی حالتی موسیٰ ابن جعفرین
 گه یاشل اولدی رنگ شریفی گهی اولوب
 رنگینده صفرویتی موسیٰ ابن جعفرین
 ناگاه ظاهر اولدی جوان ملک صفات
 وار اوندان شکل هیئت موسیٰ ابن جعفرین
 چوخ بنزر اولغریبه یقین ایلدیم اودور
 دلبدن پاک طینتی موسیٰ ابن جعفرین
 آغلار گوزیله بیر بیرینی ایتدیلر وداع
 گیتدی او مهر خلصتی موسیٰ ابن جعفرین
 چکدی عباسین اوستونه بولدوم یتوب باشا
 عمر حیات مدتی موسیٰ ابن جعفرین
 ذکر شهادتینیه یتدی قولاقیمه
 کلمات با فصاحتی موسیٰ ابن جعفرین
 هارون ایشیتدی تا وطن اصله عزم ایدوب
 باشه یتوبدی غربتی موسیٰ ابن جعفرین

یرده قویوب او نعی شکاره گیدوب اوزی
 قصدیدی چون اهانتی موسیٰ ابن جعفرین
 زنداندا دلتیله قالب اوچ گون اوچ گیجه
 نعی قرین عزتی موسیٰ ابن جعفرین
 گلدی شکارگه دن او دل مُرده سویلدی
 وار دفنی نون ضرورتی موسیٰ ابن جعفرین
 وهن اوزره اولدی اوچ نفر حماله واگذار
 تدفینون کفالتی موسیٰ ابن جعفرین
 یردن جنازه نی گوتورن دمده گوردولر
 مانعدی نقله ثقلتی موسیٰ ابن جعفرین
 تا چکدیلر کناره عبانی نه گوردولر
 وار ثقلتنده علتی موسیٰ ابن جعفرین
 جان تاپشوراندا کونده و زنجیری آچمیوب
 قیدی آچوب قویولدی او تابوت کوتهه
 نعی بلند قامتی موسیٰ ابن جعفرین
 باش سمتدن آخوب باش آیاق سمتدن آیاق
 نسگلیدور بو محنتی موسیٰ ابن جعفرین
 تابوتون گیدردی منادی قباچه
 دلده خلاف مدحتی موسیٰ ابن جعفرین

قدحیله نسبتی که ویروردی او سروره
 اصلا یوخیدی نسبتی موسیٰ ابن جعفرین
 تا اینکه آگه اولدی سلیمان قضیه دن
 تأثیر ایدوب مدلتی موسیٰ ابن جعفرین
 نعی آلوب دیدی گرک اولسون بو شهرده
 اثبات افضلیتی موسیٰ ابن جعفرین
 امر ایتدی جار چکدی منادی که کشف اولا
 بغدادیانه رحلتی موسیٰ ابن جعفرین
 تشییعه حاضر اولسون او که اعتقادیدور
 حقیقت ولایتی موسیٰ ابن جعفرین
 پاک اوغلی پاک دفنه گلسون او کس که وار
 بوینوندا عقد بیعتی موسیٰ ابن جعفرین
 اولده اهل بیتینه امر ایلدی گلون
 یوخدور یانیندا عترتی موسیٰ ابن جعفرین
 دوره وورون بو نعهه دیونجا بیر آغلیون
 تا اولماسون حقارتی موسیٰ ابن جعفرین
 سس دوشدی شهره حاضر اولوب شیعه لر تمام
 کثرت تاپوب جماعتی موسیٰ ابن جعفرین
 شطین کنارینه یتوروبلر جنازه سین
 اشیاغ خوش عقیدتی موسیٰ ابن جعفرین

غسلین اگرچه ویرمیشدی اوغلی باطناً
 معلومیدی وصیتی موسی ابن جعفرین
 ظاهردهده اولوب عمل آداب میته
 منظور اولوندی حرمتی موسی ابن جعفرین
 ذهنی بسوندی گر اولاد دیوان حشرده
 الده بو غم کتابتی موسی ابن جعفرین
 هجری حسابی مین اوچوز آلی مه صفر
 نظم اولدی بو روایتی موسی ابن جعفرین

نوحه در شهادت حضرت موسی ابن جعفر (ع)

کیمدور ویره تسلی اولاد مصطفایه
 موسی ابن جعفر اولدی یوز ویردی غم رضایه
 اون بیر ایلی او سرور حبس ستمده قالدی
 زنجیر کین فشاری دلدن قرارین آلدی
 سوز دلیلده از بس یاندی سولوب سارالدی
 باد ستمله دوندی گل رنگی کهریایه
 بس گورمدی بو ظلمی هارون بی مروّت
 ایلر اوناکفایت رنج و ملال غربت
 نه همدم و نه مونس اهل و عیاله حسرت
 بسدور دوچار اولوبدور بو درد بی دوايه

زندان محنت ایچره شام و سحر او دلخون
 هر حالیده ایدردی رازو نیاز بیچون
 محبوب ذکری دلده گوز یاشی زار و محزون
 اظهار درد ایدردی درگاه کبریايه
 هارون گوروب که یوخدور جور و جفایه مانع
 نه دوییدی کینه سیندن نه اولدی ظلمه قانع
 آخر بو فکره دوشدی سونسون او نور لامع
 زهر جفا تهیه ایتدی شه ولایه
 حکم ایلدی او کافر سندابن شاهک شوم
 ایتدی امام عصری جبر و ستمله مسموم
 گوردی ایدله رسوا اولسا قضیه معلوم
 لازمدی پرده چکسون بو ایتدیقی جفایه
 بیر آر تفکر ایتدی ایتسون بو امره تدبیر
 بیر مجلس ایتدی برپا اول کان مکر و تزویر
 حتی طبیب حاضر ایتدی بدون تأخیر
 فاش اولدوقی جفاسین بلکه سالا خفایه
 موسی ابن جعفریکه اون بیر ایلی سراسر
 زنجیر و کنده ایله رنجوریدی او سرور
 آزاد اولوب ولکن مهموم و دل مکدر
 گیدیردیلر لباس فاخر او مه لقایه

او مجلسه سالندی بیر رختخواب دیبا
 اگلشدیروب او شاهی بو نیتیه گویا
 بولسون هامی که بیزدن یوخدور امامه ایذا
 منظور دور همیشه حرمت بو مقتدایه
 اولدی او بزمه حاضر احضار اولان جماعت
 یوز دوتدی حاضرینه هارون حیلَه فطرت
 سویلوب که خلق ایچینه گویا ایدوبدی شهرت
 من زهر ویرمیشم بو رنجور مبتلایه
 بیمار دور عم او غلوم مطلب بودور حقیقت
 ایلون سؤال اوزوندن دردین دیر بو حضرت
 دوردی طبیب او دمه ایتدی سؤاله سبقت
 تا اولدی روبرو اول مرأت حق نمایه
 واضح دینمندی اوز دردین امام مظلوم
 ایتدی آیین ارائه اولسون طبیبه معلوم
 یعنی من غریبی بول ایلوبله مسموم
 پرده چکوله اما بو ظلم برملایه
 گورجک الین امامین اولدی طبیب حیران
 سویلوب اوزی بولور اوز دردین بو دل پریشان
 حضاره بو سوزیله فاش اولدی راز پنهن
 غیظه گلوب خلیفه یاندی بو ماجرایه

بزم اولدی مُنقلب تا ایش بو مقامه یتدی
 بو ظلمدن جماعت مستحضر اولدی گتدی
 خلوت گوروب جسارت سندابن شاهک ایتدی
 بیر ظلم ایدوب امامه آهی چخوب سَمایه
 گتدی گینه امامی سیند شریر بی پیر
 زندانه داخل ایتدی ووردی دوباره زنجیر
 تا وقت اولوب یتشدی اتمامه امر تقدیر
 ایتدی غروب او شمس خورشید و ماه سایه
 دام بدندن اولدی تا مرغ روحی آزاد
 قاتل که آگه اولدی اولدی غریب بغداد
 امر ایتدی یرده قالسون نعش سلیل آمجاد
 جان ویردوقی یرینده مستور ایدون عبایه
 گیتدی شکاره هارون عزم سیاحتیه
 قالدی امام نعشی یرده اهانتیه
 زندانیده بو یوندا زنجیر او حالتیه
 باخ دور روزگاره اف بیله بی وفایه
 اوچگون گیچوب او گوندن شهره قیتدی هارون
 ای کاش اولیدی مُلکی ویرانه بختی وارون
 امر ایتدی نچه حمال ایتسون امامی مدفون
 وضعین خیال ایدنده صبریم گیدر فنایه

نه نوع حمل اولوندى نعلش امام هادی
 یانه دلیله اعلان ایلردی بیر منادی
 قویموشدولار او پاک و پاکیزه نه آدی
 هر کیم ایشندی دلدن نی تک گلوب نوایه
 عرض ایلسم یری وار وار ایمدیده او حاله
 اوغلی امام هشتم آغلار باتار ملاله
 حتی امام غائب ایلر او غمده ناله
 جدا دیوب گلور مین شوريله آه و وایه
 بولم ننددی یا رب دُرَّیَّةٔ پیمبر
 مظلوم اولوبلا دائم هر دوره ده سراسر
 مسموم اولوبلا بعضی بعضی سین اولدوروبلر
 وار صبرون انتقام ظُلام اشقیایه
 بیر شاعر اسمی سید موسی اوزی محقق
 یازدی بو شاهیتی بیتینده اول مدقق
 تعقیبینی کیم ایتسون حضار اولوب مصدق
 امر اولدی ذهنی یازسون یازدیم الی نهاییه

در آرزوی زیارت کربلای معلی

الهی دل نقدی حسرت نیل مرام اولسون
 روا گورمه بو حسرتله گونوم عمروم تمام اولسون

هوای کربلا ایتمیش سر شوریده می پُرشور
 بو شوريله یاخوندور روزگاریم تیره شام اولسون
 نه مدّتدور امیديله سؤالیم بیر زیارتدور
 قبول اولمور چوخ آز قالدی امیدیم یأس تام اولسون
 بو کاميله وورار کوی اَمَلده دل دمادم گام
 نصیبیم بیر طواف قبر شاه تشنه کام اولسون
 اجل درک ایتمیش یازب نصیب ايله بو جمعیله
 دوباره قسمتیم قبر قتیل مستظام اولسون
 غلام آسا چکاک صف آستان عرش اساسنده
 ادبله عرض ایداق شاهها سنه بیزدن سلام اولسون
 حقیقی کعبه عرض ایتسم حسینون قبرینه الحق
 گمانیم یوخی بو حق سوزده بیر جای کلام اولسون
 مکان لامکاندور چون او مظلومین سِنِق قلبی
 گرک قلب حقیقت باطن بیت الحرام اولسون
 نجه سینماز او قلبی که اونا اوچ شعبه اوخ دگسون
 خصوصاً سینه سی باشندان باشا زخم سهام اولسون
 او قلب عالمین قلبین او گون سندیر دیلار کرات
 ایکی عالمده یازب دلشکسته اهل شام اولسون

شما ت داشینه گه شیشه قلبی نشان اولدی
 گورونموب بیله بیر مظلوم ایله قوم ظلام اولسون
 قبول التیام ایلر قلج اوخ یاره سی لیکن
 جراحات لسانه دلدہ مشگل التیام اولسون
 کسوب سو یولارین ایتدی خجالت اهل بیتیندن
 گوروم شرمندہ دؤریندن بو چرخ نیلفام اولسون
 گورونمز ظلمدن بیر دعوی اسلام ایدن قومین
 جفا سیندن پیمبر جانشینی مستضام اولسون
 فرات آخسون مروّتدور بنات فاطمه باخسون
 تماماً دلدہ سو گوز یاشلو آلدہ خشک جام اولسون
 روادور خون ثارالّهی بولسونله حلال اما
 بیابانه آخان بیر سو او مظلومه حرام اولسون
 حسینیکه مسلم احمد مرسل عزیزیدی
 نجه انصافدور لب تشنه مقتول لثام اولسون
 قوناقی هانسی ملت کوفیان تک ناحق اولدوردی
 خصوصاً بیر قوناقیکه امام اوغلی امام اولسون
 چیخنجا جانی سس چکسون و بیرون بیر شربه سو یانندیم
 سسینه سس ویرن اوخ نیزه یا قاطع حسام اولسون

او حالتده باخاردی خیمگاهه قان دولان گوزلر
 مبدا دشمن بی رحمیده قصد خیام اولسون
 اوزوندن ال اوزوب اما گوتورمور آل حمیتدن
 حریم عصمتہ قویمازدی حتک احترام اولسون
 مقدس نفسینه هموار ایدنمزدی گوزی باخسون
 عیالی دستگیر کوفیان بدنظام اولسون
 گوروب ناگه گلور زینب صداسی داده گل قارداش
 یاخوندور خیمه لرده شورش حشر عظام اولسون
 توکولدی خیمه لشگر دور ایله چاره آرقالدی
 اسیر قوم کافر عترت خیرالانام اولسون
 گراندور زینبه سن اولمیش جور و جفائیلہ
 عزالان حرم رحم ایتمین صیاده رام اولسون
 بودور مقصودی قوم بی حجابین رسم غارتله
 حیالی قیزلاروندان سربسر کشف لثام اولسون
 ایله حالی پوزولدی غیرت اللّهین که هولیندن
 گینه قصد ایلدی آمادہ دفع خصام اولسون
 باشین قصد قیامیلہ گوتوردی قائلو توپراقدان
 وجودینده گوروب مشکلدی یارای قیام اولسون

دیزی اوسته سوروندی بیر قَدَر یول هَمْتِه بیر باخ
 گورونموب بیر حِمَّت صاحِبِینده بو ضرام اولسون
 آچیلدی یاره لر گوزگوز آخوب قان سالدی یارادن
 ثَمَر ویرمز او حاليله گوروب هر اهتتام اولسون
 ایدوب شمشیره تکیه یوز دوتوب کَفَّاره سسلندی
 سیزه عار اَبَد ای فرقه بی ننگ و نام اولسون
 منيله سیز سیز یله مَن جماعت ایلیروق دعوا
 اَنائون یوخدی تقصیری که اخذ انتقام اولسون
 عرب سوز لامحاله ویرمیون اَلدن عرب رسمین
 گرک هر طایفه اوز رسمینه تابع مُدام اولسون
 تقدیری منده جان وار آل چکون اهل و عیالیمدن
 اوز امر قتلیمه اَوَلده سَعیوز اختتام اولسون
 گلون اَوَل منی آزاد ایدون قید حیاتیمدن
 بو قدری مرغ روحیم قویمیون پابند دام اولسون
 بیله قورخوتمیون اَلَسیز ایاقسیز باشسیز اطفالی
 پیمبردن خدادن شرموز ای قوم طغام اولسون
 سپاهه بانگ ووردی شمر بو کُفُو کریمه مَن
 بصیرم دهرده مشگل بیله عالی همام اولسون

قبول ایتمز حسینون غیرتی جانینده تا جان وار
 عیالی خوفه دوشسون شوکتندن اغتنام اولسون
 گلون اوز امرین اَوَل بو غریبین ایلون اتمام
 اوز امریندن صورا غارت اساس احتشام اولسون
 قیتندی فرقه باطل حسین اوسته نه وضعيله
 گرک تقریریمه ناصر خدای لاینام اولسون
 آلوب بیر کثرتیله شاه بیکیس دوره سین دشمن
 گورولموب بیر وحیدین قتلینه بو ازدحام اولسون
 خیال ایت گور نه عالم دور اوقدری اوخ قلج نیزه
 مقابله سپر بیر نیمه جان نفس گرام اولسون
 ندن یاره ووران اَلَر اوگون شل اولماسون یارب
 عزیز فاطمه جسمی یَتَن تیغه نیام اولسون
 مصیبت سخت موقعده دایاندی خوش دگیل یازماق
 پریشان اولدی دل مشگلدی سوزده انتظام اولسون
 کمیت طبعوه ویرمه عِنان ذهنی کفایتدور
 سوزی قیتیر باشا خاطر پسند خاص و عام اولسون
 منی بیر عمر دور فکر زیارت ایلوب فکری
 روا گورمه خدا آخر بو فکریم فکر خام اولسون

تمام شد کتاب مستطاب دیوان

گنجینه ذهنی رحمة الله علیه